

فتحية العسال

سجن النساء

مسرحية من فصلين



سجن النساء

مَسْرُوحِيَّةٌ مِنْ فُصُلَيْنِ

فَتْحِيَّةُ الْعَسَالِ



الهيئة العامة للنشر والتوزيع

١٩٩٣

الفلاف والاخراج الفنى

جرجس ممتاز

الاهداء

- الى عمق النهر وسماحته .
- الى عبد الله الطوخى .
- عشرة العمر الجميل .

فتحية العسال

2

الشخصيات حسب الظهور

- ١ - سلوى .
- ٢ - ليلى .
- ٣ - أنصاف .
- ٤ - عدلات .
- ٥ - لواحظ .
- ٦ - عواطف ((صرصاره)) .
- ٧ - سنية ((ثوانى)) .
- ٨ - بخيته ((سجانہ)) .
- ٩ - هند ((ندم)) .
- ١٠ - الهام .
- ١١ - شفيقة .
- ١٢ - منى .
- ١٢ - وداد ((سجانہ)) .
- ١٤ - سليم .
- ١٥ - خوخة .

شخصيات ثانوية :

- ١ - ضابط مباحث .
- ٢ - مخبر .
- ٣ - كاميليا .
- ٤ - مهلبية .
- ٥ - مسجون .
- ٦ - عسكري (١) .
- ٧ - الأمور
- ٨ - عسكري (٢) .
- ٩ - سعدة
- ١٠ - نوال .

الفصل الأول

المنظر الأول :

- قبيل فتح الستار يندفع الى المسرح عدد من الراقصين والراقصات مرتدين ملابس من جميع فئات الشعب
- جميعهم في مراحل مختلفة من العمر ، يؤدون رقصه جماعيه تعبر عن التمرد تصاحبها اغنية تعبر عن شوق الانسان الى العدل والمساواة والحرية
- يندفع الى المسرح عدد آخر من الراقصين والراقصات في هجوم على المجموعة الأولى في رقصة تعبر عن التسايط والسيطرة
- يشتبك الطرفان في معركة شرسة ، وعندما تصل المعركة الى ذروتها تتجمد الحركة على المسرح وتظل كذلك لمدة ثواني
- يظلم المسرح

(اظلام)

المنظر الثاني :

— يضاء المسرح على صالة منزل جميل تنم عن ذوق بسيط ورقيق حيث يوجد بالديكور أركان صغيرة تشكل وحدات منسجمة معا صورة كبيرة للعائلة الأب والأم ، والابنة ، والابن

— عدد من المكتبات مزدحمة بالكتب عدد من الفازات مملوءة بالورود الطبيعي وعدد من التماثيل

— لوحات لرسامين عالميين (بعض الصور الأخرى للطبيعة وأيضا صور لبعض الشخصيات الوطنية والمحلية والعالمية) مثل جمال عبد الناصر وجيفارا على سبيل المثال

— تظهر سلوى عزمى وهى فى الأربعين تقريبا حلوة الملامح ملابسها بسيطة تدخل بسرعة وتغلق الباب كأنها مطاردة

— تعرج وتتوجع من أثر إصابة فى قدميها

— ملابسها مشعشة الى حد ما . تسرع فورا الى أقرب

مقعد تخلع حذاءها وتشرع في تدليك قدميها المصابة
وهي تتأوه

— تنهض سلوى من مكانها بصعوبة تتجه الى النافذة
وتفتحها تنبعث من الشارع صوت مفرقات

(نسمع أصوات بائعي الصحف تختلط ببعضها)
المسا اقرى المسا اقرى اخبار المظاهرات
المظاهرات من اسكندرية لحد اسوان

الأمن المركزي يحاصر المظاهرات

(سلوى تفلق النافذة وتنظر في ساعة يدها في قلق
تروح وتجيء في الصلاة)

سلوى اكيد حيقى فيه بيان مهم دلوقتى تدير مؤثر
الراديو واذا بصوت فريد الأطرش ينبعث في أغنية
يا عوازل فلفلوا ما قالى وقلت له (

معقول يا عوازل فلفلوا دلوقت (تدير المؤثر
مرة ثانية واذا بصوت عبد العزيز محمود ينبعث
يا شبشب الهنا ياريتنى كنت أنا)

سلوى وكمان يا شبشب الهنا والبلد بتتحرق

(جرس التليفون يرن سلوى تجرى عليه وهى
تعرج ترفع السماعة في لهفة)

آلو ايوه يا كمال انت فين

ص كمال باكلمك من الشارع اسمعيني كويس
المظاهرات قافله الطريق وأنا مش عارف أوصل
للبيت

- سلوى** أيوه عارفه ما انا لسه جايه من
الجرنال ومادرتش بنفسى غير وانا ماشيه فى
المظاهرة
- ص كمال** بلاش الشرح الوافى ده فى التليفون طمئنى
الأولاد فين ؟
- سلوى** عند ماما بس هدى مخصصانى ومش راضيه
تكلمنى
- ص كمال** لها حق ما هو انت غلط فى حقها
- سلوى** البنات فى سن خطر ولازم تتربى
- ص كمال** مش وقت الكلام ده واسمعىنى اكسى البيت
كويس واوعى تخللى فيه حاجه
أيوه أيوه فاهمه
- كمال** وسيبى الشقة وانزلى على طول
- سلوى** الدكتوراه أمينة زمانها جابه عندنا اجتماع
- كمال** لا يا سلوى لا مفيش داعى لأى اجتماعات
دلوقت اخوانا البعده جايز يطبوا فى أى لحظة
- سلوى** المهم انت رايح فين ؟
- ص كمال** وده سؤال برضه ثقّال فى التليفون
- سلوى** طب خد بالك من نفسك يا حبيبى
- ص كمال** وانتى يا حبيبتى خدى بالك من نفسك ومن
الأولاد
- سلوى** : (تضع السماعة ثم تجرى على المكتبة تخرج من بين

كتبها بعض الأوراق ترتفع الموسيقى لتعبر عن
حركتها السريعة وتخرج أوراقا من داخل
التمائيل

(من ظهر لوحة من داخل فائزة من أعلى
ستارة تجمع كل الأوراق ثم تحضر سلة مهملات
من الصفيح وتضع فيها الأوراق وتشرع في حرقها
غير أنها تسمع جرس الباب فتهمس لنفسها)

دى أكيد أمينة

سلوى

(تشد السلة لتخبئها وراء مكتبة غير أن جرس
الباب يذق بشده وتواصل سلوى قلقه)
لا كده تبقى أكيد المباحث

(تجرى في سرعة تجمع الأوراق من السلة)

ايوه ايوه طيب طيب

(الجرس والخبط متواصلان سلوى ترفع
أجزاء من المكتبة في صعوبة ثم تضع الأوراق بين
جزئين من المكتبة الجرس مستمر)

قولنا طيب الله

سلوى تعدل من هندامها وتهدا من توترها ثم
تتجه الى الباب تفتحه في تحفز)

(فور فتح الباب تندفع الى الداخل امرأة جميلة
تلهث في أرهاق وتختلف عن سلوى في المظهر حيث
أنها مرتديه ملابس فاقعة اللون غالية الثمن
تعنى بزيتها عناية مبالغا فيها اذ تضع كمية
من المساحيق على وجهها . شعرها مصبوغ باللون

الأصفر الفاقع غير أنها مشعشة الشعر ممزقة
الملابس يبدو أنها معتدى عليها بالضرب تمسك
في يدها فردة حذاء ومرتديه الفردة الأخرى
بمجرد أن تدخل وتنظر الى سلاوى ترتدى على
صدرها باكية (

سلاوى سلاوى الحقينى يا سلاوى غتيني
الى ما يرمىكى فى ضيقه

سلاوى ايه ده انت انتى مين يا ست انتى ؟

سلاوى مش عارفانى يا سلاوى بخونك العيش والمالح
مش عارفه ليلي مختار زميلتك بتاعة زمان

(سلاوى تنظر اليها فى عدم تصديق)

سلاوى مش ممكن ليلي مخ

ليلى هى بعينها

(تتماثقان فى محبة)

سلاوى انه ده يا ليلي ماعرفتكىش

ليلى لك حق ما تعرفنيش يا سلاوى ما أنا انقطفت
بدرى وادبل شبابى آه شبابى

سلاوى أنا سعيدة قوى انى شفتك يا ليلي دا انتى كنتى
وحشاني

ليلى وانى أكثر يا حبيبتي

سلاوى طب كنتى فين اختفيتى فجأة ويقالك سنين
مابتجنيش ليه

ليلى غصب عنى يا حبيبتي حكم القوى ع الضعيف .

سلوى

حكم مين ؟

ليلى

حاحكى لك على كل حاجة بس اقعد القبط نفسى
(ليلى تتجه الى الأريكة تحاول ان تجلس غير انها
تتوجع ولا يمكنها الجلوس تحاول ان تعتدل
لا يمكنها تتأوه)

ليلى

آه آه آه نا رجلى - آه يا ضهري
آه نا كتفى آه نا ادى آه نا جدور رقبتي

سلوى

حاولى تقعدى يا ليلى

ليلى

مش قادرة ناختى مش قادرة العصوصة
بتوجعنى آه يا عصوصتى آه

سلوى تساعد ليلى حتى تجلس ثم تخلع فردة
حذاءها وتفرك قدميها فى صعوبة ساوى تنظر اليها
فى دهشة)

سلوى

فيكى انه نا ليلى ؟ انه الى مبهلك كده ؟

ليلى

مرقوعه علقه سخنة

سلوى

علقة

ليلى

ما اخدهاش حرامى فى جامع علقه عمرى ما اخذت
زبها يا سلوى يا حبيبتى مفيش حتة فى جتتى
سليمة دشدشنى يا أختى دشدشنى
ما خلاش من اول اند المقشه لحد شماعة الهدوم
وهات يا ضرب

سلوى

مين الى ضربك ؟

ليلى جوزى الهى أشوف فيه يوم
سلوى بس ده متوحش معقول يعمل فيكى كده وليه ؟
ليلى حاحكى لك يا اختى حاحكى لك على كل حاجة
سلوى تنظر فى ساعة يدها فى قلق (ايوه بس بس انا انا
ليلى بس ايه حاحكى لك صبرك بالله حاتعرفى كل حاجة المهم قوليلى (ليلى تنظر يمين ويسار ثم تهمس لسلوى) جوزك هنا ؟
سلوى لا ليه ؟
ليلى عايزة اقولك كلمة تحطيها خلق فى ودناك
سلوى كلمة ايه
ليلى يا مأمنه للرجالة يا مأمنه للميه فى الغربال
سلوى تبتسم فى سخرية (ميه ايه وغربال ايه ايه الكلام الفارغ ده
ليلى لا ما تقوليش كلام فارغ ولا انت لسه بتتفلسفى زى زمان
ليلى لا يا سلوى يا اختى لا انتى ما تهزفيش الرجاله اسألينى عنهم أنا
سلوى صوت الفرقعات يعلو ليلى تنتفض فى رعب
سلوى بسم الله الرحمن الرحيم .. فيه ايه ؟

سلوی

ایه نا لیلی ما انتش عارفه فیه ایہ ؟

لیلی

ایه ناختی هی الحرب قامت

سلوی

لا دی دی قنابل مسيلة للدموع

لیلی

والقنابل دی لیه ؟

سلوی

وانت جابه ما شفتیش البلد مولعة والمظاهرات
مالية الشوارع

لیلی

آه صح شفت شفت ناس کثیر
صفوف صفوف جنب بعضها وبتصرخ بكلام
ما اعرنش هو انه الا لیه بیصرخوا نا سلوی ؟

سلوی

لأ الضغط بیولد الانفجار الناس انفجرت من
الظروف الی هم عاشین فیها.. خرجوا بصرخوا.

لیلی

تتحرك فی صعوبة وهی تشير علی نفسها)

زبی یا اختی ما أنا کمان صرخب فی وشه
وقلت له حرام حرام تعمل فی کده ده أنا
عایشة معاك علی الحلوة والمرة ده یقولی یمین
اقولک حاضر یقولی شمال اقول آمین وبعد
ده کله بصی یا سلوی بصی المفتري الجبار
عمل فی ایہ ؟

(لیلی ترفع کم فستانها وتظهر آثار الضرب

سلوی

طب بس ما تعیطیش

لیلی

ما عیطش ازای ده أنا عایزه اعیط بدل الدموع
دم .. ده أنا تعبانه ومخنوقه والدنیا فی عینی

قد فص الحاتم وحاحكى لك عمل فيأ آيه
الخابن الغدار

سلوى يا ليلى بس بس أنا أنا
تتوقف فى حرج)

ليلى انتى ايه ؟

سلوى اصل أنا مشفولة وجايه لى واحدة صاحبتى ولازم
ننزل فورا عشان

ليلى اخص عليكى يا سلوى اخص عليكى هى
صاحبتك ابدى منى ابدى من عشرة العمر
والاخلاص يا استاذة يا صحفية يا كبيرة ما بقتيش
فاضية للسئات الغلابة مكسورة الجناح اللى
زى آه يا جناحى المكسور يانى

سلوى اصل انا لازم اسيب البيت دلوقتى

ليلى (تخط على صدرها فى دهشة يا مصيبتى
ليه هو انتى كمان زعلانه مع جوزك آه اكمنك
بتعرجى تقطعنى ما خدتش بالى هو أنت
كمان مضروبه علقه سخنه زى ؟

(ليلى تبكى سلوى تربت عليها جرس
الباب ليلى تنتفض فى رعب)

سلوى دى اكيد امينة

ليلى لا ده جوزى يا مصيبتى يا مصيبتى

(سلوى تتجه لتفتح غير أن ليلى تمنعها) .

- ليلي** استنى ما تفتحيش استخبي الأول خبينى
- سلوى** اخبيكى ليه ؟
- ليلي** ده اكيد سليم جوزى
- (جرس الباب بدق ليلي تجرى هنا وهناك وهى تصرخ فى الم حتى تصل الى وراء البرقان
سلوى تجرى وهى تعرج انضا حتى تصل الى الباب تفتحه واذا بمجموعة من الملابس الممزقة يقذف بها الى الداخل مع صوت المكوجى)
- المكوجى** المكوى بتاعة حضرتك اهى
- سلوى** معقول دى المكوى ؟
- المكوجى** اتفصص منى فى المظاهرات
- (سلوى تفلق الباب تجمع الملابس ليلي تخرج من وراء البرقان تتنهد فى ارتياح)
- ليلي** الحمد لله ده انا رجليه ساب واطرعبت احسن يكون سليم جوزى
- سلوى** هو سليم جوزك يعرف بيتى ؟
- ليلي** وقد تذكرت (هه لا
- سلوى** معقول يا ليلي الحالة الى انتى فيها دى مالك خايفه كده ليه ؟
- ليلي** : لو عرف انى جيتلك حايموتنى .

- سلوى ليه ؟
- ليلى ما هو محرج عليا ما عرفكيش
- سلوى انا ليه ؟
- ليلى البراغيت
- سلوى البراغيت ؟
- ليلى ما هو مسمى السياسة براغيت ودايما يقولى
الناس بتوع السياسة دول فى دماغهم براغيت
بتنط من دماغ للدماغ
- سلوى ساخرة (
- وعشان كده مانعك تبجى عندى ؟
- ليلى خايف عليا من براغيتك
- سلوى بس غريبة منين عرف ان اى علاقة بالسياسة
- ليلى ما هو - ما هو اصله كان بيشتغل فى مكان
حساس
- سلوى فى دهشة (
- مكان حساس
- ليلى تتقدم من سلوى لتهمس لها فى اذنيها
بتقولى انه
- ليلى وبعد استقال وهو دلوقت
بيزنس مان كبير قوى عنده بدل المشروع خمسة
وبدل الشركة عشرة وبقي ايه بيلعب بالفلوس

لعب وأول لعبة عملها حب واحده غيرى
ولما قلت له انى عارفة هجى عليه زى الوحش
الكاسر وشدنى من شعرى وهات با ضرب لحد
ما دشدشنى وكسرنى والآخر قفل عليا الباب
بالمفتاح وسابنى طول الليل والنهاده والصبح
ما عبرنيش انا قلت ما بدهاش وعنها وجبت
شاكوش وكسرت الباب وجيب لك اجرى تفتينى
الهى ما يرمىكى فى ضيقة

سلوى ليلى يا حبيبتى انتى جابه فى وقت صعب وانا
انا

ليلى ما تكلميش ما انا عارفه خلاص ما عدش لى
قاب حنين خلاص مش لاشيه حد افضض له
بقلبى ومرارى

سلوى افهمينى يا ليلى انا

ليلى ولا افهمك ولا تفهمينى نا ماشية وكرر الف
خيرك (تهم ليلى بالقيام سلوى تنتظر
تنتظر قيامها غير أن ليلى تعود وتجلس مرة
ثانية بس انا بقى مش حازعل منك ومش منقولة
من عندك) فى هذه اللحظة جرس الباب يدق
الجرس بسيط يدق بلا أى الحاح سلوى تفرح
تتجه الى الباب وهى تردد)

سلوى اكيد دى الدكتوراة امينة صاحبتى اللى قلتلك
انها جايه (تفتح الباب فى هدوء وبلا أى ارتياب

فيسندفع الى الداخل عدد كبير من العساكر
والمخبرين يتقدمهم ضابط مباحث في ملابس عادية
يتفرق المخبرون هنا وهنا داخل الشقة سلوى
تكاد تفقد توازنها أمام العدد الكبير من المخبرين
والعساكر غير أنها تتماسك بينما ليلى تتجمد في
مكانها في رعب الضابط بخرج مسدسه)

الضابط

ما حدثش تتحرك من مكانه يشير للمخبرين
والعساكر)

فتشوا البيت سلوى تقف في مواجهة الضابط
في شجاعة بينما ليلى ترتعش)

سلوى

بأى حق تتهجموا على بيوت الناس كده ؟

الضابط

(الضابط يخرج لها بطاقة الشخصية) مباحث

ليلى

تلطم خديها) يا مصيبتى مباحث

(ساوى تنظر البطاقة ثم تناولها له في تهكم

سلوى

ما انا عارفه انك مباحث امال حاتكون انه يعنى

سلوى

ترتعث ليلى سلوى تربت عليها تهمس لها)
ليلى بلاش تخليه يحس أنك خافه

ليلى

دأنا مرعوبه مش بس خايفه (سلوى تلاحظ ان
الضابط شد كتابا من المكتبة ويقذف به على الأرض
تجرى اليه)

سلوى

: استنى عندك .. معاك امر تفتيش ..

الضابط

يا سلام طبعاً ما احنا عارفين انكو حريصين
على الشكليات وعشان كده جايب لك امر تفتيش.

سلوى

بتسمى القانون شكليات

الضابط

خلاص يا ست ما تزعليش امر التفتيش اهو
وكمان امر القبض (ايلى تلطم خديها)

ليلى

قبض يا ليلتك السوده نا ليلى يادى المصيبه
الى انتى فيها نا ليلى

(ليلى تجرى وهى تعرج حتى تصل الى سلوى
تهمس لها) حانقبض عليكى يا سلوى وتسيبنى فى
المصيبة اللى انا فيها لوحدى طب مين اللى
حايقف جانبى ويروح للست اللى

سلوى

(مقاطعة فى ضيق) احنا فى ايه والا فى ايه دلوقت
يا ليلى ؟

الضابط

تتقدم من سلوى وليلى ثم يصرح فيهما بجدة
انتو بتتوشوشوا على ايه ؟

ساوى

وانب مالاك انب مش جاي تفتش البيت فتش
على اقل من مهلك بس يكون فى علمك حاتتعب
نفسك على الفاضى احنا ما عندناش اى حاجة من
اللى بتدور عليها

الضابط

يا سلام والمنشورات اللى مالیه الشوارع ؟
أظن حاتقولى انها مش خارجه من عندكوا ؟

- ليسلى** تهمس لنفسها (منشورات) يعنى زى ما قال
سليم فى دماغها براغيت
- سسلوى** احنا ما عندناش اى منشورات يا استاذ وفتش
زى ما انت عايز
- الضابط** تبقوا حرقتموها ما انتو اكيد عاملين حسابكو اننا
جاينين يعود المخبرون من الداخل)
- مخبّر ١** مفيش حاجة جوه نافندم
- الضابط** آمال الدكتور كمال فين يا مدام ؟
- سسلوى** فى شغله طبعا فى الجامعة
- الضابط** ما هواش فى الجامعة ومسى هنا يبقى راح فين
اكيد هرب لكن حيرح مننا فين الضابط يشير
لأحد المخبرين وكان بنظر ناحية ليلى يتأمل الكم
الممزق بفضول واعجاب)
- الضابط** انت يا حمار باللى واقف خشن المطبخ فتش
على اثر لحريق الأوراق
- مخبّر ١** حاضر نافندم المخبر اخرج)
- سسلوى** تضحك فى سخرية قلتلك حانتعب نفسك على
الفاضى لا حاتلاقى منشورات سليمة ولا محروقة
- الضابط** احنا بقى عاوزين نتعب وجاينين دلوقت وعارفين
ومتاكدين ان بيتكم ملغم بالمنشورات .

يا سلام وكم ان متاكدين	سلوى
جات انا اشارة يا هانم وقالت على كل حاجة وجاين وعارفين هانلاقى مين هنا كمان	الضابط
ايللى تلطم خديها يا مصيبتى تبقى عملتها يا سليم	ليلى
سليم سم مين ؟	الضابط
سليم جو تشخط سلوى فى ليلى)	ليلى
سمحى تسكتى خالص وماتتكلميش	سلوى
لا بقى لازم تتكلم الضابط بقرب من ليلى مين سليم ؟	الضابط
(فى خوف س س	ليلى
تشخط فيها) قلتك ما تتكلميش	سلوى
واز باقولك اتكلمى	الضابط
سلوى والضابط يحاصران ليلى) ما تتكلميش اتكلمى	سلوى
تلطم خديها فى رعب اتكلم ولا ما اتكلمش	ليلى
قلتك اتكلمى	الضابط
واز قلتك ما تتكلميش	سلوى
بلاش مش لازم تتكلم دلوقت بس انا حاعرف اخليها تتكلم (المخبرون يعودون من الداخل)	الضابط

المخبر خلاص يافندم فتشنا جوه مالمقيناى اى حاجة
الضابط يبقى فتشوا هنا

(المخبرون يجرون على المكتبات بنزعون منها الكتب
ويرمونها على الأرض سلوى تنظر الى ما يحدث
فى قلق تتركون المكتبة سلوى تنتهد تتجهون
الى المقاعد يقابلونها ثم تتجهون الى الأريكة التى
تجلس عليها ليلى لمخبر الذى كان ينظر اليها فى
اعجاب يقرب منها ناظرا فى رقة)

المخبر ممكن نا هانم تسمحي وتتفضلى تقومى من على
الكنبه

ليلى قادرة بيه

المخبر دقيقة واحدة وحاطرجى تفعدى تانى نا هانم
(الضابط شخبط فى المخبر ثم يتقدم من
ليلى

الضابط تنى ايه اقلب الكنبه

المخبر الهانم مش قادرة تقوم

الضابط قومى على حيلك

ليلى حيلى حيلى انقطع نا بيه مش فادرة اقف على
رجليه خالص يا

الضابط يبقى نقومك احنا

سلوى يعنى ايه . حاتقومها بالعافية . ؟

جری ایه یا استاذة ؟ ما انت عارفة طريقة التفتیش هی دی اول مرة	الضابط
قومی لو سمحنی	سلوی
مشن قادرة سلوی مشن قادرة	ایلی
طبعا مشن قادرة من الی انتی عملتیہ م الصبح فی المظاهرات	الضابط
(لیلی فی رعب) أنا یا بیه ؟	لیلی
اوعی بكون متھیألك اننا ما نعرفش عنك كل حاجة	الضابط
حاجة حاجة حاجة ایه ؟	لیلی
حاتعرفی فی التحقیق	الضابط
(فی رعب) تا ایه یا بیه ؟	لیلی
تحقیق تعرفیش یعنی ایه تحقیق	الضابط
لو سمحہ اتکلم معاا أنا وماالکش دعوی بیها خالص	سلوی
علی کل حال الکلام حاسقی معاکوا انتوا الاتین وفی مواجھتکو انتو واللی کانوا معاکو	الضابط
(فی عدم فہم) سلوی ہیہ ایه الحکایة انا مشن فامہہ حاجة	لیلی
حاتفہمی کل حاجة واتفصلی معا یا استاذة وانب یا دکتورة .	الضابط

ليلى

في رعب) دكتورة أنا أنا دكتورة ؟

سلوى

قد فهمت باقولك ايه أنت معاك أمر تفتيش
وفتشب ومعاك أمر بالقبض على الدكتور كمال
ومالقوش ومعاك أمر بالقبض على وأنا اهو حامشى
معاك أكثر من كده مفيش

الضابط

(في سخرية) الظاهر ان حضرتك ماقرتيش الأمر
كويس ؟

سلوى

ليه هو فيه ايه تانى ؟

الضابط

(نفتح الأمر ويقدمه الى سلوى وليلى ويقرأ أمام
اعينهم الأمر بالقبض عليكى وعلى الدكتورة
أمينة

ليلى

تنهض تهلل في سعادة الحمد لله أنا بقى
ما اسميش أمينة ما اسميش أمينة

الضابط

ما أنا عارف هو أمينة ده اسمك الحركى

ليلى

اسه يا بيه

الضابط

باقولك ايه عيب لما دكتوراه مناظلة زيك
تستمط

سلوى

تتقدم من الضابط) انت فاهم غلط يا حضرة
دى ما اسمهاش أمينة ؟

الضابط

: أمال اسمها ايه ؟

ليلى

(فى تلقائية وخوف) ليلي يا معادة البيه اسمى
ليلى

الضابط

عارف عارف ما هو امينة اسمك الحركى

ليلى

حركى ايه بيه نب بتتكلم عن ايه انا مش
فاهمة اى حاجة ولا عارفة اى حاجة

الضابط

لما حاشوفى نفسك صوت وصورة وانتى ماشية
فى المظاهرات حاتعرفى كل حاجة

ليلى

انا يا مصيبتى انتوا صورتونى ؟

الضابط

طبعا يا دكتوراه ما احنا مش قاعدين على
ودانا احنا لينا عيون فى كل مكان وعارفين عنك
الصغيرة قبل الكبيرة

سلوى

الست دى مالهش علاقة بأى حاجة

الضابط

الست دى الزاس المدبرة لكل حركتكوا يا استاذة
وهى داوقت جاية لك فى اجتماع مخصوص عثمان
تدبكي منشورات تبث التمرد والعصيان وسط
الجماعير يالله اتفضلى يا دكتوراه امينة

ليلى

يا بيه انا اسمى ليلي وأحلف لك ع المصحف انى
مش امينة أحلف لك برحمة أمى وأبويا وكل
اللى خلفونى انى من يوم ما اتولدت اسمى ليلي
ومن يوم ما وعيت ع الدنيا والكل بينادى لى ويقولى
يا ليلي وأبويا كان تدلعنى ويقولى يا لياتى وامى
كانت تدلعنى وتقولى يالولا .. و ..

ليلى انتى مش مطالبة تتكلمى دلوقت خالص هو
معاد امر بالقمض علينا من النيابة يبقى كلامنا فى
النيابة وبس

نيا نيا نيا

(ليلي تقع مغشيا عليها)

(اظلام)

المشهد الثاني :

٣٣

(م ٣ - سجن النساء)

المكان

ساحة بسجن النساء

الزمان

ظهرا

يبدأ المشهد باستعراض غنائى يشترك فيه عدد
من المسجونات بملابسهن البيضاء كلمات
الأغنية تعبر عن قهر السجن للانسان
بعد الاستعراض يظلم المسرح قليلا ثم تضاء الأنوار
فناء سجن النساء به اعمدة دائرية
في الخلف تظهر نوافذ السجن ذات القضبان تطل
من ورائها بعض المسجونات
بالساحة عدد من المسجونات هنا وهناك
في بعض أركان الساحة نرى كل امرأتين
تجلسان معا
انصاف في الثلاثين من العمر حامل
عدلات في الأربعين تقريبا تضع رأسها على صدر
انصاف انصاف تنقى من شعرها الحشرات
خليفة يا عدلات يا أختى خليفة . احسن جوزى
يصدق فى الشيء الفلانى .

انصاف

عدلات جرى ايه يا انصاف انت خايفة من جوزك ولا من النيابة ؟

انصاف النيابة مسيرها تخرجنى لكن جوزى حايطلقنى

عدلات بطلقك ده انه ده انت شائقاه بأربع بنات والخامسة جاية فى السكة

انصاف بعد الشر اللى فى بطنى الدكتور عاطف ده انا ياما حاملت يا وجوزى ان اللى فى بطنى يطلق ولد ونسميه عاطف وعثمان كده خايفه أحسن قبل ما أولد الدكتور عاطف جوزى كرامته تنقح عليه ويطلقنى ويقول ما أقدرش يس مع واحده اللهم احفظنا

(ترتفع ضحكة خلية من ركن آخر حيث تجلس لواحد وهى امرأة شعبية فاردة قدميها على طرف السلم عواطف وهى فى الخامسة والعشرين خفيفة الظل يطلقون عليها اسم صرصاره تفرد الحلوة على قدم لواحد لازالة الشعر

لواحد تسلم انديكى ياب يا صرصاره كده جوزى بكره حاندعيلك

صرصاره رجلىكى بقت أنعم من بلاد الحمام

لواحد عقبال ما تهمسان لبعضهما ثم تضحكجان)
حقه أنا مش مصدقة انى بكره حا ابقى فى بيتى
وفى وسط عيالى وفى حضن جوزى عقبالك انت
كمان لما تخرجى بألف سلامة .

- صر صارة** بس أنا بيتى مالوش بيان ولا شبابيك ده مفتوح
منه للهوا
- لوا حظ** ازاي يعنى شكله ايه بيتك ده ؟
- صر صارة** شارع كبير وحوارى صغيرة
- لوا حظ** ينيلك دمك خفيف يا مضروبه قصدك انك
حا تخرجى ع الشارع
- صر صارة** المهم أخرج أخرج وبس
- انصاف** (تزيح عدلات من على صدرها فى قرف) يا ساتر
مال شعرك كله قمل كده ليه ؟
- عدلات** حا أنظفه لمين نا حسرة للاعدام اللى مستنينة
- انصاف** لا ياختى تفى من بقلك هو مش المحامى قال لك
انشاء الله مؤيد
- (ركن آخر نرى سنية امرأة فى الثلاثين بطلقون
عليها اسم ثوانى تقف مستندة على عامود الساحة
مرتدية جلبابا ضيق جدا يظهر جزء من فخذها
تربط شعرها بشريط كالهنود الحمر تغنى فى
ميوعة)
- سنية** يا حبيبى تعالى الحقنى شوف اللى جوالى من
بعذك ترم ترم يدخل عسكري بصحبته
مسجوننا يحمل أدوات تصليح المواسير ينظر ناحية
سنية)
- العسكري :** تصلح الماسورة فى عنبر اتنين بسرعة .

المسجون سرعة ايه بس يا شاويش هو انا حاكروت الحاجة لازم تاخذ حقها

العسكري يعنى ايه ؟

المسجون يعنى الدينى فرصة اصلح الماسورة كويس وكله بتمنه

العسكري ايوه بس انت كمان لازم تصلح حنفية البيه المأمور لاحسن بتشر

المسجون انقى اجى اصلحها بكره نا سيدى

(المسجون فى صوت عال وكأنه سميع سنية حاجى اصلح حنفية البيه المأمور بكره زى دلوقت (يخفض من صوته) كله بتمنه نا شاويشنا

العسكري خلاص خد راحتك المهم تصلح الماسورة قبل تمام عشان اسلمك فى سجن الرجال مجرد أن يتعد العسكري مع المسجون الى الداخل سنية تغنى بصوت عال حتى سميع المسجون)

سنية امتى حاتعرف امتى انى باحبك انت انت انت انت

عدلات قادمة تنظر الى سنية مالك باب نا سنية واقفة كده زى ، ما تكونى واقفة على عامود نور

سنية سنية تتقصع فى ميوعة من غير زى نا ابلتى عدلات

عدلات : يا بت انتى ما بتتكسفيش .

هو فيه حد يتكسف من رزقه يا ابلى	سمنية
بعضى بتعترفى أهو انك مش مظلومة ؟	عدلات
تضحك فى ميوعة) أنا ملطوطة مش مظلومة ما خلاص حاكذب على مين ما أنا أهو جوه السجن	سمنية
تنزل على الأرض منكشمة على نفسها ثم تولول) والسجن سوره على وخبى على الدنيا بره (تبكى عدلات تقترب منها تربت عليها)	عدلات
انب حاترجى للعباط تانى ؟	عدلات
أعمل انه الدنيا سوددة عنيه وفكرى عمال يودى وجيب مين اللى بلغ عنى مين ده أنا فى حالى وقافلة بى عليا بكى فجأة)	سمنية
اهدى نا سنية اهدى يا حبيبتى	عدلات
جسمى مولع نار نا ابلى ما بنمش الليل ولا النهار ولو عملتى فيا خدمة تكلمى لى المعلمة خوخة تدق لى دقة الجوز الأحمر أفقر أتهد أنام	سمنية
خلاص حاكلمها بس اهدى بقى وبطلى عباط خسارة عنيكى الحلوة	عدلات
تضيق من فستانها لتبرز جمالها) يعنى الجمال ده خسارة فى البهدة يا ابلى ؟	سمنية
الجمال ده عايز بيت العدل .	عدلات
قولى بيت العز .	سمنية

(تغنى سنية بصوت عال) بيت العز نا بيتنا على
بابك عنبتنا (الجميع يغنون مع سنية)

المسجونات

بيت السجن نا بيتنا على بابك سجانتنا
يغنون بصوت عال فجأة تدخل بخيطة السجنانة
بشكلها التقليدى امرأة سمراء مرتدية ملابس
السجانات من ورائها ليلى يبدو عليها الخوف
والانكسار

بخيطة

بس نا مره انتى وهيه

(الجميع بصمتون ثم ينظرون الى ليلى يقتربون
منها بخيطة تشير لليلى على حافة السلم)

بخيطة

اقعدى هنا يا شابة

ليلى

(فى رعب) أقعد هنا

بخيطة

آه على ما بخلصوا الاجراءات مع زميلتك وتحصلك .

عدلات

تتقدم من بخيطة) ايراد جديد دى بخيطة ؟

بخيطة

عدلات ابعدى عنها وماحدثش دعوى بيها
سامعين بالله باب انتى وهى ماحدثش نقف
هنا بخيطة تتجه خارجة ليلى تنكمش من
الخوف عرصارة ولوافظ وسنية وانصاف
يقتربون من ليلى)

لواحظ

اوه نا شابة تهمتك ايه ؟ شيك من غير رصيد ؟

ليلى

(فى خوف) هه لا . لا .

عدلات

: يبقى قتل .

سنيّة قتل ايه بس ؟ يا ابنتى هو عشان ما أنت قاتلة يبقى
كل اللى بيخش السجن قتالين

لواحظ تبقى مخدرات

ليلى (فى خوف) لا لا

صر صارة يبقى فى الأخضر شكلك كده تزييف

سنيّة لا يا صر صارة لو كان على شكلها تبقى دعارة

ليلى (تصرخ فى الجميع) لا لا أنا ماليش دعوة بكل
اللى بتقولوده ماليش دعوة ليلى تبكى تتقدم
منها عدلات تربت عليها)

عدلات طب بس يا شابة ما تزعليش هم كده أول ما يخش
لهم يراد جديد بيقعوا عايزين يعرفوا التهمة
ايه

ليلى تهمة ايه سب انت أنا مش متهمة خالص
أنا جابة ظلم ظلم

عدلات ترب عليها وتحاول أن تأخذها على صدرها ليلى
ترفض (خلاص بلاش واهدى يا شابة مالك
متلبشة كده ايه ؟

لواحظ حبيبتي ان عارفة متأثرة من منظر السجن
بالك شابة كلنا اناثرنا زيك كده يوم ما دخلناه
لكن يوم ورا يوم أخذنا عليه وحبناه وانا ايه
خارجة بكره لكن زعلانه عشان حا أسيب حبابي
اللى أخذت عليهم وأخذوا عليا

ليلى

هو انت تهتمك ايه ؟

لواحظ

حرميايه

سنية

كدايه دى انت اللهم احفظنا وممسوكة آداب
زيننا

لواحظ

بس انا حرميايه وحاكى لك اللى حصل يا شابة
عشان تتسلى وتضحكى وتنسى الهم ينساكى
بالك يا شابة انا كنت داخلة اسرق شقة بتاعة
اتنين نسوان من اللى اللى اللهم احفظنا
الذهب عندهم يامه وبعد ما دخلوا الأوضة
وقفلوا عليهم البيبان والشقة بقى هس خرج
انسا من ورا الدولاب وانسحب ولبى الذهب
كله وراحة على باب الشقة ولسته حافتحه
وهب بوليس الآداب طب وكنت اول واحدة
انقبض عليها لكن وحياتك وحياتك عمل
المستحيل لجل جوزى يعرف انى بريئة وشريفة
وعفيفة ليلي تندمج فى الحكاية)

صر صارة

قوليلها عملتى ايه باب نا لواحظ

لواحظ

لما البوليس اخدنى على القسم اول حاجة عملتها
جريب على بيب الراحة واسم الله على مقام ستى
لفيت الذهب فى منديل وخبيته فى حته حساسة

ليلى

(ليلي فى عدم فهم) حته حساسة ؟

لواحظ

يوه جرا ايه نا شابة ده انت الظاهر ست
الافرنكة وماتعرفيش حاجة

سنية

يبقى عرفيها قوليلها حته حساسة يعنى ايه ؟

(لواحظ تهمسن الليلى فى أذنيها ليلى تتنفض
صارخة)

با لهوى مش معقول

ليلى

لواحظ

بس حصل وحياة من جمعنا من غير ميعاد حصل
صحيح كان حاتموتنى بس استحملت ما أنا لازم
أثبت لجوزى انى شريفة وعشان كده ما قدرتش
أقول للبوليس انى حرامية ليه عشان أول هام
ما يخدش منى الذهب تانى هام عشان أثبت
براءتى لجوزى وفعلا أول زيارة لأمى ادتها
الذهب وحكىتها لها اللى حصل وأول جوزى
ما أخذ الذهب وعرف الحقيقة جه زارنى وانه
بكره حاجينى من طلعة النهار بالطبل البادى
والمزمار ما أنا شريفة وعفيفة وعمر ماحد لعنير
وادبنى قدامك أهو بقى لى هنا ست شهور وانـ
مظلومة (ليلى فى خوف وعدم
ذهول)

ليلى
بغنى انه ممكن الواحد يفضل فى السجن
ده وهو مظلوم

انصاف
كلنا مطالبين يا شابة

ليلى
(تصرخ فى هسترية) لا لا أنا لا يمكن أقعد هنا
لازم أخرج لازم أخرج (تدخل سلوى مع
السجانة تراها تجرى اليها) الحقيقى نا سلوى
الحقيقى

بختية
مالك نا شابة النسوان دى عملت حاجة زعلتك .

عدلات : احنا يدوب بنسألها تهمتها ايه

مش يمكن زميلتنا نقف جنبها يا ابلتى	سئنية
لا دول مش منكو خالص تشير على سلوى دى الست سلوى صحفية وكانت هنا زمان ولما خرجت كتبت عن السجن واللى بيجرى فيه	بخيتنة
تهمس لبخيتة (ماكنش المفروض تسيبى ليلى هنا أنا قلتك انها اول مرة تخش السجن	سلاوى
على عينى سب سلوى ما هى الادارى لسه ماقتليش حا تسكنوا فين	بخيتنة
طب حاولى تخاضى الاجراءات دى بسرعة	سلاوى
من عنيه با ست الكل با اميرة يا اللى وحشتينا ووحشنى كرمك الزايد تتجه لتمشى تدخل هند فتاة فى العشرين تنظر الى سلوى وليلى والجميع ملتفون حوليهما هند تسأل انصاف فى (همس)	بخيتنة
دول با انصاف ايراد جديد ؟	هند
لا دول ناس الفرنكه والست دى صحفية واننا حاحكى لك حكايتى اللى تصعب ع الكافر عشان تكتبيها فى الجرنال جوزى يقرأها ويعرف انى مظلومة وشريفة وربنا يجازيها اللى كانت السبب	انصاف
تتقدم من انصاف فى عصبية صارخة فى وجهها) ماتشاوريش عليا با دلعدى مش أنا السبب فى اللى جرالك ده انتى السبب فى اللى جralى وروحى منك لله ضيعتيني وربنا نتقم منك .	هند

انصاف

كل واحد منه لله يا حبيبتى وانا ما ضربتكيش على
ايدك انتى اللى جيتى ووقعتى فى عرضى وقلتى لى
خدنى معاكى بيت الشغل عمل فىكى معروف
واخذتك ببقى ده جزائى

هند

(باكية) كنت جعانة وعريانة ومش لاقية اللقمة
عمرى ما اشتغلت فى بيوت لكن لما أبويا رقد عيان
قرصنى الجوع وكان لازم أخرج واشتغل

انصاف

(تقترب من هند ترب عليها فى حنان ثم تنظر
لسلوى وليلى غلبانه وصعبت عليا ومن طيبة
قلبي اخذتها معايا شقة مفروشة أنا مسئولة
عنها وباشتغل فى سابعة زيها وقلت وماله أهى
تسترزق معايا والقرش اللى اقبضه نقسمه

هند

وكانها تكمل حكاية نصاب) واشتغل معاها
لكن البيه جه وقالى أنت بالذات يا هند اللى
تنضفى لى أوضتى

انصاف

ويوم ورا يوم بدل ما تنضفى أوضته سمعتى كلامه
وعملتى الشئ الفلانى وكنت أنا باقف احرس لكم
الشقة

هند

كنت بتاخدى حقك وماهيتك زادت

انصاف

ماقلتش لا ماينكرش ده حصل بس بشرفى وعمر
انا ما عملت حاجة لكن لما طب البوليس اخدنى
معاكى والتهمة بقى لبسانى وياكى (تبكى)

وجوزى لا يمكن حايصدق انى شريفة وبكره يطلقنى
ويرمينى فى الشارع وأنا مظلومة

أنا اللى اتظلمت معاكى وضيعت بقية عمرى وخلاص
أترميت للمقدر والمكتوب

هند

ما بس بقى يابت هو كل يوم والثانى تقوليلها
الكلمتين دول خلاص اللى جرى جرى باندم
يا بنتى

عدلات

اسمك ندم

سلوى

اسمها هند لكن هى اللى مسمية نفسها ندم

عدلات

ندمى ندمى على اللى راح وماعدش يرجع تانى
ندمى على دى اللى ساح منى فى غمضة عين
ندمى على شرفى اللى راح منى من غير زفة
ولا زغروده ده أنا عشب عمرى كله احافظ عليه
لجل يوم فرحى أمى وأبويا يستنوا ورا الباب
عشان يفتنوا ويقولوا بيضتى الشاش نا عروسة
بيضتى الشاش نا عروسة هند تدق على
الأرض وتشد طرحتها وتظل تفنى وتلف وتدور
كما الدجاجة المدبوحة عدلات تحتضن هند فى حنان
كى توقفها عن الدوران وتبعدها عن سلوى
وليلى)

هند

اوعوا تتأثروا نا ستات دول كل يوم يعملوا الشوية
دول مايبصدقوا يلاقو حد جديد عشان يفكو
الهم من على قلوبهم ويحكوا اللى حصل بدل
المره عشرة .

عدلات

سنية

(تتقدم من سلوى وليلى وهى مستفرقة فى
الضحك) أنا بقى حكايتى مسخرة خالص
حاتضحكوا مش تبكيكوا حكايتى تنفع للسيما
ولو عملتى جميل يا سب يا صحفية تحطلى لى
صورة بالألوان حجم كبير وتكتبى عليها سنية
ثوانى انس الليالى شريفة وعفيفة وتهمنى
يادوب رقاصة

لواحظ

ماتسبهيش الرقصات يا مفضوحة وقوليلها
تهمتك ايه بالضبط

سنية

تهمة بسيطة وحياتك يا ست يا صحفية كل اللى
باعمله انى باحب الرقص

سلوى

وهو الرقص تهمة

سنية

لا بس ما هو أنا أصلى بارقص من غير هدموم

سلوى

ايه .

سنية

باحب أرقص عري غيه فيها حاجة دى
مزاج بعيد عنك يبقى عيب ولا حرام

سلوى

يترقص فين معنى

سنية

فى بيتى وقافلة بابى على ومابتناقش منه
ما هو يا حبيبتى الرزق يحب الخفية الرجالة
العواجيز المهاطيل اللى بيجوا من كل بلد شكل
عارفين بيتى ويبجوني لحد عندى هم يتفرجوا
ويدفعوا وأنا أرقص وأخد يبقى البوليس بتاع
الأداب يتحشر فى اللى مالوش فيه ليه ويبجى

يقبض عليه ده انا شريفة وعفيفة ووحياتك
يا ست انا بنت بنوت ولسه بختم ربى

يا معارة صرصاره

سنية انا معارة قال على رأى المثل لا تعيرنى ولا أعايرك
ده الهم بانى وطايلك طب ان كنت شاطرة قولى
تهمتك ايه يا ست صرصاره

اسمك صرصاره؟ سألوى

صرصاره اسمى عواطف بس بيدلعونى صرصاره لانى منمنمة
ومسممة زى ما أنت شايقة

سنية ماتلوعيس فى الكلام وقوليلها تهمتك ايه

صرصاره فى حرج وكسوف تهمتى تهمتى آه انا انا
جلابة حشيش معتبر من اللى يعدل الدماغ
ويصحح النافوح

سنية انا بقى اللى معارة ولا أنت ماتقولها على طول ان
تهمتك اللهم احفظنا

هند تقوليلها يا بب ان تهمتك المقدر واللى مكتوب
ع الجبين لازم تشوفوا العين حاستعرى من
تهمتك ليه يا بب يا صرصاره هو انت احسن
من مين

سنية انا عارفة ما احنا كلنا فى الهم شرحه ولا عايرة
تقولى قدام الهوانم انك شريفة

صرصاره فجأة تهجم على سنية تشمدها من شعرها فى
غضب وهى تصرخ بها ايوه شريفة وغضب عنك

وعن اللى يتشدد لك شريفة ما أنا كنت توبت والله
العظيم كنت توبت توبت توبت صرصاره
تتشنج وهى تلطم خديها وتردد كلمة توبت سنينة
تجرى عليها وتأخذها فى حضنها وتربت عليها)

سنينة تقطعنى حبيبتى ماكنش قصدى ده أنا باهزر
معاكى بابت

هنده ياختى ومالك مكرهاها قوى كده يا صرصاره
ما احنا كلنا فى الهوا سوا

سنينة تضحك وتغنى وانب فى الهوا من صفرنا
سوا يا هوا يا هوا اضحكى بقى يا صرصاره
وماقلبيش الحكاة جد هو احنا ناقصين نكد

ليلى (تنظر الى ما يحدث فى رعب) (تهمس) سلوى
خرجينى من هنا خرجينى

سلوى السمحانة بتحضر لنا الزنزانه

ليلى يا مصيبتى زنزانه تانى

سلوى اطمنى يا لىلى زنزانه السجى أنصف من تخشيبه
القسم بكثير

عدلات يا حزننا هو انتوا بيتوا فى التخشيبه

سلوى ليلتين

عدلات ليه يا اختى انتوا مش باين عليكو وش ذلك .

سلوى : ذلك ايه . احنا معتقلين .

سياسة يعنى ؟	سنيّة
آه	سلوى
وليه يا أختى هو الملك فاروق رجع تانى ؟	عدلات
ايه ماسمعتوش عن المظاهرات اللى كانت فى الشوارع عشان الأسعار زادت	سلوى
يوه اسوه يبقوا انتوا الاتنين محبوسين فى السياسة	هند
تصرح فجأة) لا لا انا مش سياسة لا انا ماليش فى السياسة لا انا مافهمش فى السياسة لا	ليلى
امال بتفهمى فى ايه يا أخه	سنيّة
اخه	ليلى
تهمس لليلى فى هدوء) لو بارج فى النيابة اديتهم بطاقتك ولا باسبورك كانوا ادلوا على شخصيتك وماكنش زمانك معايا دلوقت	سلوى
عايزانى ادلهم على شخصيتى عشان جوزى يعرف ويجى بدبحنى ده كان يوم اسود يوم جتلك كان لحظة منيلة ستين نيلة ساعة ما فكرت اجيلك تفتينى	ليلى
وبدل ما تفتينى وقعتينى فى مصيبة ده لو حد عرف وبلغ سليم حايبقى آخر يوم فى عمرى	
(فجأ تسمع صوت ضجة نرى الهام امراة فى الخامسة والثلاثين من عمرها مرتدية	

ملابس قريبة من ملابس ليلي حولها اربعة فتيات
جميعهن بملابس فاقعة اللون عدلات تشير
لسلوى)

عدلات ما دام حضرتك صحفية اكتبى عن ستات آخر
الزمن دول

سلوى ايه دى ؟ ممسوكه فى ايه ؟

عدلات بتاجر فى الأبيض

سلوى الأبيض ؟

عدلات السسم الهارى البودره بعيد عنك ووقع البنات
دول معاها

الهام (الهام قادمة تنظر ناحية ليلي فى دهشة ثم تصيح)

مش ممكن مستحيل انت هناك يا ليلي

ليلي تنظر اليها فى رعب هه أنا أنا

الهام ايه انب مش عارفانى

ليلي تحاول أن تدارى وجهها بعيدا) هه لا لا أنا

ما اعرفكيش ما اعرفكيش

الهام تضحك فى سخرية) طيب عينى فى عينك كده

الهام تحاصر ليلي ليلي تصرخ فى وجه الهام

فى عصبية غير طبيعية)

ليلي : أنا ما اعرفكيش.. ما اعرفكيش ما اعرفكيش..

(ظلام)

المنظر الثالث :

المكان

زنزانة بسجن النساء

الزمان

غروب

— ممر صغير يؤدي الى زنزانة

— حين تضاء الأنوار نرى سلوى وليلى قادمتان
مع السجانة متجهين الى الزنزانة

— اضاءة على زنزانة جدرانها قائمة بها أربعة أسرة
من طابقين السجانة تسبق سلوى وليلى وتفتح
لهما باب الزنزانة

بخيتة

خشى يا ست سلوى خشى يا حبيبتي
(ليلى تقف في الممر وترفض الدخول الى الزنزانة) .

بخيتة

مالك يا شابة خافعة كده ليه ده كفاية ان
الست سلوى الطيبة الأميرة معاكى

سلوى

متشكرة يا بخيتة المهم جبتي اللى قلتلك عليه

بخيتة

طلباتك أمر جبت لك أربع مراتب أهم .

(تفرد المراتب عبارة عن خرق ممزقة ليلى
تنظر اليها في ذعر)

وكل اللى تأمرى بيه أنا تحت أمرك فيه انت
وحشتينا ووحشنا خيرك الزايد على فكرة أنا
لما فتشتك سبت لك شوية فلوس خبيهم بنفعوا
لروم الاكراميات

سلاوى عارفة ومتشكرة تخرج نقودا من صدرها
تعايها لبخيتة تتننع قبولها)

بخيتة لا لا خيرك سابق (تأخذ النقود) بس لو ما كنتيش
تحلفى

سلاوى المهم مين معانا فى الزنزانة هنا

بخيتة انتى وحبيبتك اللى معاكى وبس ويدوب شابة
جاية من شوبة أبصر الادارة مش راضية بكتها
مع الشابات اللى ممسوكين فى السياسة

سلاوى وهو فيه سمات تانيين مقبوض عليهم فى السياسة

بخيتة كثير ناختى بنات حلوين وموظفين بس الادارة
مقعدهم فى عنبر لوحدهم

سلاوى فيهم واحدة اسمها الدكتورة أمينة

بخيتة لا ده فيهم واحدة اسمها المزميل نورا وواحدة
اسمها المزميل حنان وواحدة تانية اسمها مزميل
سهام وما تعدش لكن مفيش واحدة اسمها
أمينة ؟ .

ليلى

طب اللى جات من شوية دى اسمها ايه ؟

بخيطة

لا دى تلميذة من بتوع الجامعة وزى اللى اسمها
منى وبعد ما يخلصوا معاهها الاجراءات
حاتجيبها زميلتى بتاعة بعد الظهر لأن أنا ورديتى
خلصت وعاسزة أروح أعمل لأبو سيد كوارع
تستاهل بقى السامعين وبكره الصبح حاكون
عندكو (بخيطة تخرج ليلى ما زالت واقفة خارج
الززانة تنظر حولها فى ضيق سلاوى
تتجه اليها)

سلاوى

خسى نا ليلى انت واقفة بره ليه ؟

ليلى

واخش جوه ليه

سلاوى

هى دى زنزنتنا

ليلى

زنزانتك انتى لكن مستحيل اخش هنا
لازم خرج لازم أخرج

سلاوى

ليلى دخولك فى السجن دلوقتى لا باسدى
ولا باندك دى ظروف ولازم تتحملها

ليلى

مش قادرة مش قادرة

سلاوى

حاولى نا ليلى حاولى واهدى واقعدى ارتاحى
على ما أحضر لك أنا السرير تبدأ فى فرش
المراتب)

ليلى

: أنا . أنا أنام على السرير ده .

- سلاوى** آه وحا أخط لك مرتبتين
- ليلى** قولى ورقتين
- سلاوى** ليلي احنا فى سجن مش فى اوتيل ولازم تواجهي
الأمر الواقع
- ليلى** ش قادرة مش قادرة تبكي فجأة (
- سلاوى** ليلي أنا عايزة أسألك سؤال محدد ولازم تردى
عليه وبصدق
- ليلى** ايه ؟
- سلاوى** من ساعة ماشفتي السب اللي اسمها الهام
دى وانك مش على بعضك انتى تعرفيها نا ليلي ؟
- ليلى** فى خوف وتوتر وارتابك هه لا لا أنا
حا أعرف الأشكال دى منين ؟
- سلاوى** غريبة متهيالى انها تعرفك دى ندهت لك
باسمك
- ليلى** (فى غضب) بس أنا ما أعرفهاش ما أعرفهاش
قلتك ما أعرفهاش هوه تحقيق
- سلاوى** ايود تحقيق ولازم أعرف الست دى بالنسبة
لك ايه ولو كنتى مش عايزة تقولى دلوقت نأجل
كلامنا لبعدين فجأة بفتح باب الحجرة وتدخل
شفيفة امرأة فى الخمسين مرتدة ملابس السجن
مكحلة العينين على صدرها عدد كبير من أغطية

زجاجات البيبسي تضعها كأنها نياشين في وسطها
حزام كما الرأصات وتمسك في يدها مبخرة)

شفيفة

السلام عليكم ورحمة الله وبركاته وصلوا ع
الرسول وأعوذ بالله من الشيطان الرجيم وباسم الله
الرحمن الرحيم يا قادر يا عظيم يا مسامح يا كريم
ارحم الصبايا من غدر الزمان واشفع لهم يوم
المات

سساوى

تدقق النظر في شفيفة) مين ؟ شفيفة ؟
ماعرفتكيش ازيك يا شفيفة تحضنها)

شفيفة

وحشتيني يا ست سلوى ووحشتنى حنيتك
وحدثك اللى يرد الروح

تنظر الى ليلى اهلا يا شابة دى برضة
سياسة

ليلى

لا لا انا مش سياسة وماليش دعوى بالزفتة
الى اسمها سياسة دى

شفيفة

امال لياخذة جاية فى ايه

سساوى

حا أبقي أحكى لك بعدين المهم قوليلى انت لسة
هنا يا شفيفة

شفيفة

وعمرى ما حا أخرج من هنا

سساوى

ياد انت بقالك قد ايه ؟

شفيفة

: ما تعديش .

سلوى

وخارجة امتى ؟

شفيقة

ما بعدش

سلوى

هو اتحكم عليكى بايه ؟

شفيقة

بالعمر كله وخلاص السجن بقى دارى وسترى
وغطايا ونسيت الدنيا بره وكفاية قعدتى هنا فى
وسط احبابى يو الكلام حاياخدنا ما تعرفيها
بى نا ست سلوى قولى لها انا مين

سلوى

دى الست شفيقة

شفيقة

تفرد جسدها فى زهو (شفيقة التختروان
راقصة الشمعدان.. شارع محمد على كله مكش
فيه غير شفيقة واحدة كنت صاحبة تخت وتخت
أندى الطبالين والزمارين وكافة الآلاتية ده غير
سبعتاشر رقاصة تربية أنديه شفيقة اللى قدامك
دى الكل كان بيحلف بحياتها وجمالها ورنه خلخالها
والشمعدان كان تاج على رأسها بالك رقصت
قدام البشوات والبهاوات والنياشين دى كلها
من المعجيين (تشير الى أغطية البيسى)

النيشان ده من الخديوى اسماعيل والنيشان ده
من الملك فؤاد الأول وده من الملك فاروق الثانى
وده من الرئيس جمال عبد الناصر وده من الرئيس
السادات وده من من سليم

ليسلى : سليم سليم مين ؟

شفيفة

سليم الأول وده من سليم التانى وده من التالب
وده من الرابع معجبنى كانوا كثير وعشاقى اكر
واكثر والكل كانوا بيفرشوا الأرض تحب رجليه
بالورق الأخضر لكن أنا بقى أنا

فجأة شفيفة تدور حول نفسها فى رقصة محمومة
وهى تردد (حبيب اتخميت قتلت ارتاحت
حبيب اتخميت قتلت ارتاح تظل تردد
بهستيريا حتى تخرج من الزنزانة

لىلى

تسأل فى دهشة) ايه حكاية الست دى ؟
ما عرفش غير الأربع كلمات دول من يوم ما دخل
السجن وهى بتقولهم

سلاوى

(تبتعد عن سلاوى وهى تتمتم) حبيب تخميت
قتلت ارتاحت صوت سجة من الخارج مع
صوت منى وهى تردد)

لىلى

ممنوع ممنوع ممنوع هيه كل حاجة تقوللى
ممنوع

منى

تدخل منى تقف عند المدخل منى فى العشرين
تقريباً مرتدة بنطلون جينز وقميص مشجر ومعها
حقبة ملابسها تدخل مندفعة مع سجانة أخرى
تبدو عليها الشراسة شكلها يعبر عن السجانة
التقليدية بكل بشاعتها

ايوه ممنوع ماتعرفيش يعنى ايه ممنوع
يا دلعدى ؟

السجانة

منى : اتكلمى كويس .

السجانة
ما تمسكى مسطرة وتأديبني يا مزميز عشان
بأقولك ممنوع ايوه يا اخه الكتب ممنوعة
والورق الأبيض برضه ممنوع ودى أوامر الأمور

ممنوع
قلتلك ودى للأمر

السجانة
ممنوع

ممنوع
بقى تجيبلى لائحة السجن أقرأها وأعرف ايه
الى ممنوع بالظبط

السجانة
ممنوع

ممنوع
ممنوع أقرأ اللائحة

السجانة
كله ممنوع نا ضننا ودى أوامر وانا عبد الأمر
نا دلعدى وأنا ما على غير أقول ممنوع

ممنوع
بس دى أبسط الحقوق وأنا لاسكن حافط فى
سامعة ؟ وبلغى الأمور انى عايزة أقابله
ولو رفض أنا مش حاسك

السجانة
حاتعملى ايه نا أخه

ممنوع
حا أضرب عن الطعام

السجانة
عجاب عليكى قد الزيلة ومقاومة التيار

ممنوع
بطلى الكلام الفارغ ده وروحى هاتى لى اللائحة
عشان أعرف اللى ليا واللى عليا

السجانة
بقى اكتبى طلب وقولى انك عايزة اللائحة واكتبى
على عرض حال دمغة .

- منى** وانا اجيب العرض حال ده منين ؟
- السجانة** اهرشى وانا اجبك كل اللى انتى عايزاه (تهمس لها) بس فى السر
- منى** تبقى رشوة انا حاوديكى فى ستين داهيه (تحاول أن تخرج السجانة تشدها وتدفع بها داخل الزنانة)
- السجانة** جرى ايه يا شابة مالك جابة متقنعة ليه انتى الظاهر ما دخلتيش سجن قبل كده خشى باقولك
- منى** سيبى ايدى سيبى ايدى (منى تعافر بعدها من يد السجانة سلاوى تجرى عليها)
- سلاوى** ايه ده اوعى كده سيبى اندها نب اتجننر
- السجانة** مدوخانى من ساعة الادارة ما سلمتها لى وهى هات يا شخط فيا
- سلاوى** طب بس واتفضى انتى تقى
- (السجانة تدفع منى داخل الزنانة ثم تغلق الباب فى عنف سلاوى تفتح الباب تمشط فى السجانة)
- ما تقفليش الباب لسه ميعاد قفل البيان مجاش .
- السجانة** ده انت متودكة بقى
- (تخرج سلاوى تقترب من منى) .

اهلا خشى يا	سلوى
منى عبد السلام	منى
وانا سلوى عزمى	سلوى
الصحفية	منى
بالضبط	سلوى
قريب لك كثير	منى
كويس عشان اسمع رايك	سلوى
مش حابجيك لانى مختلفة معاكى فى وجهات النظر	منى
لا يبقى كده انا عايزة اسمع المهم خشى دلوقت عشان ترتاحى واقدمك زميلتنا فى الزنانة لىلى مختار	سلوى
(لىلى جالسة كالمزهولة منى تتقدم منها وتمد يدها بالسلام)	
اهلا وسهلا	منى
قوللى تحبى تختارى انهى سرير	سلوى
الى حضرتك تشوفيه	منى
حضرت السرير ده لىلى وانت اختارى (منى تنظر الى اعلى)	سلوى
بيتهيالى انا اختار السرير الى فوق انا اقدر اطلع لكن انتو ممكن يكون صعب عليكو الطلوع	منى

(تحاول أن تصعد الى السرير غير انها تتوجع)

اى اى

مالك ؟

سلوى

شومة ع الماشى جات على رجلي

منى

انتى كنتى فى المظاهرات

سلوى

امال معنى حايبقى مقبوض عليه فى ايه ؟

منى

قبضوا عليكى فى الشارع ؟

سلوى

آه وبعد كده خدونى على البيت فتشوا وعشان
كده جيب هدومى

منى

على فكرة فيكى شبه كبير من بنتى هدى

سلوى

عندك بنب حلوة زى كده

منى

قمر فى أولى آداب عين شمس

سلوى

از نس آداب القاهرة

منى

عين شمس والقاهرة خرجوا مع بعض فى المظاهرات .
مش كده ؟

سلوى

مش بس الجامعات معظم المعاهد كمان بنتك
من اللى خرجوا معنا ؟

منى

ايه لا المهم انا سعيدة سعيدة قوى بـ

سلوى

بانه ؟

منى

بان شباب القمصان المشجرة والبنطلونات الجينز
تنزل الشارع .

سلوى

- مبنى** (نضحك) ولسه
- سلوى** كمال جوزى دايمًا نقولى بلدنا عايشة على
بركان
- مبنى** السب والراجل مع بعضهم اللى حافجروا البركان
ده مش كده
- سلوى** طبعًا
- مبنى** امال كتابتك ومناقشمتك بتقول غير كده ليه ؟
- سلوى** بتقول ايه ؟
- مبنى** حضرتك مهتمة بقضية المرأة وانا مش مؤمنة
اطلاقًا ان فيه حاجة اسمها قضية مرأة القضية
الحقيقية هى قضية المجتمع كله
- سلوى** تبسم فى سخرية ورقة ده صحيح يا مبنى بس
فيه خصوصية لقضية المرأة
- مبنى** خصوصية ايه السب واخدة كل حقوقها المهم
انها تمارسها وتعيشها لكن نقوللى خصوصية لا
- سلوى** ليه هى لما الست بتبقى قاعدة فى بيتها وتجيلها
ورقة طلاقها دى مش خصوصية ؟ ولما جوزها
تجوز عليها ويقولها ان كان عاجبك وي تتحمل
يا اما بيتها بيتخرب دى مش خصوصية
- مبنى** بس فيه رجالة كثير مقهورة وتعبانة ومظلومة
- ليلى** قطعوا الرجالة عمرهم ما بيتظلموا هم
بيظلموا بس .

ممنى
مفئش حد بيظلم حد غير لو الحد ده يستسلم
للظلم

(فى هذه اللحظة يفتح باب الزنزانة وتدخل السجانة
فى يدها كمية من المفاتيح تشخسح بيهم)

السجانة
يا الله يا نسوان خشوا اعملوا زى الناس عشان
حاقفل عليكم الزنزانة

ممنى
(تنظر الى السجانة فى غيظ) نسوان ايه يا ست
انت ؟ مش تهذبى الفاظك ؟

السجانة
مالها الفاظى نا دلعدى عايزانى اقول ايه
يا هوانم

ممنى
ولا هوانم انت عارفة انتى بتكلمى مين

السجانة
ايه السفيرة عزيزة ولا الملكة فريدة ؟

سلوى
خلاص انت عايزة ايه ؟

السجانة
انا مش عايزة حاجة انا كنت بس جاة اعمل
بأصلى واقول خشوا بيت الراحة قبل ما أقفل
عليكوا لكن خلاص حا أقفل والجرادل أهى
(تتجه السجانة لتخرج سلوى تعترض
طريقها)

سلوى
استنى شوية حانروح الحمام وبعدين ابقى
اقفلى

السجانة
لا بقى انا المفريت ركبى حاكم أنا ست
شرانية . ولما باتعصب ما باعرفش أبويا والشابة

ذى من ساعة ما جات وهى معصبانى قال
رشوة قال هو انا لما اقولها اهرشى ابقى
باطلب رشوة

سلوى خلاص حقك عليا انا وقوليلى انت
اسمك ايه ؟

السجانة وداد وبيلعونى بوده

سلوى طب يا ست وده لو سمحتى استنى شوية
لحد ما تدخل الحمام وبعدين اقفلى زى ما انتى
عايزة صوت صفارة التمام)

السجانة فات الميعاد يا عنية صفارة التمام ضربت ومادام
الهرش عندكو رشوة بالأذن مضطرة اقفلى عليكو
بالأذن يا جيبتى

تبعد سلوى عن الباب ثم تفلقه بالمفتاح فى غلظة
متعمدة ان تظهر سطوتها ليلى تجرى على الباب
تمد يدها كى تفتحه فى عصبية تصرح فجأة)

ليلى يعنى ايه ؟ خلاص باب الزنرانة اتقفلى علينا ؟

سلوى ما هو بيتقفلى كل يوم من سته المغرب لحد سته
الصبح

ليلى وبعد كده نخرج

سلوى لا طبعا احنا يدوب لينا فسحة صغيرة بره فى
الحوش لكن من حقنا نخرج فى الممر ده ونروح
التواليت .

لیلی یا مصیبتی یا مصیبتی یا مصیبتی یعنی انا
دلوقت جوه السجن

منی في عتاب تنظر الى ليلي في دهشة (لا بقى اللي
بتعمله ده هو اللي حا يخلينا نحس انا في سجن
فعلا وعيب لما احنا نعمل كده احنا ناس
سياسيين وعارفين انا حانخش السجن في اى
وقت

لیلی انا بقى ياخى مش سياسية وماليش في الكلام ده

سلوی بأقول ايه احنا دلوقت لازم نهدي وخلص
اتقفل علينا باب واحد وفيه حاجات لازم نتكلم
فيها

منی انا محتاجة اسمعك لأن اول مرة اخش فيها
السجن

سلوی معنى انتو الاثنين اول مرة تخشوا وعشان كده
الليلة دى اصعب ليلة عليكو لكن من بكره
حا تتعرفوا على عالم السجن وحا تبقى تجربة
تعيشوا تحكوا عنها العمر كله

لیلی تجربة دى نصيبة وحلت على نصيبة نصيبة

منی المصيبة الحقيقية بقى انك تقعدى تولولى كده

لیلی جرى اسه ياخى هو انا نقصاكي بأولول
على حالى وعلى غلبى وعلى مرارى

سلوی وبعدين يا جماعة مش ممكن تكون دى البداية

فأحدث عارف احنا حنفضل مع بعض هنا
قد ايه

تفى من بقك أنا لازم اخرج لازم تنشج
باليكاء وسلوى ترب عليها فجأة نسمع صوتا
آتيا من النافذة هو صوت المعلمة خوخة (

ليسلى

خوخة يا ست نا بتاعة الكتوبة

سلوى مين ؟

خوخة انا نا اختى بادحرج المسا نا حبيبتى

سلوى اهلا وسهلا

خوخة خدى الأسانسير باعتك لك فيه هدية صغيرة على
ما قسم (نرى حبلا هابطا من أعلى على نافذة
الحجرة ذات القضبان سلوى تمسك الحبل نرى
مربوطا فيه كراسة وقلم وعلبة سجائر وباكو شاي
وكيس سكر)

سلوى ايه ده ؟

خوخة كراسة وقلم للكتوبة وعلبة السجائر تعدل بيها
دماغك والشاي والسكر لزوم المزاج والصحبة
الحلوة

سلوى وهى تمسك الأشياء من الحبل انا متشكرة
قوى يا

خوخة : المعلمة خوخة جارتك ساكنة فى الجناح اللى فوقك

نسألوى (تقدم الأشياء لى وللى وهى مستفرقة فى
الضحك مش باقولكو تجربة شافين زميلتنا
فى السجن بتحيينا ازاي) ؟

منى زميلتنا ايه بس ؟ دى تلقىها حرامية ولا قتالة
قتلا

سألوى ايا كانت المهم انها بتتصرف معنا من اول يوم
بانسانية

(للى تضع بدها على بطنها)

لىلى طب الحقينى وقوللى اعمل ايه فى المصيبة اللى
انا فيها دى ؟

سألوى فيه ايه ؟

لىلى عايزة عايزة اعمل تواليت

سألوى حالا حبيبتى حاحضر لك تواليت

لىلى هنا

سألوى آه فى الجرادل

لىلى يا مصيبتى فى الجرادل

سألوى الضرورة لها احكام يا لىلى والمضطر يركب

الصعب الزنزانة حاتفضل مقفولة للصبح

حاتعملى ايه ؟ حاتفضلى تتلوى كده ؟

لىلى مقدرش جردل لا مقدرش مقدرش فجأة

يسمع صرخات مدوية) يا مصيبتى ايه ده ؟

سلوى	تتجه الى النافذة) يا ست وده
السجانة	من الخارج) ايوه عايزة ايه ؟
سلوى	اسه الصريخ ده ؟
السجانة	انصاف بتولد الهى زبنا ينتعها بالسلامة
سلوى	طب ما تلحقوا تودوها المستشفى
السجانة	الوجع جالها على غفلة وعدلات بتولدها
ليلى	معقول معقول كل ده بيحصل فى السجن
سلوى	مش بأقولكم تجربة غنية لازم نعيشها
منى	يوه بس ده شىء مش حضارى معقول تولد فى زنزانة مفياش اى تجهيزات
سلوى	يا ما حصلت فى السجن قبل كده تتجه الى بطانية تشدها)
منى	حاتعمل ايه ؟
سلوى	حامل تواليت معتبر ساعدنى منى تساعد سلوى وهى ترفع البطانية على الحائط ثم تشيتها فى مسامير تدارى بها الجرادل ثم تشير لليلى وهى مستفرقة فى الضحك اتفضلى يا مدام ليلى التواليت جاهز
ليلى	لا لا انا عمرى ما عملتها فى جردل
منى	بصراحة ولا انا .

سلوى انا بقى عملتها عن اذنكو (تدخل سلوى وراء
البطانية) صوت صراخ انصاف يعلو وسلوى
تخرج من وراء البطانية فى سرعة (ربنا ينتعك
بالسلامة

مسنى دى مسكينة قوى الظاهر انها تعبانة (الصراخ يعلو
وليلى تتوتر ترفع يدها للسماء

ليلى يارب (اصوات النساء آتية من الزنزانة العلوية
مع اضاءة الى اعلى ترى عملية الولادة وعدد من
المسجونات وهم ساعدن انصاف)

ص ١ شدى حيلك يا انصاف الطلق حمى يا حبيبتي

ص خوخة القرن طش يا عدلات ولا لسه ؟

ص عدلات لسه يا اختى فرجه قريب يا حبيبتي

ص خوخة لو بالنهار كنت جيت ولدتها لكن على عيني قفلة
الزنزانة

ص انصاف آه آه

ص عدلات يا كريم يارب الحمد لله القرن طش

ص ٣ ساعدى عيلك يا اختى ساعدى يا انصاف

ص عدلات راس العيل فى ايدى آهى ما تخذش نفسك
يا حبيبتي

نصاف تصرخ منى وليلى وسلوى فى حالة
ترقب معانا يا انصاف معانا يا اختى الطليقة
حامية ما تخليهاش تهوي منك

نفسك لتحت يا انصاف اكتمى نفسك يا حبيبتي
 ايوه ايوه اصملى عليكى اصملى يا اختى
 كمان كمان (صرخة مدوية من انصاف تعقبها
 صرخة من المولود منى وسلوى يقبلون بعضهما
 فى حالة سعادة ليلى ذاهلة صراخ المولود
 يعلو ويعطو فى سكون الليل)

(ظلام)

المشهد الرابع :

المكان

الزناينة

الزمان

منتصف الليل وقرب الفجر

— اضاءة خافتة جدا لتبين الزناينة بصعوبة نرى
منى نائمة فى السرير العلوى وسلوى نائمة فى
المقابل لليلى ليلى تتقلب فى فراشها ناظرة
الى ركن ما فى الزناينة

— فجأة تفتح فجوة من الحائط مع تغير الاضاءة
الى ألوان متعددة حتى تصل الى مستوى آخر
من المسرح تبين ديكور عبارة عن حائط به
رسومات فاقعة اللون الاضاءة فيه غير ثابتة

— مجرد ان تضاء الأنوار فى هذا المستوى ترى
سليم الأنصارى قادما من الخارج فارع الطول
لامع الشعر فى يده سلسلة تلفها حول أصبعه)

سليم

الصداغ حبك يا ليلى تدخل من ورائه ليلى
مرتدية نفس الملابس التى كانت بها من البداية

ولكن قبل تمزيقها ليلي في كامل زينتها على كتفها
فراء غالى الثمن بمجرد دخولها تقذف به على
مقعد)

ليلى
سليم
ليلى
سليم

غضب على نا سليم نا حبيبي آسفة جدا
(يواجها) انه بقى حكاية الصداق اللى ما يبشر فش
غير لما نكون فى بيت الهام هانم ؟
(مرتبكة) انه ؟ هو مش صداق قوى معنى هيه
دوخة كده

سليم
ليلى
سليم
ليلى
سليم

بابسامة صفراء) دوخة ؟ لتكونى حامل
كالأطفال) حامل يا ريب
يضحك بقوة
محبطة بتتريق على نا سليم ؟
ابدا انا باضحك على الأوهام اللى انت عاشة
فيها

ليلى
سليم
ليلى
سليم
ليلى
سليم

اوهام مش ممكن ربنا
بحسم انت عارفة ان مافيش فادة
باستلام آد عارفة
ولا نرجع تلف على كل دكائرة البلد تانى
لا لا مافيش فادة
بقى نلتف لشغلنا وما دام ما عندناش عيال
تبقي فلوسنا هيه عيالنا .

صحيح فلو سنا هيه عيالنا	ليلى
ومش لازم نسمح لأى حد ياكل عيالنا	سليم
آه طبعاً	ليلى
احنا فى زمن خسيس وابن كلب السمك الكبير بياكل السمك الصغير والحيتان بتاكل الكل	سليم
(كأنما تحتفى به ايوه يا سليم يا حبيبى	ليلى
واحنا لازم نكون حيتان كبار عشان مانبقاش سمك صغير	سليم
لا بن حنبقى سمك صغير يا حبيبى	ليلى
(بتأملها بعمق للأسف انتى ولا حتى من السمك الصغير انتى بسريانة	سليم
يعنى انه بسريانة	ليلى
حتى دى مش عارفها	سليم
طب فهمنى علمنى	ليلى
علم فى المتبلم نصبح ناسى	سليم
ناسى انه يا سليم يا حبيبى ما انا باحاول	ليلى
بس انت ما بتشوفيش الستات اللى قدامك وابتتعليمش منهم ؟	سليم
اتعلم منهم ايه ؟	ليلى
: تتعلمى ازاي تبقى حوت .	سليم

أنا ما شفتش سنات شبه الحوت	ليلى
الهام	سليم
كانما تلقى صفة على رأسها (الهام	ليلى
عشر حيتان فى بعضها أسد يحكم غابة ست	سليم
من حديد غسل ولبن مصفى ست زى النار	
شوفى ارادتها شوفى عقليتها العبقريّة	
(مستنفرة) اشمعنى الهام بالذات ؟	ليلى
لانى باحلم تبقى زيها	سليم
بتصلب (مش حاقدّر أبقى زيها	ليلى
ليه ؟	سليم
لانى ما أحبش أبقى زيها	ليلى
ليه ؟	سليم
صارخة (مش حاقدّر مش حاقدّر أبقى زيها	ليلى
بعنف (ليه ؟ ليه يا غيبة ؟	سليم
بنظرة رهيبة معنى اخونك ؟	ليلى
مصدوما انه قلتى ايه ؟	سليم
تحاول السيطرة على نفسها (ولا حاجة	ليلى
انطقى حالا قلتى انه ؟ عن ستك	سليم
: ستى	ليلى

سليم	طبعاً الهام سب محترمة غضب عنك وعن أبوك
ليسلى	انت بتشتمنى يا سليم ؟ ده انا عارفة كل حاجة وساكتة وبأقول لنفسى يا بت
سليم	مقاطعا عارفة عارفة ايه ؟
ليسلى	ولا حاجة ولا حاجة
سليم	لا انطقى عارفة ايه حاكسر عضمك حانسفك وماحدث حيعرفلك طريق جره نصفعها)
ليسلى	انت بتضربنى يا سليم
سليم	وحاقتلك كمان لو ماقلتيش تعرفى ايه يشدها من شعرها)
ليسلى	آه سبنى سيب شعرى
سليم	انطقى يا حيوانة لأشرب من دمك واليلة تبقى آخر ليلة فى عمرك انطقى قولى عارفة ايه
ليسلى	متأللة) عارفة شقة المعادى هه
سليم	المعادى واهه كمان
ليسلى	وانكو بتتقابلوا هناك سيب شعرى بيوجعنى .
سليم	من اللى قالك ؟
ليسلى	مشيت وراك وعرفت .
سليم	: امتى .

الأسبوع اللى فات

ليلى

واية كمان قولى تعرف ايه كمان

سليم

تبكى (هو فيه اكر من كده

ليلى

تبدو عليه علامات الراحة يترك شعرها
بتجسسى على يا ليلي هيه دى آخرة العشرة ؟
بتمشى ورايا ضميرك سمح لك اسبوع وعاشة
معاي من غير ما تنطقى

سليم

وكاتمة فى قلبى وباقول نا بت ضل راجل ولا ضل
حيطة وأديكى عاشة وكافية خيرك شرك
وما تخربيش بيتك بأيدك لكن ما دام وصلت انك
تضربنى يبقى خلاص لازم اخرب لها بيتها وحاروح
لجوزها وأقوله على كل حاجة وعلى وعلى أعدائى .
(ليلي تجرى الى الخارج سليم يشدها فى عنف)

ليلى

تعالى هناك يا مجنونة حاتعملى ايه ؟

سليم

حارب بيتها وأفضحها حاقول لكل الناس
على اللى بينكوا

ليلى

يا مجنونة عاشة غبية وحشمتى غبية عاوزه
تضييعنى وتضييعى نفسك (تتخلص من بد سليم) .

سليم

انا خلاص خلاص فاض بى خلاص انا عملت
كل حاجة عشان ارضيك ده انا العمر كله واقفة لك
على شعرة من دماغى ده انا عمرى ما قلتلك تلت
الثلاثة كام ده انا طول عمرى قايده لك صوابى
العشرة سمع ده انت يا راجل يا ظالم يا مفترى

ليلى

فَيَوْمَ بَصِيتَ لِي وَقَلْتَلِي أَنْتِي تَخِيثُنِي وَأَنَا بِأَحَبِّ
 أَلَسْتُ الرَّشِيقَةَ غَضَنَ الْمَالِ عَشَانَ تَمْشِي جَنْبِي
 أَتْبَاهَا بِيهَا فِي السَّهَرَاتِ وَالْعَزُومَاتِ قَلْتَلَكِ حَاضِرُ
 حَرَمْتُ نَفْسِي مِنَ الْقَمَةِ وَبَقِيْتُ أَجْرِي كُلَّ يَوْمِ الصَّبْحِ
 فِي النَّادَى وَأَلْفَ التَّرَاكِ سَبْعَ مَرَّاتٍ وَأَرْوَحُ السَّوْنَةَ
 وَأَعْمَلُ الْمَسَاجَ وَأَشْرَبُ مِائَةَ سَخْنَةَ عِ الرِّيقِ.. عَشَانَ
 أَبْقَى رَشِيقَةً لِحَدِّ وَشِي أَتَصَفْتُ وَبَقِيَ لَوْنُهُ
 زَيْ الْكَرْكُومِ الْأَصْفَرِ وَبَقِيْتُ أَخْبِيهِ بِالْمَكْيَاجِ
 وَأَحْطَ بِدَلِّ رَاقِ الْبَدْرَةِ عَشْرَةَ وَأَحْطَ أَحْمَرُ
 الْخُدُودِ التَّفْتَةَ الَّتِي بَلُونِ الدَّمِ عَشَانَ صَفَارَ وَشِي
 يَسْتَخْبِي وَبَعْدَ ذَلِكَ بِحَلْقَبِ فِي وَشِي وَقَلْبَ لَا لَا.
 دَهْ أَنْتِي خَسِيتِي قَوِي أَنَا عَايِزُكَ تَرْجَعِي كَلْبُوظَةَ
 زَيْ مَا كُنْتِي وَوَشَكُ يَوْرَدُ زَيْ زَمَانُ قَلْتَلَكِ عَنْهُ
 وَرَوَحْتُ أَشْتَرَيْتُ مَرْبَةَ خَرْزَةِ الْبَقَرِ وَجَبْتُ الْقَرْطَاسَ
 الَّتِي بِيَتَخَنُ السَّتَاتِ وَفَضَلْتُ أَكُلَ مَحْشَى وَبَطَاطَاسَ
 وَمَهْلَبِيَّةَ وَهَرِيْسَةَ وَبِسْبُوسَةَ وَكُلَّ حَاجَةٍ بِيَتَخَنُ
 بَقِيْتُ أَكْلَهَا وَأَدْفَسَهَا لِحَوْهَ وَأَقُولُ فِي نَفْسِي عَلَى رَأْيِ
 أُمِّي أَلْفَ رَحْمَةٍ عَلَيْهَا كُلَّ وَدَسَ لِحَوْهَ إِنْ مَا نَفْعَشُ
 سَمْنَةً نَفْعَ قُوَّةَ لِحَدِّ مَا تَخْنَتُ وَبَقْتُ أَمْشِي زَيْ
 التَّخْتَرَوَانِ وَأَقُولُ لِلْأَرْضِ أَتَهْدِي مَا عَلَيَّ قَدِي
 وَفَجْأَةً لَقَيْتُكَ بِتَبْصَرٍ لِي وَتَقُولِي التَّخْنُ قَصْرُكَ
 وَكَعْبَرُكَ قَلْتَلَكِ مِنْ عَنْهُ حَاطُولُ عَشَانَ خَاطِرَ عَيُونِكَ.
 (فَجْأَةً تَتَغَيَّرُ الْأَضَاءُ وَتَخْتَفِي الطَّاقَةُ الْمَفْتُوحَةُ فِي
 الْحَاطِطِ وَنَرَى لَيْلِي جَالِسَةً عَلَى سَرِيرِهَا فِي الظَّلَامِ
 وَلَكِنَّهَا تَنْهَضُ فِي عَصِيْبَةٍ وَهِيَ تَتَكَلَّمُ وَكَأَنَّ سَلِيمَ
 لَا يَزَالُ أَمَامَهَا .)

وجبت عقلة في البيت وكل يوم كنت أمسكها وأفضل
أشد في جسمي ليلي تمثل شد جسمها على
العقلة (لتحت لفوق لتحت لفوق عسان أطول
وأعجبك وأقول في نفسي مش مهم التعب المهم أرضي
جوزي عايزني رقيقة أرفع عايزني تخينة أتخن
أرفع أتخن أقصر أطول أتخن أرفع
أطول أقصر وده كله ومش عاجبك يبقى عليا
وعلى أعدائي وحاروح أقول لجوزها وحارب بيتها
صوت سلي

ص سليم

يبقى أنا حاكسحك قبل تخرجي صوت
ضرب سليم المتوحش لليلي وليلى تصرح تنهض
سلاوى في فزع ومنى أيضا تنهض وتهبط من على
سريرها منى وسلاوى عيلان ليلي ليلي
ما زالت تصرح (

سلاوى

ليلى اصحى يا ليلي

منى

مالك يا ليلي

ليلى تنهض تشيح بوجهها حزن وأسى (

منى

انه ده انت كنتى بتعلمي

سلاوى

لا ده مش حلم ده كان كابوس منى تحضر
لها كوب ماء (

منى

طب خدى اشربي مان تروقى ليلي تنهض
تجري على الباب تحاول فتحه وهى تصرخ

- لىلى** أنا عايزة أخرج من هنا عايزة أخرج صوت
المفتاح فى الباب ثم نفتح وتدخل السجانة وده)
- السجانة** المعلمة الكبيرة قوى قوى المعلمة خوخة جانة
تصبح
- تدخل المعلمة خوخة وهى فى الأربعين طويلة
عريضة كحيلة العينين)
- خوخة** يا صباح الورد والريحان على الستات الجدعان
- سلوى** اهلا وسهلا اتفضللى خوخة تشير بيدها
للخارج)
- خوخة** خشى يا ب خشى يا مهلبية تدخل فتاة
بيضاء سمينة تحمل صينية عليها براد الشاى
واكواب الشاى باللبن الحليب ألف هنا وشفا
ومن النهاردة طلباتكو من عنيه الاتنين أنا تحب
أمر بتوع السياسة والكتوبة أنا تحب أمر الناس
الهلايف وحببىتى مهلبية الحلوة القمر دى
تحب أمركو انتو تأمروا وهى تنفذ
- سلوى** على فكرة احنا متشكرين على الحاجات اللى
نزلتيها لنا امبارح
- خوخة** لا شكر على واجب يا حبيبتى انتى تأمرى .
- سلوى** هو حضرتك قضيتك ايه ؟
- خوخة** مزاج
- سلوى** مزاج ايه يعنى ؟

خوخة مخدرات بس مش أنا اللي كتب بتاجر فيها
لا ده جوزى مصطفى اللوندى تاجر كبير
ومشهور قوى ماسمعتيش عنه

سلوى هه لا

خوخة لا ازاي دى الجرائين مامة كتبت عننا بالك
يوم ما جم قبضوا عليه أنا هربته وثلت القضية
بداله وغلاوتك

منى ازاي يعنى

خوخة البضاعة كانت مالية اليب طب البوليس هرب
جوزى وقلب دى بتاعتى أخذت فيها مؤبد

سلوى مؤبد

خوخة امال اسيب جوزى حبيبي ابو عيالى عشرة عمري
يضيع هو فيها لا ده فاتح بيوت وبيصرف على
رجالته ولازم هو بفضل بره وأنا مش مهم أبقي
جوه وأهو مهنيني فى السجن وصارف عليا بدل
الجنيه الف ده انا عاشة هنا عيشة ملوكى

سلوى يعنى انتى مش تاجرة حشيش ؟

خوخة لا يا حبيبتي انا كودية زار

منى زار ؟

خوخة آه يا شابة ان كان جتتك متلبشة أنا تحب
أمرك .

مبنى

لا لا أصلى بأعمل بحث عن الزار كموروث
شعبى وبأبحث عن جذوره وأصوله ومن امتى
ابتدى بالظبط

خوخة

خلاص المعلمة خوخة تدلك على كل أسرارہ ابقى
اطلعي لى جناحى فوق وأنا أحكى لك على كل
حاجة جناحى أبهة التلفزيون والتلاجة
وأى شيء تشتهي الأنفس تلاقيه عندى ليلى
حالسة ساهمة وخوخة تريث عليها (مالك يا شابة
سايبة الهم راكز على قلبك ليه ؟

ليلى

هه لا لا أبدا

خوخة

أبدا انه ما أنا بلعنى اللى حصل امبارح لما الست
بتاعة الأبيض زعلتك

ليلى

مين ؟

خوخة

الى ما تتسماش اللى اسمها الهام ومقبوض عليها
بالسم الأبيض الهارى

مبنى

قصداك هيروين

خوخة

وجبت أخبارها من ساسها لراسها بتشتغل
لحساب تاجر كبير كان زمان بيشتغل فى الأسود
وبيتاجر فى الأبيض دلوقت

ليلى

اسمه انه ؟

خوخة

لا احنا ولاد كار وما أحبش أطلع الأسرار
صحيح احنا مانحبهمش لأنك احنا الأصل لكن
برضه احنا عندنا أخلاق .. بس يكون فى علمك

لو الست دى زعلتك تانى أنا اكسحها لك أنا
 أعز بتوع السياسة قوى أصلهم نسوان جدعان
 ومن دلوقت كل طلباتكو أنا مسئولة عنها
 عايزين تهربوا أوراق أنا فى الخدمة عايزين تدخلوا
 ممنوعات أنا فى الخدمة عايزين راديو
 كوتشينة تتسلوا برضه أنا فى الخدمة حبيبتى
 مهلبية تهرب لكم أى حاجة فى العيش بس
 انتوا اطلبوا

احنا مشكرين قوى قوى

سلوى

تمد بدها بشى وتعطيه لسلوى يبقى فتك
 بعافية وحدى الهدنة البسيطة دى حاجة كده على
 ما قسم

خوخة

اسه ده ؟

سلوى

قرش حشيش ماركة خد الجميل ما تلاقش منه
 فى السوق أبدا مصطفى اللوندى جوزى هو بس
 اللى شغال فيه

خوخة

لا لا متشكرة

سلوى

لا ليه اعدلى دماغك نا اختى عثمان الكتوبة

خوخة

معلش بلاش متشكرة

سلوى

بشوقك ويالله نا بت نا مهلبية يو كنت
 حانى أنا جايبالك جرنال امبارح وأول امبارح
 وأول وأول كمان . تخرج الجرنال من
 ملابسها) .

خوخة

سلوى	ايوه هى دى الخدمة اللى انا طلباها منك كل اشوف الجرائد
خوخة	طلباتك اوامر حبيبي تخرج منى تشدد جريدة وسلوى جريدة ويقرأ فجأة تنهض سلوى فى فرع)
سلوى	يا ولاد الكلب يا سفلة
ليلى	فيه به ؟
سلوى	مش ممكن مش معقول
منى	اوه فيه اوه ورينى
سلوى	تصورى منى تصورى قال احنا متهمين فى قضية تخابر
ليلى	تخابر تخابر معنى اوه
سلوى	معنى جواسيس لحساب جهات اجنبية
ليلى	اسمى مكتوب
سلوى	ايوه
ليلى	تنظر فى الجرنال) يا مصيبتى انا ضعت دلوQB سليم نقرأه
سلوى	احنا فى سليم دلوQB ولا فى المصيبة دى
منى	احنا نبعث احتجاج للنائب العام ونرفع قضية فوراً على الجريدة دى تصورى اسمى واسمك فى قضية واحدة وانا اول مرة أشوفك ,

ليلى يا مصيبتى أنا ضعت ضعت لو سليم قرى
الخبر حاسم فى ايه ؟

سلاوى حاسم فىكى ايه اكر من اللى عمله هو مش
رقعك علقة ومدشك أهو

ليلى هامة الهى بنضرب فى أبده ويتشك فى قلبه
سلاوى بتقولى ايه ؟

ليلى باقول عايزة أخرج من هنا أنا لا لى دعوة بيكو
ولا باللى اسمه ايه ده التخابر السجانة قادمة

السجانة السب لى مختار

ليلى أنا فيه ايه ؟

السجانة كلمى المأمور

ليلى ايه يبقى خارج يا سلاوى

سلاوى افى خوف مصيبة احسن تكونوا قبضوا على
أمينة

ليلى يا رب

السجانة بالله يا شابة كلمى المأمور

تراجع سلاوى أنا خافعة ما تسبينيش
تعالى معانا

سلاوى ماقدرش طبعاً روحى انتى شوفى المأمور
عايزك ليه وتعالى طمننى لى فى قلق وإرتباك

تخرج منى تنظر الى سلوى وقد بدا عليها
القلق

منى مالك يا مدام سلوى

سلوى قلقانة قوى على ليلى

منى ؟ مش ممكن حاتخرج ؟

سلوى لا هاتخرج كانوا قالوا لها على طول

منى برضه مش فاهمة حضرتك قلقانة عليها ليه ؟

سلوى ليلى طيبة وطول عمرها مجرد سب بيت

ومتجوزة راجل العوبان وممشيها زى ما هو عايز

منى معنى فعلا هى مالهاش فى السياسة

سلوى نهائى

منى امال مقبوض عليها ليه ؟

سلوى كانت بتزورنى والمباحث طب

منى وحضرتك خافعة عليها قوى كده ليه

سلوى المباحث تستغلها

منى طب كنتى نهميها

سلوى لما نرجع فعلا لازم اتكلم معاها وافهمها

وخصوصا انا قلقانة من اللى اسمها الهام ..

(ليلي تدخل في هدوء وقد بدا عليها الحزن الكثيف
حقيقية ملابسها في يديها تنظر في صمت سلوى
تجري عليها

ليلى فيه انه ؟ الأمور كان عايزك ليه ؟

تضع الحقيبة على الأرض وتتمتم سليم باعت
لي هدومي

باعتك هدومك

وطلقني

ليلى

سلوى

ليلى

المشهد الخامس :

الکسان

فناء السجن

الزمان

الساعة نية عشرة ظهرا

بمجرد اضاءة المسرح نرى عددا من المسجونات
متفرقات هنا وهناك ليلي وسلوى جالستان في
ركن الساحة ليلي متكورة على نفسها في حزن
تبكى في تمشيح مكتوم ساوى تلاحظ هذا تريث
عليها في حنان

مسلموى

وبعدين يا ليلي مش كفافة عياط بقى

ليبيبي

ن وشجيرة مش قادرة اصدق اللى حصل
معقول فى غمضة عين حياتى كلها تتلخبط كده
معقول معقول العشرة دى كلها تهون على
سليم بالمساطة دى جاب لى شنطة هدومى
وطلقنى معنى خلاص كل شىء بيننا انتهى طب
كان يستنى لما اخرج وبعدين يطلق زى ما هو
عايز .

سلوى	ما يقدرش
ليلي	ما يقدرش ؟
سلوى	طبعا ما هو اللى عمله ده اعلان موقف
ليلي	(فى دهشة) يعنى ايه اعلان موقف
سلوى	خاف طبعا على مصلحته انتى مش بتقولى انه راجل أعمال وعنده مشاريع وشركات فى كل مكان
ليلي	وافرضى تقوم بيعنى فى غمضة عين
سلوى	عشان يشتري نفسه
سنينة	نسمع زغرودة آتية من عمق المسرح لواحظ قادمة بملابسها العادية تحمل حقيبة ملابسها شعرها مسدل على كتفيها ووجهها مصبوغ بالمكياج سنينة وهند يسكانها من ذراعها وهما يغنيان)
هنند	اتمخطرى يا حلوه يا زينه يا ورده من جوده جنينه.
سنينة	تقرص لواحظ فى ركبته فى مرح افرصك فى ركبتك ممكن أحصلك فى جمعتك
ز لواحظ	أمنك أمانه يا لواحظ أول راجل يقابلك بره تبوسيه وتقويله البوسه دى من ثوانى أنس الليالى
	يبقى جوزى ما هو اول راجل حا أقابله (لواحظ تمر على ليلي وسلوى عقبالكوا يا ستات

دا السجن مهما يطول مسيرنا نقوله باى باى
يا غسل

سلوى

مع السلامة يا لواحظ

السجانة

ياالله نا بت نا لواحظ أحسن جوزك بره واقف
مستنى بالطبل والمزمار

لواحظ

طبعا لازم يزفنى وانا خارجة له ما أنا شريفة
وعفيفة

سنية

طب ياالله بالله باحرامية نا بنت الحرامية

لواحظ

حرامية آه نا حبيبي بس بشرقى وعمر
ما حد قرب من جتنى ولا حتى لطنى

سنية

(تضربها فى مرج) طب اخرجنى بقى بدل ما اخرجك
على نقالة الجميع يضحكون تظهر خوخة

خوخة

الحمد لله انى لقيتك يا لواحظ لانى عايضة منك
خدمة

لواحظ

عنيه بالمعلمة

خوخة

خدى ده عنوان بيتى تروحي لصبيانى تقابلى
الواد الدوكش وتقوليله فى الزيارة اللى جاه
يجيب بندق ولوز وملبس عشان نعمل سبوع لابن
انصاف

سنية

حانعملى لابن انصاف سبوع

خوخة

طبعا حاخذ أمر من الادارة وحانعملها سبوع
مفيش كده .

هنـد عقبالى يارب لما اجيب الواد عصفور ونعمل له
سبوع

مـنى انتى بتحبى يا هند

هنـد آه باحب واد نشال وتاب

عدلات جايه ابوسك يا لواحظ لانى ما عدتش اشوفك
تانى (عدلات ولواحظ يقبلان بعضهما

لواحظ ليه بعد الشر اول ما تخرجى تيجى تزورينى
وعنوانى هنا مع سنية

عدلات لا يبقى نتقابل بعد عمر طويل فى الآخرة
بقى

هنـد يا وليه تفى من بقك حاتاخدنى من مؤيد انشاء
الله

السجانة نا الله نا لواحظ يا الله نا بت بلاش عطلة

(سنية وهند تخرجان وراء لواحظ حتى آخر
الساحة وهما يزغردان كل واحدة متجه الى ركن
الساحة

سلوى عقبالك لما تخرجى نا ليلى ليلى فى سخرية
ومرارة)

ليلى اخرج هى ده كان حلم امبارح لكن انهارده
حאخرج أروح فىن أنا ماليش الا خالة عجوزة
فى اسكندرية ويدوب بتأكل نفسها اخص عليك
يا سليم لكن اخص ليه هو أنا حاسكت
له لايمكن ده أنا لما أخرج حاطرقها على دماغه .
ده أنا يامه صبرت على فقره لما أظهر وأطرد من
المباحث .

- سلاوى** معنى هو كان اظهر من المباحث مش استقلال
زى ما قلتي
- ليلى** كنت بخبي عليه واتحملت أيام معاد أسود من قرن
الخروب لكن ما طمرش تظهر شفيقة راقصة
(وهى تردد)
- شفيقة** حببت اتخيمت قتل ارتاح
- ليلى** انا كمان حببت واتخيمت بس ما قتلتش
لكن اتقتلت تظهر منى قادمة من بعيد ترتدى
ملابس الألعاب الرياضية تجرى فى خطوة رياضية)
- منى** ايه ده انتوا قاعدين هو مش كفانة قفلة
الزنازة علينا طول الليل نالله قوموا قوموا معايا
هى دى مش فسمحتنا اليومية بمقى نالله نالله
نلعب شوية رياضة منى تتحرك فى سرعة وحيوية
وهى تقوم بالألعاب الرياضية)
- ليلى** والنبي انتى فايقه
- منى** فايقة دى تبقى خالتى ها ها ها ها نالله نا مدام
سلوى وانتى يالله نا ليلي يالله يالله شوية
رياضة (تحاول أن تشدهم فتنهض معها سلوى
أما ليلي فترفض)
- سلاوى** حاتفتكرينى بشبابى نا منى
- منى** الرياضة هى الشباب الرياضة بتحرك الجسم
بتفتح العقل بتوسع الشرايين بتخلى البنى آدم
يفكر تفكير سليم .

ليلى	قطع سليم واسمه
منى	يالله يالله هيله هوب واحد اتنين واحد اتنين سنية تهمس لهند تشير الى منى)
سنية	دى مين الشابة دى ؟
هند	ايراد جديد من بتوع السياسة
منى	تشير لسنية وهند لينضموا اليها فى اللعب يالله معانا كله كله بلعب رياضة
	سنية تتقدم من منى تحاول أن تلعب رياضة مثلها غير أنها تهز وسطها راقصة
هند	يا خسارة لو البت صرصاره هنا كانت لعبت معانا
سنية	ربنا يرجعها من المحكمة مجبورة الخاطر (شفيقة تنظر الى ما يحدث فجأة تشتبك معهن فى اللعب ولكنها تردد)
شفيقة	حببت اتخيمت قتلت ارتاحت الجميع للعبون رياضة كما تشير لهم منى)
منى	يالله شدوا الجسم افردوا الصدر دقوا الأرض بالله هيللا هوب واحد اتنين واحد اتنين خوخة تقترب من المجموعة تضحك فى مرح)
خوخة	يا خلاوة . ده زار الناس الهيلاي

منسجى معانا يا معلمة معانا خوخة تحاول أن تلعب
هى الأخرى غير أنها تتوقف)

خوخة لا أنا بعد دوية حادق الدقة اللي هى وأوريكى
اللعب على أصوله

سمنية ايود يا ابنتى دقى لنا النهارده دقة الجن
الأحمر أحسن أنا حاسه بجسمى مولع نار
سنية ترقص وهى تردد كلماتها على طريقة
شفيفة عايزة أفقر أتهد أنا

خوخة لو المزاج شعث حادق لكم دقة الجن الأحمر
ورومى نجد كمان

منسجى بالله شهيق زفير شهيق زفير
(الجميع سميعون كلام منى وينفذون ما تأمر به
سالى بجوار ليلى تريث عليها)

سلوى حاولى تفوقى يا ليلى حاولى

منسجى دلوقت حاتفنى حاتفنى واحنا بنلعب أنا
حاقول وانتوا قولوا ورانا منى تبدأ فى الغناء
ولتكن أغنية صباح الخير على الورد المفتح فى
حناين مصر فى هذه اللحظة نسمع صراخا من
الخارج صرصرة قادمة تولول سنية وهند
بتوقفان عن اللعب)

سمنية النسوان رجعت من المحكمة

هند البت صرصرة بتصوت تبقى المسكينة أخذت حكم .

(منى تتوقف عن اللعب الجميع يتجهون الى
الصراخ صر صارة تصرح وهى تردد)

صر صارة

سبع سنين سبع سنين تلطم خديها
تتجه اليها تأخذها فى حضنها وترث عليها
حبيبتي يا أختي يا حبيبتي سبع سنين
بحالهم . سبع سنين

سمنية

أهدى ب صر صارة وبكره سنة ورا سنة
وتطلى

هنسد

لا أنا حاموت نفسى لكن أعيش فى السجن سبع
سنين لا

صر صارة

تحاول أن تجرى غير أن خوخة تشدها)

تأخذها فى حضنها طب بس بس وبطلى
صريخ وان من بكره حاقوم لك واحد محامى
بعملك استئناف

خوخة

مفيش حاجة عادت تنفع دى خامس سابقة لى
تنظر فى دهشة ورعب وتسأل خامس سابقة ؟
معقول ليه ؟

صر صارة

مسنى

دعارة بعد عنك

خوخة

تلطم خديها) ده أنا كنت نوبت وحبیب
واتجوزت واستت لكن المكتوب ما منوش مهروب
واللى جرى لى المرة دى جرى من ميلت بختى
الأسود جرى لجل أعيش العمر كله ملطوطة أنا
كان مالى . أنا كنت فى حالى كافية خير شرى

صر صارة

وحا احكى الى حصل مش حا ازود غير النفس
 ولو القاضى مصدقنيش صدقوني انتوا
 فى يوم اسود ما طلعلوش شمس كنت خارجة
 رايحة بنزيون اجيب فوط وملايات قابلت سناء
 صاحبتى من ايام الشقا لسه بابوسها كده
 لقيتها سخنة ومفرقة يا بت خارجة ليه وانتي
 سخنة كده قالت لى متزينة على تلميذ عربى
 ولو ماروحتلوش حاجيب واحدة غيرى صعبت
 عليا ادبتها خمسة جنيه وقلت لها روحى انتى وأنا
 أروح استسمحه وروحت عشان استسمحه
 شخط فيا وقالى لو قلبك على صاحبتك قومى بالمهمة
 بدالها عشان ما اجيبش واحدة غيرها فكرت شوية
 وبعدين قلت فى نفسى وماله أهى مرة تروح لحالها
 ولا من شاف ولا من درى لكن المقدر والمكتوب
 كان ورايا بالمرصاد وكانت ساعة بحس نا دوب
 قلع هدومى بوليس الآداب طب خلقت ألف
 يمين انى شريفة وعفيفة ومش مومس لكن
 التلميذ راح القسم واخدوا شهادته وقال انى
 مومس وطبعاً جوزى جه وسمع وطلقنى
 فى القسم وادبنى اترميت فى السجن لأن المكتوب
 ما منهوش مهروب بس أنا مش مومس أنا
 مش مومس أنا ما اتولدتش مومس ده أنا
 كتب بنت حاوة شعرها ناعم ومسبب كتب فى
 المدرسة وبالبس مريلة تيل نادة وباحط فى شعرى
 فيونكه حمرا أبويا كان بيحبنى وأمى كانت

بتموت في بنتهم الوحيدة الى طلعوا بيها من
الدنيا ويوم ما جرى الى جرى كنت يدوب
طالعة لى النبقة في صدرى وفرحانة بنفسى ويوم
أمى ما شافتها زغردت وقالت بنتى كبرت وبقت
عروسة أبوا قالها لا قبل ما تبقى عروسة تتعلم
وتطلع أبله الكل كان فرحان بيا وأنا فرحانة
بنفسى لحد ما ما جه اليوم الى الى تنظر
الى الجميع في ذعر ورعب وهى تسمع صوت
طائرات وقنابل الى الطيارات كانت في السما
بتخرب بورسعيد الطيارات كانت بتنظر علينا
قنابل والرصاص كان في كل مكان دب دب
دب تقلد الضرب بالرصاص ودخلنا المخبأ
واستخيب في حضن أمى وجنب أبويا وفجأة
فجأة مادرتش بحاجة فوق لقيت أمى وأبويا
تحب الأنقاض صرخ صرخ لقيت الى أخذنى
في حضنه وقالى ما تخافيش أنا معاكى جنبك
وأنا وانتى بس الى عاشين خشى في حضنى
خشى سمعت كلامه واستخبيت جوه حضنه
وفجأة حضنى بالجامد فرتك عضمى وكل
ضلوعى صرخ ماسمعنيش صرخت كتيم
نفسى صرخ كتفنى صرخ صرخت لحد
ما توهت ومادريتش بنفسى ولما فوقت لقيتني في
المخبأ لوحدى وقال انه أنا عاشة عاشة
ده أنا موت موت وادفنت ادفنت مرتين مرة
لما لقيت دمي سايح بين فخادى ومرة

إسا اتهجرت وجيت مصر مقهورة ومكسورة
 كان بيتهدألى أنى حالا قى اللى يفردوا لى درعاتهم
 لأموا جروحي بحضنوني ويطببطوا على ويدفوني
 لكن لكن يا خسارة ويا ألف خسارة مالتيش غير
 الشارع والخسارة هم اللى ضموني لحد
 ما (تصرخ) سبع سنين سبع سنين (يغمى على
 صرصاره سنية وهند يحملانها ويدخلان بها الى
 عمق المسرح تخفف الاضاءة منى وسلوى يمشيان
 الى الداخل ليللى تنهض فى بطلء لتمشى
 نحوهما أن الهام تعترض طريقها)

الهام

ليللى نا مش عارفة انه اللى رماكى
 بودة دى يا حبيبتي عملتى فى نفسك
 كده تعصى أوامر جوزك وتروحي عند اللى
 سمها دى ويجرى لك اللى جرى ولسه مين
 عارف الحسية دى حاترسى على انه (ليللى تنظر اليها
 فى احتقار) ما أنا عرفت كل حاجة ما أنا اتقبض
 على بعشركى باربعة وعشرين ساعة . كنت فى المطار
 بستقبل ناس قرايى حتى سليم جوزك هو اللى
 لى مسى هنا وجراالى اللى جرى
 من هـ ما نسب نفقوء حكمت على وشيلتنى
 شنطة قال انه على ما تخش التواليت وبطية قلبى
 أخذتها منها وفجأة لقيت البوليس بيمسكنى قال
 الشنطة مليانة ممنوعات . بودة اللهم احفظنا .
 بس انا اديتلهم اوصاف البنت واكيد حايمسكوها
 ويفرجوا عنى أنا وبناتى لكن انتى يا حبيبتي

الى غلطتى غلطة فظيعة سليم حكاالى كل الى
 حصاك وانا قتلته سامحك ومايزعلش منك
 واهى غلطة وتروح لحالها ويالله بقى نا ليلى ربنا
 سمتر وتطلعى م القضية بتاعة التغابر دى على
 خير انا عارفة انك مظلومة ومالكيش فى الطور
 ولا فى الطحين ليلى ما زالت تنظر الى الهام
 باحتقار جرى انه نا انتى ما ردش عليها
 ليه ؟ اوعى تكونى لسه مصممة انك ما تعرفينيش.

ايوه ما أعرفكيش ومش عايزة أعرفك

تخونك آخر عزومة كتب عاملاهاك انتى وسليم
 بيه رجل الأعمال سان عقد اكبر صفقة تمت بين
 جوزك وجوزى فاكره ليلى فاكره ليلة
 كنا فيها سوا فاكره والا الكام يوم الى قضيتهم
 فى السجن مسحوا عقلك وخاوكى نسييتى لكن
 لو نسييتى أفكرك

تفكرينى بانه ؟

بالصداع الى فرتك دماغك

انتى عايزة منى انه دلوقت

عايزة أقولك انى عرفك حاجة وعرفت جوزك
 رفعلك علاقة ليه حضرتك كنتى عايزة تخربى
 وتقولى لجوزى مش كده

ممكن تسكتى خلاص كل شىء راح لحاله

لا نا حببتي انتى لازم تسمعينى وبهدوء أنا
 أنا قلبى عليكى يا ليلى ومن زمان عايزة أقولك

ليلى

الهام

ليلى

الهام

ليلى

الهام

ليلى

الهام

لىلى

لا تقولى ولا اقولك وانا مش عايزة اسمعك
خالص

الهـام

ليه عشان الغيرة عامية قلبك ومش مخلياكى تفكرى
غير فى ان فيه علاقة بينى وبين جوزك

لىلى

تنكرى ان فيه علاقة بينك وبين جوزى وانتى ست
متجوزة ؟

الهـام

لا نا حببتي ما انكرش

لىلى

نعنى بتعترفى اهو ان فيه علاقة بينك وبين جوزى .

الهـام

علاقة بيزنيس نا حببتي مصالح متبادلة عمليات
وصفقات فى مصر وبره مصر كمان وانتى اكيد
عارفة

لىلى

انا ما اعرفس اى حاجة

الهـام

ازاى بقى امال العز والأبهة اللى انتى فيهم
دول منين مش من الشغل اللى بينى وبين
جوزك انتى متصورة الفيلا اللى على البحر اللى
عاشمة فيها دى منين والثلاث عربيات اللى
عندكوا والسقتين اللى فى المعمورة والشقة اللى
فى باريس والبيت اللى فى اليونان كل ده منين
مش من شعلنا مع بعض وانا عارفة ان
جوزك مثلا كاتب معظم املاكه باسمك عشان
يهرب من الضرائب وكاتب عليكى وصل امانة
بكل اللى كاتبه باسمك عشان لو فتحتى بقك
يوديكى فى ستين داهية يعنى انتى مشتركة معنا
أهو فى كل حاجة .

ليلى

مقاطعة في انهيار) طب بس بس ما تكمليش

الهيام

لا لازم اكمل ده لسه الزيد لسه الكلام المهم
لازم تعرفى يا حلوة انى انا عارفة انك انتى عارفة
ان انا وجوزك على علاقة من زمان وانتى ساكته
وبتقولى فى نفسك اهى عيشة وضل راجل
ولا ضل حيطه وبصراحة انا طول عمري بأقول
عليكى انك سب عاقلة بتخافى على بيتك ومش
عايزة تخربى بالضبط زى جوزى.. عارف كل
حاجة من تحب لتحت وأنا عارفة انه عارف
وهو عارف انى انا عارفة انه عارف لكن ساكت
عشان ما يخرش البيت وخصوصا ان فيه عمليات
كثيره وكبيره بين جوزى وجوزك يبقى لو اتكلم
بضيع ولانه راجل عاقل ساكت لكن انتى بقى
خرجتى من طوعك وقال انه كنت عايزة تقلى عاليها
واطفيها وتروحي تقولى لجوزى عشان تخربى بيتى
وعشان كده سليم اضطر يرفعك علقه عشان
يفوقك (فجأة ليلي تصرخ فى وجه الهام)

ليلى

بس بس خلاص مش عايزة اسمعك امشى
من قدامى غورى من قدامى

الهيام

بس كده من عنيه حا امشى من قدامك بس
حا ادفعك التمن غالى الهام تمشى غير إن ليلي
تستمر فى الصراخ خوخة قادمة عليها)

خوخة

مالك يا حبيبتي عملت فيكى ايه بتاعة الأبيض
دى . قوليلي وانا افسخها لك واكرها حتتين

(يتحول صراخ ليلي الى تشنج ساوى ومنى
قادمتان بسرعة وايضا شقيقة وسنية وهند)

سلوى ايه ده مالك يا ليلي

خوخة (تأخذ ليلي فى حضنها وتهمس فى أذنيها ببعض
الكلمات بسم الله الرحمن الرحيم اسم الله
يا أختى اسم الله

مسنى مالها فيها ايه ؟

خوخة اطمئنوا عرفت اللى فيها دى ملطوطة نا حبة
عيني

مسنى ملطوطة يعنى ايه ملطوطة

خوخة حا أقولك نا حبيبتي حا أقولك هى ملطوطة بانه
جن جازى العربى والا الحبشى

سنية ما تدقى لها والنبي نا ابلتى

خوخة بالله نا نسوان كل واحدة تجيب اروانتها وتعالوا
ساعدوني نفوق الشابة (الجميع يجرون الى الداخل
فى سعادة سلوى تحاول ان تبعد خوخة عن
ليلى)

سلوى سيبها او سمحتى

خوخة اسيبها ازاي ده حتى يبقى حرام معقول اسيب
الأسبياد تتحكم فى جتها . لا يا أختى لازم ارضيهم .

ليلي تتلوي في تشنچ حاد مني وسلوى بنظران
بدهشة ده الظاهر عليها الجن الأحمر

سساوى جن احمر انه بس

خوخة وجايز كمان يكون الأمير رومى نجد دستور
دستور شفيقة تتقدم من خوخة)

شفيقة لا اختى ده الظاهر انها الست رينه ام الوجهة
العظيمة

خوخة لا لا شفيقة ده اكيد عبد السلام الأسمر

شفيقة وليه ما يكونش حكيم باشا

مبنى كل دول عفاريت

خوخة تشهق بسم الله الرحمن الرحيم دستور
با أسيادى سامجوها ما تعرفش واللى
ما يعرفش ما تتلمش السماح با أهل السماح
ما تقوليش تانى مرة با شابة عفاريت دول أسياد.

سساوى تشد ليلي في عنف قومي من هنا يا ليلي
(ليلي وقد زاد تشنچها)

خوخة حرام علمكى با شابة سبها احسن اللى فيها يجى
فيكى

سساوى تنتفض خوفا ثم تشير الى منى في حيرة) منى
ساعدينى نشيل ليلي سوا وندخلها الزنانة هي
مش حمل الخرافات دى .

الزار مش خرافات

منى

ايه ؟

سلوى

ده طقس شعبي تراث بقالة سنين وسنين وكل
الرقصات الجديدة امتداد للزار وأنا عايزة انفرج
فى هذه اللحظة تدخل المسجونات يحملن أوانى
الطعام)

سنية

احنا جاهزين نا ابلى

خوخة

ترعق بصوت على) يا ملوك الأرضية لجل النبى
تردوا عليه ساعة ما وقعت أنا وانكفيت مالمقتش
حد سمى عليا دول قيدونى قيد حديد وعملوا
عليا دورية ساعدونى فكونى ملوك سابع
أرضية تبدأ المسجونات فى الدق على الصوانى
يرتفع الاقاع مع كلمات خوخة التى تعلو مع
الدق ثم تتحول الكلام الى غناء له لحن
مميز)

خوخة

بنات الهندزة حلوة وجميلة فى المدرسة ست
الهوانم يا روكشة حلوة ودلوعة يا روكشة
(ليلى مستمرة فى تشنجهاء . خوخة تغير من الالحن)
منزويا بابا منزو ريما نا باشا ريمة (عدد من
المسجونات يدخلن حلبة الزار يرقصن رقصات
محمومة ليلى ما زالت متشنجة تجلس شفيقة
على الأرض وتأخذ ليلى على صدرها ثم تخلع
طرحتها وتضعها على رأسها ثم تحاول مساعدة
ليلى لكى تنهض ولكن ليلى ترفض أن تنهض) .
غيرى يا خوخة . غيرى الدقة ياختى .

شفيقة

تغير اللحن بلحن آخر) يا سفينة البحر يا عوامة
يا سفينة البحر يا غدار تنهض ليلى وتبدأ
الرقص ويرتفع الايقاع منى تدخل فى وسط
الراقصين ولكنها ترقص الرقصات الحديثة
سلوى مشدوهة لما يحدث والجميع يندمجون
بالرقص يرتفع الايقاع يرتفع حتى يصل
للذروة)

(سستار)

الفصل الثاني

المشهد الأول :

المكان

حجرة المأمور بالسجن

الزمان

صباحا

– المأمور جالس ويجلس أمامه سليم

– تدخل ليلى الى الحجرة بصحبة السجانة
وداد

– سليم نظر اليها ولا تتحرك من مكانه بل يتعد
بنظره عنها متعمدا الغضب

المأمور

اتفضلى يا مدام مشيرا لسليم) بعد اذنك
يا سليم بيه أنا حاسيبكو فى أوضتى لأن النهاردة
أول يوم لزيارة السياسيات وأوضة الزيارة مش
فاضية

سليم

شكرا

المأمور

اول ما تخلصوا كلام سعادتك بس تقول للسجانة
الى بره تنادى لى يخرج ومعه السجانة نظر

سليم ناحية ليلي ليلي تقدم رجلا وتؤخر
الأخرى ثم تقف صامتة سليم لا ينظر اليها ولكن
فجأة نهض ويفرد ذراعيه في عدم تصديق

سليم

معقول معقول أنا أنا مش قادر أصدق اللى
سمعتة انتى انتى تعملى كده مستحيل
أنا من ساعة ما سمعت الدنيا كلها بتلف بيا ورجليه
مش قادرة تسيلنى ليلي تنظر اليه في صمت
الوش الملائكى ده بخدعنى الخديعة دى كلها

ليلى

ليلى تتمم في خوف (خديعة

سليم

(فى عصبية) ايوه خديعة ما أنا خلاص عرفت
كل حاجة يا سب هانم انكشف لى المستخبي ومش
أنا وبس لا وللمسؤولين كمان كل شىء ظهر
وبان ومع ذلك اجد دلوقت مش قادر أصدق
معقول نبقى عايشين تحت سقف واحد وأنا
أنا معرفش المستخبي مش ممكن ده أنا من
ساعة ما سمعت وأنا مش قادر أقف على رجليه
مش شايف حاجة قدامى من ساعة ما سمعت
عقلى ضاع وفكرى اختل للدرجة ان رجليه
اتحكمت فى وخذتنى من غير ما أحس وودتنى على
المأذون وطاقتك وأنا مش دريان بأعمل ايه
اكن غصب عنى كان لازم أعمل كده لانى مقدرتش
اتحمل الصدمة ما قدرتش اتحمل الخديعة

ليلى

خديعة
أنا مش فاهمة حاجة ان
بتتكلم عن ايه ؟

سليم

: ما انتش عارفة باتكلم عن ايه ؟

ليلى لا أنا ما عملتش حاجة تستحق كل الكلام اللي
أنت بتقوله ده

سليم ايوه ايوه بص لى وبراءة الأطفال فى عينيكى
طبعا اللي خلاكى خدعتينى السنين دى كلها
بخليكى تخدعينى داوقت كمان

ليلى أخدعك فى به ما تتكلم على طول فيه انه ؟
سليم مانتى عارفة انه

ليلى لا طبعا
سليم والتنظيم السرى

ليلى تنظيم سرى ؟
سليم اللي حضرتك فيه بقالك سنين

ليلى أنا
سليم ايوه انتى يا دكتورة أمينة

ليلى أمينة

سليم طبعا يا سب يا زميلة ما أنا عرفت عرفت انى
كنت عايش مع الراس المدبرة لكل التدمير اللي
حصل فى البلد وأنا مش دريان يقف للف
ويدور حول ليلى فى ثورة مصطنعة مش عيب
مش عيب تدمروا البلد مش حرام تكسروا
المنشآت مش عيب تحرقوا ست كلاب بتاع ست
غلبانة قليل ان ما راحب فيها مس عيب تدسوا
سمومكوا فى ودان الناس الغلابة وتفضلوا

دودو دودو والدوى ع الودان أقوى من السحر
لحد ما قومتههم ضد الحكومة وختوتههم حرقوا
البلد ولحساب مين ؟ لحساب جهات أجنبية
كمان

ليلى فى رعب) جهات أجنبية ؟

سليم ايه مش قضيتك أنتى والست اللى اسمها سلوى
والمفعوضة اللى اسمها منى قضية تخاير برضة

ليلى فى ذهول تخاير

سليم مش كفاية مش كفاية تبقى فى تنظيم سرى وكمان
تشتغلى لحساب جهات أجنبية وأنا عاش معاكى
طرطور ومش فاهم أى حاجة ولا عارف أى حاجة
معقول نا ربى ؟

معقول أبقى رجل أعمال ومراتى جاسوسة ؟

ليلى فى عصبية وخوف لا لا يا سليم لا ماتقولش
الكلام ده لا أنا ماعرفش أى حاجة من اللى
بتقولها دى

سليم امال مين اللى يعرف ؟

ليلى ماعرفش ماعرفش

سليم أنا بقى قلبى ما جبنيش ما هى العشرة ما تهونش
غير على ولاد الحرام وبعد ما فوقت من اللى
سمعتة . جريرت وقومت لك اكبر محامى

في البلد ولما راح وشاف التحريات وقرى
التحقيق قالى على كل حاجه . حتى بالامارة انتى
رفضتى تدلى النيابة على شخصيتك ولا حتى
ادتيهم عنوانك لكن التحريات جابت كل تفاصيل
تحرركاتك انتى واللى كنتى بتشتغلى معاهم وحضرتك
طبعاً متصورة انهم ما يعرفوش عنك حاجة ومش
على بالك انهم مراقبينك

أنا ما عملتش أى حاجة ما عملتش أى حاجة

ليلى

ازاى ؟ امال الست اللى اسمها سلوى اعترفت فى
التحقيق عليكى وقال انك معاهم فى التنظيم السرى
من سنين طويلة ليه ؟

سليم

فى ذهول وعدم تصديق سلوى قالت كده ؟

ليلى

واكثر كمان دى قالت انك انتى اللى هربتى
الدكتور كمال جوزها

سليم

إننا

ليلى

ايود انتى امال أنا ؟ عقلى ضاع منى وما درتش
بنفسى غير وأنا عند المأذون ليه مش من اللى
سمعتة من المحامى ومش بس المحامى
لا يا ست هانم دى المباحث كلمتنى وجابتنى على
ملى وشى وقال لى مراتك بتشتغل ضد مصلحة
البلد

سليم

فى قمة غضبها وخوفها (لا يا سليم لا أنا
ما عملتش أى حاجة . لا . أنا كل غلطتى ان بعد

ليلى

ما أنت رقيقتنى العلقه بسبب السب اللى اسمها
الهام ووقلت عليها الباب أنا كسرتة وروحتم
لسلوى

ليه عشان تشتكى لها منى وتقوليلها ضربنى
من نارى

يعنى عصيتى اوامرى ؟

من نارى يا سليم

ما تعرفيش ان طاعة الزوج من طاعة الرب

غلطة وبادفع تمنها غالى

ولسه حاتدفعى صحيح انا عملت المستحيل

والناس الطيبين بتوع المباحث اللى تحطوا على
الجرح برد لما رحت لهم ولقونى باضرب كف على
كف وبأقول مرانى لا يمكن تعمل كده وعدونى
(بسكت ليلى تساله فى لهفة)

وعدوك باره ؟

بانك او لو يعنى او حبيبتى تثبتى انك فعلا

اى دعوى ساس دول وانك مش

تنظيم السرى وتثبتى لهم حسن نيتك جاز

جاز يعنى بخرجوكى

عاشنى اعمل انه مش فاهمة ؟

ابدا تسمعنى الكلام اللى يامه قلت لك عليه وتبعدى

عن الناس اللى فى دماغها براغيت وتعرفى انهم ناس

مخربين واعداء للوطن بهم بيدمروا المنشآت
اللى اتعملت من عرق بس الغلبة الطيبين اللى
عملوها بدمهم قصر الكلام تبعدى عن الناس
اللى بتبث العصيان فى نفوس الشعب لحد ما خرج
بصرخ فى الشوارع ويكسر ويحرق زى المجنون.. فى
الحالة دى جايز جاز نخرجو عنك

خلاص خلاص عدتش أعرفهم وروح قولهم
كده (ينظر فى خبث)

ايوه بس بس القضية لسعة شغالة
قضية ؟

طبعا قضية امال انا حاتجنن عليكى ليه ما هي
الحكاية مش فونى زى ما انتى فاهمة
احاف لك بانه انى ما عملتش حاجة

انا عارف ومتأكد ولما سمعت ما صدقتش لكن
هم هم بصدقوا ازاى واللى اتسبب فى كل
اللى حصل ده هرب ووقعتى انتى

قصداك الدكتور كمال جوز سلوى

طبعا هو عرفوا طريقه واتأكدوا انه مش
انتى اللى هربتيه يبقى جايز جايز بخرجوكى

ولو عرفوش طريقه

ببقى أكيد حاتحككم عليكى

يتحكمم عليا

ليلى

سليم

ليلى

سليم

ليلى

سليم

ليلى

سليم

ليلى

سليم

ليلى

وللأسف مش اقل من عشر سنين

يا مصيبتى

هى مش مصيبتك انتى لا دى مصيبتى انا
يا حبيبتى

حبيبتك

طبعا يا ليلى حبيبتى انتى ما تتصوريش انا من
غيرك حالتى شكلها ايه ده انا ماشى أكلم نفسى وويلى
ويلين ويل بعدك عنى وقعدتك فى السجن والويل
التانى تدمير شقا العمر

شقا العمر ؟

طبعا يا حبيبتى هى لما مراتى تبقى متهمه فى
جاسوسية وتعمل احساب جهات اجنبية
وانا جوزك حاسملوا فيا ايه ؟ حابطبطوا عليا
لا طبعما حانقلولى كل شركاتى ويدمروا كل مشاريعى
ويوقفوا شغلى انا مش عايز أزعلك يا حبيبتى
ده من ساعة ما اتبفض عليكى وكل بضاعتى
اللى فى الجمر ك اتصادرت وحطولى العقدة فى
المنشار وقالولى مش معقول مراتك تبقى ضد الوطن
واحنا سيبك تكسب ده احنا حاندمرك بعنى
ثروتنا اللى عملناها بكدنا حاتروح يا ليلى ثروتنا
اللى عوضتنا عن اننا ماجبناش اولاد وقولنا هى ولادنا
وكل حياتنا ثروتنا دى من دلوقت ما بقتش ثروتى
ولا باسمى .لا. وادى وصل الامانة اللى كنت كاتبه
عليكى لما كتبت كل املاكى باسمك يا حبيبتى
اهو . اهو يخرج من جيبه وصل ويمزقه ويقذف

سليم

ليلى

سليم

ليلى

سليم

ليلى

سليم

به في سلة المهملات بجوار مكتب المأمور) يعني كل
ثروتى دلوقت بقت باسمك لوحدهك حلالة
خروجك من السجن بالسلامة انشاء الله

تنظر اليه في دهشة ثم في حزن) خروج ايه هو
معقول بعد اللي قلته ده كله حيبقى فيه خروج

طبعا حبيبتي ما هم أول ما يعرفوا مكان
اللى اسمه كمال ده ويتأكدوا ان مش انتى اللي
مهرباه حايخرجوكى على طول وعشان كده نا حبيبتي
او معنى عرفتى مكانه

مقاطعة في حدة ودهشة حاعرف مكانه منين
بس ؟

دام مش انتى اللي مهرباه فعلا يبقى اكيد
مراته عارفة مكانه وانتم أصحاب وجايز تقول
قدامك هو فين وفي الحالة دى لو يعنى حصل
وعرفتى مكانه بدوب بس تبعى لى عن طريق
ضابط المباحث اللي هنا في السجن وأنا أروح أقع
في عرضهم وأقولهم أهى مراتى أثبتت حسن نيتها
وأنها فعلا بريئة وأنها فعلا مش من الناس المخربين
الى ضد الوطن (تقترب من ليلى يمسخها من
كتفها) في الحالة دى آجى اجرى عليكى واخذك من
ايدك ونخرج سوا ومن السجن على المأذون ومن
المأذون على بيتنا يرب عليها مدعى الحنان
ويمسح على وجهها ثم على شعرها ثم على رقبتها
همس في أذنها) وحشتينى نا ليلى وحشتينى
قوى يا حبيبتي

(ظلام)

ليلى

سليم

ليلى

سليم

المشهد الثاني :

المكان

ساحة السجن

الزمان

ظهرا

حين تضاء الأنوار نرى الهام جالسة على حافة
السلم الدائرى حولها أربعة فتيات واحدة تقوم
بوضع المانكير فى يد والأخرى تضع المانكير فى
اليد الأخرى واثنان كل منهما تمسك قدما وتضع
المانكير لالهام

على الجانب الآخر تقف ثوانى على عامود السلم
كما رانها فى أول المشهد الثانى من المسرحية
تدندن ببعض الأغانى

الهوام

(تهمس للفتاة التى تقوم بعمل المانكير فى يدها
اليمنى) انتى متأكدة يا بت يا كاميليا ان اللى
اسمها ليلى دى عندها زيارة النهاردة

كاميليا

السحانة وداد قالت لى اقوك ان جوزها هو اللى
جه زارها والمأمور ساب له أوضته وبقالهم مع
بعض مدة طويلة كمان .

الهيام
تجز على اسنانها في غيظ (طب يا سليم الكلب
أن مأموريتهك بتقول انك مش بتحبها امال جاي
تنيل لها ايه هنا دلوقت

كاميليا
بتقولى حاجة يا مدام

الهيام
قصصى ضفر رجلى الكبير ونضفيه كويس
(من بعيد يظهر العسكرية مع السجنان مران الى
الداخل)

العسكري
مش معقول أنت كل يوم بتصلح الماسورة من
هنا تخسر من هنا

السجين
كله بتمنه يا شاويش

العسكري
النهاردة آخر يوم ح اخرجك واجيبك سجن
النساء

السجين
ولو المعلوم زاد

العسكري
افكر

سنية
ترى السجين تغنى في صوت عالى (عودت عيني
على رؤياك وقلبي سلم سلم لك امره

الهيام
كاميليا تنظر لسنية في غيظ والهيام تلاحظ.
هذا (اشخطى في البنت دى خليها تخرس

كاميليا
ما تبس يا بت يا سنية

سنية
بت لما بتك

كاميليا
دماغنا وجعنا من الصبح وانتي هات يا تجعير
وصوتك ولا صوت الحمار .

سمنية
حمار يطبق على روحك يا صوتى ده مفلحك
ومولك منى نار صوتى بشهادة كل المعجبين
سوبرانو مش زى صوتك يا مزميزل معزة

كاميليا
شافقة يا مدام البنب دى بتقول عليه انه ؟

الهيام
من يوم ما دخلنا وهى قرشة ملحتك

كاميليا
كانت متصورة انها احلى بنت فى السجن

الهيام
لكن انت من ساعة ماجيتى لقيتك اجمل منها .
(تنهض نوال وهى تكاد تبكى تتمتم تمشى الى بعيد)

نوال
اهو الكلام ده الى ودانه فى داهية

الهيام
البت بتبرطم تقول ايه

كاميليا
مش عارفة بقالها كام يوم ش على بعضها
(كاميليا تتجه الى نوال) مالك يا بت يا نوال ؟

نوال
مالى انه كل ما باسمعها تقول جمالكو
وحلاوتكو افكر المصيبة الى احنا فيها

كاميليا
مصيبتك انت لوحدك يا نونو ناخى طول
ما انا جنب المدام الهام وانا عاشة فى النعيم كله

نوال
انا بقى دخلت جهنم برجليه انا الى افترت على
جوزى لما سمعت كلامها وعنيه زغللت باللى بيلمع
واللى بيضوى . لحد ما خربت بيتى وسبب
عيالى .

كاميليا

سبتهم من ايه مش من فقر جوزك مش من
القرش اللي كان بيرمهولك كل اول شهر وبقيت
الشهر بتكلى عيش حاف

سوال

وهو ذنبه ايه ده كان بيدنى ماهيته وماياخدش
غير مصروف ايده

كاميليا

من خيبته ده بيشتغل فى الجمرك معنى ممكن
نكسب ذهب لكن هو اللي مش راضى بفتح مخه

سوال

جوزى طول عمره شريف لا عمره سرق ولا عمره
نصب ولا عمره مد ائده لرشوة

كاميليا

واما انت عارفة كده عنينك حاتخرج على الفسائين
الى ملعطة فى الفتارين ليه ؟

سوال

من غلبى هم معنى اللي بيلبسوهم احسن منى

كاميليا

شفتى شفتى انك ما تقدريش على الفقر

سوال

ومش قادرة على السجن وعايضة اصرخ واقول
توبت وارجع لجوزى ولولادى

كاميليا

دخول الحمام مش زى خروجه يا نانو انت
ناسية اننا لسه ما حققناش اللي نفسنا فيه
انت ناسيه باب ان شاء الله لما نخرج حاتسفرنا .
ولما نرجع حاتعمل لكل واحدة منا شقة وتجب
لكل واحدة عربية انا شخصيا خطيت اول خطوة
ولا يمكن حاتنازل غير لما احقق كل احلامى
ده انا عايضة اجهز بيت من مجاميعه من اول

التلاجة الخمستاشر قدم لحد الفيديو كاست
عشرة سيستم

نسوال

طب كفانة أحلام نا هبله ده احنا في سجن
ومش عارفين حانخرج منه ولا ما نخرجش

كاميليا

طول ما احنا مع المدام الهام على سنه ورمح
ما تحمليش هم وعلى رأى المثل من جاور السعيد
بسعد وانت عارفة مدام الهام مسنودة على روس
كبيرة قوى

(السجانة وداد قادمة فتقترب من الهام تهمس
لها تخرج ورقة من فمها وتضعها في بد الهام)

الهيام

به دى ؟

السجانة

ما أعرفش أمانة وادست فى أيدى ومعاها ورقة
حمراء مصححة

الهام

من مين ؟

السجانة

من من تهمس لالهام (وبيقولك ماتقليش هو
حايعمل اللازم ويومين بالكثير حاتخدى افراج
(الهام تبتسم فى ثقة منى قادمة من عمق المسرح
مرتدة ملابس الرياضة تتجه الى سنية

مسنى

سنية هى مدام سلوى لسة فى الزيارة ؟

سنية

آه

مسنى

طب يالله يالله معاها انت للرياضة اليومية

سنيّة	تقترب من منى وتهمس لها) ما قدرش يا عسل
مسنى	ليه ؟
سنيّة	رجليه متسمرة هنا لحد الماسورة ما تتصلح
مسنى	ماسورة ايه ؟
سنيّة	ماسورة قلبى
مسنى	مش فاهمة
سنيّة	الواد الحليوة المسبب بتاع كل يوم جه من شوية
مسنى	انتى بتهزرى معانا يا سنية ؟
سنيّة	أفك الهم من على القلب شوية وعن اذنك حا أخش اطمئن على الماسورة اتصلحت ولا لا تتجه الى الداخل منى تقوم بألعابها الرياضية سلوى قادمة يبدو عليها الحزن منى تتوقف عن اللعب وتجرى نحو سلوى)
مسنى	ايه ده مالك يا مدام سلوى
سلوى	مفيش
مسنى	مفيش ازاي انتى كنتى فى زيارة يعنى شفتى مامتك وولادك يبقى لازم ترجعى سعيدة وفرحانة.
سلوى	انا تعيسة تعيسة
مسنى	معقول معقول انتى تقولى كده يا مدام سلوى ؟
سلوى	اول لحظة أحس بانى فى السجن يا منى

- مسئله حاصل ايه ؟
- سلوى حاصل ان ان (سلوى تبكى)
- مسئله ايه يا مدام سلوى خضيتنى اتكلمى فيه حاجة حصلت للدكتور كمال ؟
- لا سلوى
- مسئله امال ايه ؟
- سلوى هدى هدى بنتى
- مسئله مالها فيها ايه ؟
- سلوى قال انه مخصصانى - وحضرتها رفض تيجى تزورنى
- مسئله مخصصاكي ليه ؟
- سلوى تتمالك نفسها ثم تقول فى ثورة) لأنها مابتفهمس لأنها مابتعرفش يعنى ايه أم تخاف على بنتها متصورة أنها تفلط وأنا أطببط عليها
- مسئله (وقد شعرت بما تعانى منه سلوى تريث عليها طب اهدى وتعالى نقعد هناك وتقوللى فيه ايه ده لو ماكنش سر
- سلوى (وهى تجلس على حافة السلم) أنا حاقولك يا منى وانتى فى سن هدى واحكمى بينا بس على شرط ماتتحيزش لهدى لأنكو من سن بعض
- مسئله اطمنى .. انا حاحكم بالحق .. المهم ايه الحكاية .

سلاوى

فى يوم جانى تليفون وصوت بيقولى بنتك هدى
فى بيت شاب اسمه هشام واللى اتكلم وصف لى
البيت طبعا عقلى شاط مادرتش بنفسى
ماصدقتش ان هدى بنتى ممكن تعمل كده جرئت
زى المجنونة على العنوان ضربت الجرس لقيت
هدى اللى بتفتح الدنيا لفت بيا مادرتش بنفسى
وانا بشدها من شعرها وهات يا ضرب

ضرب ؟

مبنى

سلاوى

طبعا كان لازم اضربها وأموتها كمان بنتى - بنتى
أنا تغط غلطة بشعة بالشكل ده

وبعدين

مبنى

سلاوى

لقيت اللى اسمه هشام ده جاى من جوه وفى منتهى
جرود بيقولى انفضلى يا طنط طنط
عايزة أمسكه من زماره رقبته وأموته هو كمان
لولا لولا ان أمه جات تجرى على صوتى

أمه كانت فى البيت

مبنى

سلاوى

بصراحة ساعتها بلغت ريقى لكن من كسوفى
شدت هدى ولسة حاخرج بيها لقيت الأم
بتقعدنى وتدنى درس فى الحنية

الحنية ؟

مبنى

سلاوى

قال أنا مش فاضية لبنتى وعشان كده هى بتروح
بيت زميلها ده عشان أمه هى اللى حنية عليها

: آه . كده أنا فهمت .

مبنى

سـالـوى

فهمتى ايه ؟

مـنـى

هدى محرومة منك ومن حنيتك زبى تمام

سـالـوى

زبك ؟

مـنـى

برضه محرومة من أمى بس بشكل مختلف
نهائى ماما ست بب طببة وحنينة آه بس
للأسف مش بتفهمنى وسفیش بينى وبينها لغة
مشتركة وساعة ما قابلتك هنا اتمنيت من قلبى
ان ماما كانت تبقى زبك

سـالـوى

برضىكى يا منى أنها تروح لشاب فى بيته
افرضى ان أمه مش موجوده كان ممكن يحصل
ايه

مـنـى

تناقض

سـالـوى

تناقض ؟

مـنـى

اسمحي لى أقولك انك عايشمة تناقض غريب
حضرتك ست تقدمية وبتناضلى من أجل قضية
الوطن ومع ذلك عايشة تناقض فظيع انتى ست
متحررة فعلا والا لسة شايفة ان هدى بنب
وخايفة على غشاء بكارتها

سـالـوى

غشاء بكارتها ايه اللى جاب سيرة غشاء بكارتها
دلوقت ؟

مـنـى

لو سألتى نفسك وبصراحة حائلقى هو ده الموضوع
المستخبى جواكى وعمرك ما واجهتيه وعلى فكرة

التحرر مش كلام يا مدام سلوى لا ده فعل واكيد
انتى عارفة كده

سلوى كمال جوزى قال لى الكلام ده فى يوم من الأيام
وانا رفضت اسمعه

منى بلاش المرة دى تسمعيه المهم فكرى فيه
لان أنا وهدى فى اشد الحاجة ان اللى زيك بمد
ايدك لينا ويفهمنا - صديقتى يا مدام سلوى
احنا محتاجينكو... بس محتاجينكو شخصية واحدة
متكاملة مش مقسومين نصين (ترتى سلوى على
صدر منى وتجهش بالكاء) معقول معقول انتى
بتعيطى ؟

سلوى ماتتصوريش يا هدى أنا قصدى يا منى

منى كملى أنا برضه هدى

سلوى ماتتصوريش يا منى انا تعبانة قد ايه من يوم
ما عملت العملة دى وأنا حاسة انى فعلا اتسرعت
واتصرف غلط

منى بس الكلام الحلو ده بقى اكتبه لهدى فى جواب
وقوليها فى منتهى الصراحة زغرودة من عمق
المسرح على اثرها نرى خوخة قادمة تحمل طفل
انصاف وشفقة من ورائها تحمل المبخرة تتصاعد
منها البخور عدلات فى يدها طبق به كميات من
الحلوى والملح مهلبية قادمة تحمل جرن خشبى
بدلا من الهون) .

خاله يا ستات جمعوا بعض عشان نعمل سبوع ابن انصاف	خوخة
(قادمة في ملابس بيضاء تبدو عليها السعادة اللهى ما اتحرم منك يا ريستنا يا ملبسمانه الغالى وماكلانه الشهد	انصاف
قادمة تحمل صينية (الصينية دى زى الغريال هاتى الواد نخطه فيها	هند
ما اسموش واد يا هند ده اسمه الدكتور عاطف .	انصاف
تربى فى عزك يا انصاف	عزلات
لا من دلوقت قولولى يا أم الدكتور عاطف اللهى ربنا نزرع فى قلبه العطف والحنية على أمه الغلابة الشقيانة	انصاف
خل (استنى والنبي يا ابلتى ماتعمليش السبوع غير لما اجيب البت صرصاره تحضره معنا	سنية
طب يا ريت تسيب زنزانته وتخرج منها حاجيها وآجى حالا	خوخة
بت سنية دى حنينة قوى من ساعة صرصاره ما اخدت الحكم وهى قلبها عليها مولع	سمنية
ولاد كار واحد وقلبهم على بعض مش زى اللى ماتسمماش بتاعة الأبيض اللى حتى مابتقولش صباح الخير الهام قادمة ومن ورائها البنات الأربعة تتجه الى سور السلم وتجلس البنات	شقيقة
	خوخة

يجلسن بجوارها) يالله يا بت يا مهلبية اطلعى
انتى وهند هاتوا الشمع والبندق واللوز من الجناح
بتاعى عشان نعمل السبوع

هند ومهلبية : حاضر نا ابلتى

هند ومهلبية تتجهان للداخل سلوى تنظر بيمين
ويسار ثم تسأل منى)

سلوى هى ليلى فين ؟

منى من ساعة ما رجعت من زيارة جوزها دخلت
الزنزانة وقفلت عليها

سلوى ليه ؟

منى مش عارفة حاسة كده انها مهمومة من حاجة

سلوى يبقى مش جاى عشان بصالحها زى ما هى اتصورت
أكيد جاى عشان حاجة تانية

منى حاجة تانية زى ايه ؟

سلوى مش عارفة نا منى أنا قلبى مش مطمئن للى اسمه
سليم ده خالص

منى ليه ؟

سلوى زمان كان بيشغل فى الباحث وطلع فى التطهير بعنى
ليلى مش حملة (تتجه للداخل)

منى رايحه فين ؟

سلوى : المفروض مانسيبش ليلى وحدها .

منى مـ طب خليكى وانا أروح أنادى لها على الأقل تحضر
معانا السبوع (تتجه الى الداخل تقترب انصاف
من سلوى)

انصاف حاتحضرى معانا السبوع يا ست سلوى ؟

سلوى طبعا وحامسك شمع كمان (سنية قادمة ومعها
صرصارة بملايس السجن يبدو عليها الانكسار
سنية تلاعبها)

سنية فوقى بت با صرصارة فوقى وهاتى طرحتك
لما اتحزم وافرجك الرقص اللي على أصوله
سنية تربط وسطها استعدادا للرقص تدخل
ليلى مع منى يبدو عليها الحزن والآسى ، ساوى
تجرى اليها)

سلوى هه نا ليلى طمنينى سليم كان جاى ليه ؟

ليلى تنظر الى سلوى ساهمة ثم تتمم فى اقتضاب
عايز يرجعنى

سلوى وبعدين اتفقتوا

ليلى لما أخرج يبقى بجلها ألف حلال

سلوى تنظر الى ليلى فى شك (طب يالله تعالى نحضر
السبوع سوا

تدخل هند ومهلبية تحملان سلة بها البندق واللوز
وظلمات السبوع وتوزعان على كل واحدة حفنة
بندق وشمعة) .

شفيفة خلاص يا معلمة كل الحبايب جم يا الله ابتد
السبوع (خوخة تتمشى بالطفل شفيفة تضع
المبخرة على الأرض كي تمر انصاف فوقها عدلات
ترش الملح تشعل كل واحدة شمعتها منى أيضا
تشعل شمعتها كطفلة سلوى تأخذ شمعة تعطيها
للىلى ثم تشعلها لها)

خوخة يا الله نا نسوان قولوا ورايا حالقاتك برجالاتك
الجميع حالقاتك برجالاتك الجميع بغنون مع
خوخة المسرح بتحول الى الطقس المعروف
بالسبوع عدلات ترش الملح)

عدلات تجرى من هنا وترمح من هنا
انصاف بعد الشر الهى ما بجرى غير فى بيت أبوه
شفيفة دقى الهون يا بت يا هند

هنيد حاضر يا أبلتى (تشد سنية الحزام على وسطها) .
سنية طبللى يا بت انتى وهى حارقص لعاطف يوم سبوعه
ويدنى طولة العمر وأرقص له يوم فرحه بس
أرقص بهدومى عشان مايتقبضش عليها تانى
الجميع ضحككن

انصاف أردهالك يوم فرحك ثوانى يا انس الليالى
(المسجونات بدقون على الصوانى سنية ترقص
ولكنها تلاحظ صمت صرصاره فتشدّها)

سنية قومى أرقصى معانا يا صرصاره وانسى الهم ينساكى
يا حبيبتى . تنهض صرصاره لكى ترقص

الجميع يصفقن ويلتفنن في شكل دائري حولها
صرصارة ترقص كما الطير المذبوح انصاف تزغرد
في سعادة فجأة تدخل بخيطة السجانة وقد بدأ
عليها الحزن)

السجانة

بس بس يا ستات وقفوا الطبل دلوقتى

انصاف

ليه يا بخيطة المعلمة واخدة اذن من الادارة بالسبوع
يبقى نوقف الفرع ليه ؟

السجانة

على عينى يا انصاف على عينى حبيبتي
اصل اصل

انصاف

اصل ايه ؟

السجانة

جوزك جاى عشان

انصاف

(فى فرح) عشان انه جاى لى زيارة

السجانة

على عينى يا حبيبتي على عينى

انصاف

اتكلمى

السجانة

ده عند المأمور جاى ومعه امر من النيابة سستم
ابنه

(الجميع يتوقفن فى صمت انصاف تصرخ)

انصاف

يا مصيبتى لا لا تجرى على خوخة تأخذ
منها الطفل) لا لا ماحدش ياخذ ابنى منى لا
تتقدم عسكرى ومعه الأمر فى يده

العسكرى

ياالله يا بخيطة هاتى الولد .

انصاف يا مصيبتى حاتخذوا ابنى منى لا لا الهى
بخليك يا حضرة الشاويش روح قوله ده لسه
طفل رضيع واللبن بيحن فى صدرها وحرام
باتخذوا منى حرام حرام

العسكرى بتقدم فى تأثر يقدم لها الأمر (ده أمر من المحكمة
بغنى أمر الله ونفذ

انصاف بغنى ايه ؟ حاتخذوا الدكتور عاطف منى
لا لا

العسكرى أبوه أولى بيه من السج. حرام ابنك بتربى هنا

انصاف يتربى فى حضنى

العسكرى ما هو أصله كمان

انصاف كمان ايه ؟

العسكرى جوزك طلقك فى القسم وورقة الطلاق عند البيه

المأمور وبعد شوية تعساالى استلميهما

(انصاف تنظر الى الجميع فى ذهول بخيتة تقترب

تأخذ الطفل منها انصاف مستسلمة فى ذهول

بخيتة تمشى فى خطا حزينة النساء لتتفغن حول

انصاف وهى تولول)

انصاف ابنى ضنايا النساء جميعا يبكين ويربتن

على انصاف ليلى تبكى فى تشننج مكتوم سلوى

تتجه الى انصاف تربت عليها منى تتأثر وتبكى ،

انصاف تلطم خديها) .

قلبی کان حاسس قلبی کان حاسس
 حاطلقنی وحانقول شرفی لکن قولولی نا ستات
 کان شرفه فین لما کنت باخرج کل یوم من طلعة
 النهار اتلطم فی الشقق المفروشة ده انا کل یوم
 کنت باشتغل فی بیت .. طول الأسبوع وانا مکفیه علی
 المسح والغسیل والطبیخ ما انا کان لازم اشتغل
 ولادی صغیرین محتاجین اللقمة والهدمة وانا لازم
 اشتغل واساعده ما هو جوزی غلبان وماکنش بقدر
 علی مصاریفنا لوحده کنت أرجع من الشغل
 آخر النهار مهدودة وتعبانة وهو کمان نا حبة عینی
 کان یرجع مهدود وتعبان کنت احط قرشه علی
 قرشی ونجیب عشا للعیال .. وساعتها کان بططب
 علیا ویقولی علی عینی تعبک وشقاکی نا انصاف
 مسیر العیال تکبر وأریحک نا حبیبتی لکن لکن
 لما حصل الی حصل نسی تعبی وشقا نا واقتکر
 شرفه وکرامته واتهیاله ان حد لسنی لکن وحیاة
 السامعین أبدا عمر ما حد لظ جتتی ولا قرب
 منی لکن هو لا یمكن حاصدق وعشان کده
 طلقنی وحرمنی من ضنا آه نا ضنا یا ولسة
 حایحرمنی من بناتی آه نا حبابی نا بناتی
 ده انا ربتهم بشقا نا وصحتی آه آه یا صحتی .

تقرب من انصاف تشدها لتنهض اهدی
 نا حبیبتی اهدی نا انصاف وقومی معانا وبکره
 لما تخرجی انا حابعتک لصبیانی بره یشفلوکی
 معاهم وشفلتنا شریفة ومافیهاش العیب .. المهم

خوخة

تبقي مفتحة كويس للكار وبعد كده تكسبي
ذهب

انصاف

تلطم خديها (حاكسب لين حاكسب لين
ولادى الى كنب باشتغل عشانهم خلاص
اتحرمت منهم آه ناولادى انصاف يغمى
عليها الجميع يلتفون حولها ويسندونها للداخل.
سنية تخرج معهم ليلي تتمتم في عدم فهم)

ليالى

الى بيحصل ده مستحيل مستحيل

سلوى

بس بيحصل نا ليلي وأكثر منه كمان
(نسمع سنية تصرخ)

سنية

(فجأة سبى ايدى يا بنت الكلب سبى
ايدى

كاميليا

قادمة تشد سنية من يدها وهى تنادى بصوت
عال (يا شاوش يا شاوش

الهـام

فيه ايه يا كاميليا ؟

كاميليا

البنت قليلة الأدب البجحة دى ضبطها وهى بتبوس
المسجون الى بيصلح الماسورة

سنية

سبى ايدى بأقولك سبى ايدى

الهـام

لا يا كاميليا ماتسيبهاش لحد لما يجى العسكرى
عشان يربها السفلة الحفيرة دى
خوخة تنظر الى ما يحدث في استفزاز ثم تتقدم
من كاميليا في تحفز)

خوخة .: سبى ايدها يا بت

كاهنيلييا	وان ماسبتهاش حاتعملى ايه ؟
خوخة	حا أفسخك حتتين
الهام	لو سمحتى ابعدى انتى عنها لحد ما ييجى العسكرى وتسلمها له تاخد جزاءها
خوخة	ولو مابعدتش يا بتاعة الأبيض حاتعملى ايه
الهام	مش حاعمل حاجة يا بتاعة الأسود لكن يناتى هم اللى حايعملوا ويعرفووكى انتى بتكلمى مين
مهلبيةة	طب خلى انتها واحدة تقرب من المعلمة كده وشوفى احنا حانعمل ايه (بنات خوخة) يتقدمن من بنات الهام غير أن خوخة تفرق بينهم فى صرامة وحسم
خوخة	بت يا مهلبيةة الضرب مايقاش لبنات بتاعة الأبيض لا لكن الضرب يبقى للمعلمة بتاعتهم ومش انتوا اللى تضربوا كمان لا ده أنا اللى (تهجم على الهام وتشدها من شعرها فى عنف تنشب مشاجرة تتدخل المسجونات سنية تتقدم تشد الهام من بد خوخة)
سنينة	سبينى عليها أنا يا معلمة
الهام	(وهى تتخلص من يدى خوخة تباعد وهى تحذر سنينة او مدتى ابدك عليا يا سافلة يا حقيرة حاتتلك هو ايه خلاص مايقاش الا المومسات كمان تمد ايدها على اسيادها (الجميع يبعدن

سنية عن الهام غير أن سنية تنظر في خجل
تتوقف عن الضرب في حزن خوذة تقترب من
سنية تهمس لها في غضب)

خوذة

كان لازم تعملى عملتك السوداء دى عشان واحدة
زى دى تهزأك (تبتعد عن سنية وهى تتجه الى
الداخل اسفخص عليكى وعلى دناوتك

الهام

دى مش دناوة لا دى حقارة وقلة أدب تشد
بناتها وتتجه لتمشى غير أن سنية تشدها من
ملايسها في عنف)

سنية

تعالى هنا يا سب هانم باللى لابسك الشفتشى
مش أنا لوحدى الللى حقيرة ده انتى احقر منى
انتى الللى بتاجرى فى السم الهارى الللى يشتروا
منك المهاطيل وييجونى نهشوا فى لحمى ويدفعوا
وأنا بابيع لهم برخص التراب بابيعه لانه اتباع
من زمان (سنية تقف فى وسط المسرح وكأنها
لا ترى أحد تسترسل فى الكلام) اتباع يوم القرش
ما شح فى اند أبويا وقعدنى من المدرسة عشان
يقدر يصرف على الصبيان حرمنى من التعليم
وحرمنى من كل شىء كنت باحلم بيه يومها
عيط لمرات أبويا قالت انتى حلوة وزى القمر بكره
يخيلك ابن الحلال الللى سعدك ويعوضك عن
الفقر الللى احنا فيه ابن الحلال جه راجل اكبر
منى بخمسين سنة باعونى له بخمسة تلاف جنيه
يومها أبويا بص لى وقالى على عينى يا بنتى لكن
أعمل ايه الضرورة لها أحكام واستحملى عشان

خاطرى وأستحملت ورضيت وربنا ما يورى حد
 اللى جرائى ساعة ما دخلت أوضة النوم وأنا جسم
 كله بيترعش من الخوف راجل غريب وبيتقفل على
 وعليه باب واحد فى ايدو ورقة جواز وبيقول
 حلالك متجوزك أهو على سنة الله ورسوله وباسم
 الحلال ده هجم علينا زى الوحش الكاسر كتعب
 نفسى وغمضت عنه ما أنا اتباع والشارى لازم
 ياخذ حقه واستحملت ورضيت بالعلب لكن الغلب
 مارضيش بيا وفى يوم لقيت الراجل اللى هو قال
 ايه جوزى جاي وجايب لى معاه راجل أكبر منه
 وقالى (تقند الرجل العربى) والله ولد عمى يريدك
 وأنا خلاص ما عندى مانع اطلعك وتتجوزى بدل
 ما ترجعى لأهلك يا ب الناس صرخت فى وشه
 وسبتها مطبلة على دماغه وخليته طلقنى ورجعت
 لأهلى اند ورا واند قدام رجعت مجروحة
 ومقهورة وحزينة لقيت أبويا مات والمعاش اللى
 سايبه ما ناكلش عيش حاف أول حاجة مرات أبويا
 قالتها عندى لك عريس مصرى أغنى من الأولانى
 كمان كان تاجر شنطة زمان ودلوقت بقى تاجر
 عربيات حاكب لك شقة وزلمة وحايرف عليكى
 بدل الجنيه ألف بيكسب ذهب واخوانك محتاجين
 يتربوا وانتى دلوقت مسئولة عنهم بس العريس
 يا حبيبتى عايز تتجوزك فى السر وحايدفع
 فيكى كل اللى تأمرى بيه يعنى بيع وشرا تانى .
 لا يبقى أبيع نفسى بطريقتى وعنهما وابتديت

المشوار الطويل جمالى قصر المشوار وعملب ثروة
وبقى عندى شقة مفروشة واللى بيعوزنى بييجينى
هو بيدفع وانا بادى جتسه باردة والدّم
هرب منها

منى

فظيع فظيع معقول ندى جسمك لرجالة
مفيش بينك وبينهم أى مشاعر

سنية

تقهقه عالية فى أسى (مشاعر ما شاء الله
يا مشاعر ما نا قفلت عليها من زمان ورميت
المفتاح فى النيل قفلت على مشاعرى وسمكرت
البلكونة اللى كنت بابص منها على أول حب فى حياتى
قفلت على قلبى وسلمت جتنى للى يسوى واللى
مايسواش واشتغلت لحساب نفسى قطاع
خاص وصرفت على اخواتى لحد ما كبروا
واتخرجوا لكن ساعة ما انقبض عليا
اتبروا منى وقالوا مانعرفهاش دى لطخ اسم
العيلة فى الطين ودلوقت انا أهو عايشة بحكمه
بتقول واحد وواحد اتنين وعمرهم ما يبقوا تلاته
انا بادى للرجالة اللى هم عايزينه وهم بيدفعوا
اللى انا عايزاه كان ممكن اتجوز راجل مابجهوش
هو يكذب عليا وانا أكذب عليه والكذب حرام
وبيدخل النار ما هو الرجالة اللى بييجونى بيدفعوا
وهم عارفين بيدفعوا ليه وانا باخد وعارفة باخد
ليه وبأقولها أهو بالمفتشر لكن الدور والباقي بقى
على ستات كتير عايشين فى بيوت مقفلة على بلاوى
متلتة لا يحبوا اجوازهم ولا يطيّقوهم لكن

عائشين معاهم بس عشان بيصرفوا عليهم
 وبيأكلوهم اللقمة وبيضحكوا على نفسهم ويقواروا
 ضل راجل ولا ضل حيلة ، كده ولا لا كده
 ولا لا (تقع سنية على الأرض باكية اضاءة على
 وجه ليلى مع موسيقى تعبر عن السجن فى أعماقه
 تمشى فى خطوات بطيئة وقد بدا عليها الذهول
 اظلام تدريجى مع مزج لاضاءة فى المستوى الآخ
 من المسرح من خلال الفجوة التى فتحت من قبل
 نقّة ليلى نرى سليم وهو يخلع جاكته هاجم
 على ليلى ليلى فى رجاء)

بلاش	ليلى
ليه ؟	سليم
تعبانة	ليلى
كل ليلة ؟	سليم
مش فادرة	ليلى
بس أنا قادر	سليم
مش عايزة	ليلى
أنا عايز	سليم

تخف الاضاءة من خلال سولويو نرى ليلى
 وقد أسلمت جسدها لسليم بفتور نسمع
 صوت ليلى كالحيوان الذبيح وقد وضعت ملاءة
 فى فمها كى لا تخرج أصواتا)

(اظلام)

المشهد الثالث :

المكان

زنزانة السجن

الزمان

الساعة الثالثة ظهرا

– اضاءة تدريجية تبين سلوى راقدة على سريرها
تقرأ في كتاب

– منى تقف على سريرها وتكتب على الحائط
بخطف واضح أجمل انام العمر

– ليلي ولازال الملاءة في فمها تحاول أن تفيق من
كابوسها في شجن

– سلوى تلاحظ هذا تنهض من على سريرها
تتجه اليها تسألها في حنان

سلوى

مالك يا ليلي

ليلى

(تنظر ناحية منى ثم تهمس لسلوى) بتحبي جوزك
يا سلوى

سلوى

(في دهشة) هه . طبعاً .

ليلى	لحد دلوقت
سلاوى	احنا بنحب بعض من ايام الجامعة
ليلى	والحب زى ما هو ؟
سلاوى	كل مرحلة حبها له طعم
ليلى	وحشك
سلاوى	جدا
ليلى	هو فين ؟
سلاوى	هو مين ؟
ليلى	جوزك
سلاوى	ما أعرفش بالضبط بس النهاردة ماما جابت لى ورقة فيها كلمتين
ليلى	بيقولك ايه
سلاوى	باحبك
ليلى	قالك باحك ؟
سلاوى	دى أول كلمة
ليلى	والثانية
سلاوى	خدى بالك من لىلى
ليلى	قالك لىلى
سلاوى	آه ما هو عرف كل اللى حصل
ليلى	: عرف منين هو مش هربان ؟

سـلـوـى

هربان آه بس موجود بيتصل بماما وبیکلم
الأولاد ويشوف کل طلباتهم كأنه معاهم
بالضبط

ليـمـى

ايه اللى غضبكوا ؟

سـلـوـى

على ايه ؟

ليـمـى

على انتوا بتعملوا

سـلـوـى

الجب

ليـمـى

الجب ؟

سـلـوـى

آه

ليـمـى

ازاي

سـلـوـى

لما تحبى بلدك وتحس انها بتتجرح قدام عنيكى
تعملى ايه مش تعرفى ايه سبب جرحها وتعرفى
ايد دواها ولما تعرفى يبقى ماتسكتيش
أسكتش

ليـمـى

سـلـوـى

طبعا وأنا وكمال حبيبى وزينا كثير عمرنا
ماسكتنا وآهو نحاول (سلوى تتذكر بسعادة)
تعرفى نا ليلى من يوم ما دخلت السجن وأنا عاشة
فى ذكرى أيام حياتنا الأولى اتقبض علينا احنا
الأتنين فى يوم واحد هو دخل سجن الرجال وأنا
دخلت سجن النساء كنا نبعت لبعض جوابات
صارحنا بعض بحبنا ولما خرجنا اتجوزنا

ليـمـى

دخلتى السجن كام مرة ؟

سـلـوـى

: ثلاثة . منهم مرة كنت حامل فى هيثم حبيبى .

- سوالی** سوالی اسألك سؤال محرر
- سوالی** بین الأصدقاء مفيش أسئلة محررة ليلي تجمع
شجاعتها وتحاول أن تسأل في جراحة يبدو عليها
القلق والتردد ثم تسأل)
- سوالی** عمرك نمتي مع جوزك وانتی مش عايزه
(في دهشة ثم سم لا طبعاً
- سوالی** ولا مرة
- سوالی** عمری
- سوالی** مش معقول
- سوالی** اللي مش معقول انه يحصل غير كده لحظة الحب
من أجمل لحظات العمر ولازم تتعايش نتهی
الصدق والدفع يعوزها الاثنين يعيشوها الاثنين
وغير كده يبقى فظيع يبقى فجع سع
ليلى يديها على عينه شجع سوالی
تربت عليها بحنان ليلي نا حبيبتی
أنا كمان سؤال من ساعة سليم ما حالك
وانا حاسنة انك طبيعيـ سوالی
فيه ايه
- سوالی** سوالی بوكبي ومتسألنيش
مالي
- سوالی** بلاش اسألك نا ليلي بس أنا متأكده ان حاتيبي
اللحظة اللي حاتقوليلي فيها انب ليه عنكي زانغة
ومش بتبتيها في عنيه . وحاتيبي اللحظة اللي

ليلى حاتقوليلى فيها الهام تبقى لك ايه بالضبط
سلوى أرجوكى ما تسألنيش عن أى حاجة اى
حاجة (ليلي تبكى)

سلاوى خلاص بقى عيطى زى ما انتى عايزة (منى لازال
تكتب غير أنها تتوقف عن الكتابة وتطل براسها
على سلوى ويليلى)

منى ايه اللى حصل بعد الهمس الجميل اللى كان بينكم .
ليه العياط ؟

سلوى ساعات كثير الدموع بتغسل الهموم
منى بقى لو سمحتى نا ابلة ليلي خلصى الدموع
بسرعة عشان تشوفى انا كاتبه ايه بصى نا مدام
سلوى قوليلي ايه رانك فى خطى سلوى تنظر
الى ما كتبت منى (

سلوى بصراحة اللى أحلى من خطك الكلام اللى انتى
كتباه قومى بصى نا ليلي اقرى شوفى منى
كاتبه ايه

ليلى تطل براسها على الكلام المكتوب كل منهن تقرا
جملة (

منى أجمل ايام العمر لم نعشها بعد

سلاوى وأجمل الأزهار لم تنبت بعد

ليلى وأجمل اطفال العالم لم تولد بعد
(ليلي تنظر فى دهشة ثم تسأل فى براءة) .

ليلى الكلام ده منى جايباه منين ؟

ده جزء من قصيدة لناظم حكمت	سلوى
مين ناظم حكمت ده ؟	ليلى
شاعر تركى	سلوى
يعنى اجنبى	ليلى
باقولك تركى	سلوى
الشاعر ده كتب القصيدة دى لما كان فى السجن .	منى
فى السجن ليه ؟	ليلى
زيننا كده كان لسانه مفلوت (ليلى تسمع صوت سليم)	منى
دول ناس اعداء للوطن سلوى تقرا القصيدة صدى صوت سليم تتردد ويختلط صوت سلوى بصوت سليم وايضا صوت منى يسمموا عقول الناس .	ص سليم
اجمل ايام العمر لم نعيشها بعد	ص سلوى
بيعملوا لحساب جهات اجنبية	ص سليم
واجمل الأزهار لم تنبت بعد	ص منى
بيخربوا البلد	ص سليم
واجمل اطفال العالم لم تولد بعد ليلى تمسك راسها فجأة وتجلس على طرف السرير وكان الحجرة تدور بها تفيق على صوت سنية قادمة مندفعة) .	ص سلوى

سمنية	مزميزل منى
منى	مزميزل منى فيه
سمنية	فيه ايه با سنية ؟
سمنية	الحقى يا حبيبتي
	الحقى بسرعة خبر ح نفرحك
	بس الأول ادبنى بطانيتك وايدك على هدومك كاي
	ولو معنى معاكى كمان بدرة احمر وروج أنا
	أولى من غيرى
منى	ليه فيه ايه ؟
سمنية	فيه افراج نيابة حبيبتي
منى	ليسا
سمنية	امال ليا ؟
ليلى	(فى دهسة ايه ؟
سماوى	الف مبروك با منى
ليلى	افراج عنها لوحدها
سمنية	ودلوقت السجاز جانة تقوالك
بغيتة	تدخل مندفعة
	مزميزل منى حضرى
	نفسك افراج جيتى واندك ع الحلوة
ليلى	افراج عنها هيه بس
بغيتة	لا وكمال المزميزل حونان والمزميزل سهام والمزميزل
	نورا الى قاعدين فى عنبر اثنين خارجين دلوقت
	(ليلي ساهمة تفكر سلوى تجرى على ورقة
	وقام وتكتب شيئاً ما منى تجمع ملابسها فى سرعة
	سنية تقترب منها)
سمنية	بسرعة شوفى حاتدنى ؟
منى	خدى بنظالون جينز اهو .

سنى	أنا عايزه حاجة مشخلة
منى	ماتلقهاش عندى
سنى	طب باقولك ايه حاطب منك طلب بس مكسوفة.
منى	اطلبى يا سنية عايزة ايه
سنى	أمانة فى رقبك لما تخرجى أول راجل اسمه حسن تقابليه تبوسيه
منى	أبوسه ؟
سنى	آد وتقوليله البوسة دى من سنية حبيبتك بتاعة زمان
سلوى	ضاحكة مش وقت هزار سنية وانفضلى دلوقت
سنى	حاضر بس حاخد البنطلون ده عشان اتعلم بييه العفة تأخذ البنطلون وتخرج مندفعة سلوى تترب من منى)
سلوى	منى يا حبيبتى أنا أنا ليا عندك طلب
منى	تحت أمرك
سلوى	ده عنوان بيت ماما عايزاكى أول ما تخرجى ترو تقابلى هدى بنتى وتقوليلها ماما بتقولك ماترعليش منها لأنها غلطت معاكى
منى	الله عليكى لما تعترفى انك غلطتى
سلوى	لما اخرج اكيد حاتبقى أصدقاء يا منى
منى	: وهدى كمان حاتبقى صديقتك .

سلوى

أكيد ما هى قفلة السجن على خلتنى أعيد نظر
حاجات كتير منها علاقتى بهدى وأهو كاتبة
الكلام ده هنا (تعطى رسالة لمنى تدخل بخيطة

بخيطة

بالله يا مزميزيل بالله عشان تخرجى مع زميلاتك

سلوى

هم خلاص خارجين دلوقت على طول

بخيطة

آه مش سامعين زميلاتهم بيغنوا لهم

ليلى

(فى دهشة بيغنوا لهم

سلوى

ايوه يا ليلى ده تقليد عند السياسيين لما حد
بيخرج منهم بنغنى له كلنا

ليلى

بتقولى ايه ؟ صوت من بعيد للغناء ونشيد بلادى
منى وقد أمسكت حقيبة ملابسها تقة
من ليلى)

منى

ابلة ليلى انا جيتك قوى ولما تخرجى عايزة
أبقى أشوفك (منى ترتدى على صدر ليلى فى حنان
ليلى كما المنومة تقبل منى منى ترتدى على
صدر سلوى تقبلها كلها يومين وحاجيب هدى
ونيجى نزورك سلوى تقبل منى ثم تمسح دموعها
التي سالت منها رغما عنها منى تخرج وسلوى
تجربى تنظر من النافذة ليلى اثناء ذلك تنظر معها
الغناء مستمر من بعيد بلادى بلادى لى حبي
وفؤادى ليلى تنزل وتترك النافذة تجلس على
حافة السرير فى دهشة وعدم فهم

ليه منى تخرج واحنا ما نخرجش ؟

ليلى

سلاوى منى خرجت افراج نيابة يعنى النيابة مالمقتش عليها
اى ادلة لآى اتهام

ليلى وانت

سلاوى مسيرى برضه أخرج أنا من يوم ما انقبض عليا
ماحصلش معنا غير تحقيق واحد وده لأن النيابة
ماعندهاش اى ادلة ضدى يبقى ضرورى
حاخرج

ليلى تنتفض فجأة فى عصبية مستحيل

سلاوى مستحيل ؟

ليلى آه مش انتى متهمه فى قضية تخاير يعنى
جاسوسية ؟

سلاوى تبترسم فى سخرية (دى طبعاً مجرد شوشرة
وادعاء ضدك واكيد زملاؤنا بره رفعوا قضانا على
الجراند المأجورة اللى كتب الكلام الفارغ ده
وبكره الحقيقة تبان

ليلى لأ بقى الجراند لا يمكن تكتب الكلام ده غير لو كان
حقيقة

سلاوى (فى ذهول) حقيقة ؟

ليلى اكيد

سلاوى معقول تقولى كده نا ليلي انتى اكيد اتجننتى

ليلى از اتجننت يوم ما جيتلك ومين عارف مش جايز
انتى كمان تخرجى وأنا أفضل هنا كان يوم
أسود يوم ما جيتلك . ضيعتنى ضيعتنى

سلوى

(تهجم على ليلي في عنف تمسكها من كتفيها وهي
في قمة ثورتها) لأبقى مش أنا اللي ضيعت
انتى اللي ضايعة وجاهلة كمان

ليلى

جاهلة

سلوى

يوه جاهلة ومش بتفكرى وعاشمة تابعة

ليلى

أنا أنا تابعة ؟

سلوى

ايوه تابعة ومالكيش أى شخصية ما أنا خلاص
فراض بييه منك من ساعة ما تقبض علينا
وأنا مستحملكى وساكته لكن لا لا انتى لازم
تفوقى وكفاة غيبوبة الجهل اللي انتى فيها دى
ليلى ساهمة من هول ثورة سلوى) وأنا
متأكدة ان سليم لما جالك النهارده الصبح قالك
السلام اللي انتى بترددى داوقت وأكيد طلب
منك فى أقرب تحقيق تتبرى منى وتقولى توبت
وعمرى ما أعرفها (ليلي تشيح بوجهها عن سلوى
سلوى تقترب منها وتغير قليلا من ثورتها
وعصبيتها) أنا حاسة بيكى نا ليلي وعارفة ومتأكدة
ان سليم جالك مخصوص عشان يقولك اننا
متهمين فى قضية تخاير وبشعمل لحساب جهات
أجنبية وان احنا اللي حرقنا البلد ومين عارف
مش جاز كمان يكون أوهمك انك انتى متهمه
معانا وده طبعا عشان بخوفك ويبعدك عننا ما هو
عارف انك بتسمعى كلامه من غير ما تناقشيه

ولا تفكرى فيه لانك ما تعرفيش غيره عيشك جوه
قمقم حياتك وشكلك بطريقته ومسح عقلك وخلاكى
مسح لبنى آدم مسلوقة الارادة

تصرخ فجأة فى وجهها) بس بس كفاية كفاية .

ليلى

سلوى

لا مش بس انتى لازم تسمعينى للآخر لازم
تعرفى انى كاتمة فى قلبى من ساعة ما شفتك ومش
قادرة أواجهك بحقيقتك ومش راضية اقولك
ان ليلى اللى قدامى ليلى اللى كنب أعرفها
ليلى زمياتى بتاعة زمان تقرب من ليلى تربت
عليها فى حنان بادور عليها ومش لقيها
ليلى اللى كانت ذكية وشقية ليلى اللى كانت
بتطلع الأولى على فصلها فأكرة ؟ يا ليلى لما
مرة غشمستى سامية عباس زميلتنا وأنا زعلت منك
وخاصمتك وقتلتك اللى بيغشمش زى اللى بيغشمش تمام
يوميه فضاتى تعيط لحد ما صالحتك ولما ابلة
كريمة ضربتنى عشان وقف فى وشها لما طردت
خديجة السنوانى لأن جزمتهامقطعة انتى عيطى
بدالى (ليلى تشيح بوجهها عن سلوى سلوى
تلاحقها) ليلى أنا واثقة انك ما نستيش ليلى بتاعة
زمان وليلى الحقيقية لسه جواكى ليلى اللى
كانت بتحب أبوها أبوها اللى كان أستاذنا كلنا
فاكرة يا ليلى لما كان بيقد معانا ويكلمنى عن
المستقبل عن الحلم وعن الأمل كنت انتى
بتكلمى بلسانه وبتفكرى بعقله ولما مات روحى
سلمتى نفسك لسليم وانتى مغمضة فتجى
يا ليلى وبص حواليكى بص جنبك وبص وراكى

وبص قدامك وأعرني اللي بيحصل
يا ليلي فتحي نا حبيبتي (نفتح الباب تدح
منى ومعها حقيبة ملابسها سلوى وليلى
ينهضان فى دهشة) ايه اللي رجعتك يا منى

منى

تبتسم فى مرارة وسخرية النيابة افرجت عنى
من هنا وصدر امر باعتقالى من هنا

ليلى

(دهشة وتهمس لنفسها) هيه ايه الحكاية بالضبط
انا الظاهر مش فاهمة حاجة

(اظلام)

المشهد الرابع :

١٦١

(م . ا - سجن النساء)

المكان	ساحة السجن
الزمان	ظهر - ساحة السجن شبه خالية صرصار قادمة وراءها سنية تترنحان وتجريان في انحاء الساحة
صرصار	يا شاويش يا شاويش
سنية	يا شاويش يا شاويش تصدمان ببعضهم ثم تستفرقان في الضحك) عايزة الشاويش ليه يا بت
صرصار	احكى له حدوده وانت عايزاه ليه ؟
سنية	جبللى حسن
صرصار	حسن حسن مين ؟
سنية	يا حسن يا خولى الجنية يا حسن
صرصار	قوللى بت هيه ليلى فين ؟
سنية	بح طار فى الهوا شاشى وانت ما تدراشى يا حسن .

صرصارة	انتى مش أديتها البلبوعة
سنية	ووصلت فوق ملكة وعلى راسها تاج السطل
صرصارة	طب هيه فين
سنية	تسأل الشاويش يا شاويش
صرصارة	يا شاويش
ليلى	قادمة تتبختر وكأنها فى عالم وحدها (يا شاويش قولى رايح على فين (سنية وصرصارة نفجران فى الضحك ليلي تتماثل)
صرصارة	الحقنى يا شاويش
سنية	يا بب يا مهبوشة عايزة الشاويش ليه
صرصارة	سمعننى وانا باتكلم فى السياسة
سنية	ينيلك وانت مالك ومال السياسة تعرفى فيها ايه يا بنت المسطولة
ليلى	يحزم تعرف كل حاجة انا سياسية وبأقولك أهو هى تعرف كل حاجة قولى يا صرصارة قولى كل حاجة عايزة تقوليها ما تكتميش فى قلبك حاجة
صرصارة	تعد على !صابعها ينعل أبو فلان وعلان وترتان وينعل أبو كذا كذا كذا
	وينعل أبو الفقر والجوع والحرب الأونطة ينعل أبو الرصيف والشوارع اللى كانوا بياخدونى منها. وينعل أبو . ليلي فى ذروة ضحكها)

سنيّة	يا بت فوقى يخرب بيتك
صرصارة	طب انشاء الله ببقى لى بيت ويتخرب
ليسلى	سببها تقول خايمهم يقبضوا عليها فى السياسة اشمعنى انا
سنيّة	سياسة ما يحكمش
صرصارة	لا يحكم اخش غير السياسيين واعيش السبع سنين شريفة وعفيفة وانسى انى مومس
سنيّة	ينيلك ايه بس اللى فكرك ده احنا مبلعين عشان ننسى
ليسلى	احنا مبلعين تضحك حلوة بابا وانا مبلعة ؟ بص على من فوق كرسيك العالى وشوف سنورتك وهى مبلعة وحشتنى عايزه أجيلك بابا
سنيّة	نتى ابوكى فين ؟
ليسلى	فوق فوق فى العلالى
صرصارة	طب ما تيجى نروح له
ليسلى	تضحك) بس ده فوق قوى قوى فوق السحاب بكثير
صرصارة	نروح له
سنيّة	لا انا حاروح على بيتنا فى شارع السد الجوانى ما هو برضه بعيد فوق السحاب بكثير
صرصارة	انا زايجة على بيتنا فى بورسعيد .

- سمنية** ياللى بيننا اركبى حصانك وانا حاركب حصانى
(كل منهما تتخيل انها تركب حصانا)
- ليلى** ان حصانى جناحات بيرفرف درجن
درجن
- صرصاره** درجن درجن يشعران كأنهما بطيران فوق
المحباب يبدان فى الغناء)
- ليلى** اتمخبرى واتمايل نا خيل وارقصى ويا عرايس
الليل
- الثلاثة** اتمخبرى يا خيل اتمخبرى نا خيل
سمنية الله الله الله بص نا ليلى بص باب نا صرصاره
صرصاره قوليلى نا عواطف
- سمنية** تعالى نا عواطف بص شافين الشمس مفتحة
ومنورة فى السما ازاي ؟
- صرصاره** لون السما فى لون بحر بورسعيد
- ليلى** كده حنتأخر والليل حيخش علينا ناللا بينا
درجن درجن
- سمنية** توقف حصانها ! بس اقف هنا عن اذنك نا عواطف
بيتنا هنا
- صرصاره** طب عن اذنك أحسن انا لسه مشوارى طويل على
ما أوصل بورسعيد درجن درجن
- تتوقف (بس وصلب بيتنا هنا
- سمنية** : وبلكونتنا آهى وبلكونة حبيبى حسن آهى

صرصارة

انا آهو دخلت حضن امى وقعدت جنب ابويا
وانا فى البلكونة بانشر الفسيل يو الحبل انقطع
نزل طرفه فى بلكونة حسن (سنية تعيش عالمها من
جانب وصرصارة تعيش عالمها من جانب آخر)

صرصارة

امه امه ايه اللى بيوجعنى فى صدرى ده
صرصارة تزغرد وكأنها امها (طلعت لك النبقه
يا ضنايا خلاص كبرتى وبقيتى عروسة

سنية

حسن نا حسن بصيب له عنيه قالت لى
كلام كتير وانا قلت اكتر عنيه كانت سودا وبتبرق
كانت حلوة ولسه شافاها قدامى نا حسن
يا حسن امسك طرف الحبل شد الحبل من
تحت واشد انا من فوق هو يشد وانا اشد
هو يشد واز اشد ساعتها حسيب وكان جسمى
كله قاد نار وخدودى تولعى منها الكبريت ورجليه
سابت والدنيا لغت بييا اتهاى الى انى فى الجنة

صرصارة

وشعري الناعم مسبب والمريلة مكوية ومستنية
والمدرسة جرسها يضرب وامى عايزة تجوزنى
وابويا عايز تعلمنى وانا عايزة الاتنين

عايزة أخرج اللعب مع العيال ليه خافه على نا امه
ابويا بيقول ما تاخفيش بنتى جدعة

سنية

بنحلم بيبى صفر ونحط على بابيه كف عثمان
تتحفظ من الحسد ونزرع جواه لبلابة ونجيب
عيال كثير . كثير .

صر صارة

اشترى لى عروسة يامه يا بت عيب ده انشى
كبرتى مش حاسسة انك بلفتى عايزة اروح
الجينة فيها بيت اسمه بيت ججا الشاطر
اللى كان بخشه ويعرف يخرج منه

وانا يامه دخلت بيت ججا ويامه خرج منه

سمنية

استنى نا سوسنة حا اتخرج واشتغل ونتجوز
ابويا مش قادر يصرف علينا نا حسن وحاجوزنى
معقول كل الحب ده ضيع مش بس الحب اللى
ضاع نا حسن ده انا كمان ضعت ضعت

صر صارة

يا ثوانى

سمنية

لا انا اسمى سوسنة

صر صارة

احنا قلبناها غم ليه ؟

سمنية

قطع الغم والهم بالله نا ليلى غنى معاها الدنيا ربيع
والجو بديع قفلى على كل المواضيع ليلى جامدة
تتطوح فى ايديهم وهى ذاهلة)

سمنية

بت نا عواطف ليلى باشها وصلب لأبوها

ليلى

بتسمة ابتسامة غريبة) وصلت

صر صارة

شايفاه

ليلى

بزيه وجبروته وحشتنى ازيك نا حبيبى
ما تزعلش منى تضحك انا مبلبة مش قادره
اطلع لك . لانك فوق .

كرسيك العالى كلمنى لا ما تتكلمنى اسمعنى
انت اتكلمت كثير وعمرك ما سمعنى انا مبلعة
وعثمان كده حا اتكلم وانت حتسمعنى انت عمرك
ما بلبعت كنت دائما فايق وبتتكلم ولسانك طويل
وكلنا ماشيين عليه

كنا بنشوف بعضيك ونسمع بودانك وصوتك على
وجميل وقاسى وبعيد ياما حاولت اطلع ابقى فى
حضنك اشم ريحتك او اسمع نبض قلبك بس
انت كنت بعيد دائما بعيد

(تضحك وهى توشك على البكاء شفت نا بابا
ايه اللى جرى للسنيورة لما انت غيب عنها قال
سنيورة قال ده ببغفان بيردد الكلام والبغفان
ما يعرفش يقول لا ولو قال حد حاسمعه
سليم كان بيقول نفس كلامك نفس صوتك ولما
تمكن منى واخذنى وبقيت طوع اده شال صورتك
من على الحيطه مسح كل كلامك واحلامك باستيكة .

وعثمان كده درجن درجن البغفان بيقول
درجن بأداء بطيء تزايد والدنيا ربيع والجو
بديع قفلى على كل المواضع قفل قفل (سنية
وصرصارة تندفعان معها فى الغناء الذى ينقلب
لحالةحادّة من الانخراط الجماعى فى البكاء
ليلى تصرخ بس كفالة سيونى ناه كنت فىن ؟
آه يا دماغى انا تعبانة (بصوت مجهد) سيونى
لوحدى سيونى .

سنية	ياللى بينا يا صرصاره احسن دى حاتفوقنى
منى	تدخل (انتى قاعدة لوحدك ليه نا ابله ليلى ؟ (سنية وصرصاره بخرجان)
ليلى	مش عايزة اقعد مع احد
منى	يعنى اسيبك لوحدك ؟
ليلى	لو سمحتى
منى	حاسة انك زعلانة من مدام سلوى
ليلى	تتمتم سلوى فتحب دماغى فلقتها نصين نص يها بيثلب دم والنص الثانى راح منى بعيد بعيد
منى	راح منك فين يعنى ؟
ليلى	لعمري اللى فات
منى	از مش فاهمة انتى بتتكلمى عن ايد ؟
ليلى	لما انا افهم ابقى اقولك
منى	طب حاروح المكتبة مدام سلوى هناك تيجى معنا ؟
ليلى	اعمل فى المكتبة انا باقرا ولا بافهم فى اللى انتو بتقروه
منى	الى ما يفهمش يفهم
ليلى	منى سيبينى لوحدى لو سمحتى
منى	: حاضر تمضى متجهة الى المكتبة تاركة ليلى وحيدة

(شفيقة قادمة تحجاً كعادتها)

(وهى تردد) حيث اتخمت قتلت ارتاحت .
حيث اتخمت قتلت ارتاحت

شفيقة

حين ترى شفيقة تنهض وتشدها من يدها
رجاء شفيقة تعالى اقعدى معايا شوية

ليلى

شفيقة

انا ؟

آه عايزة اتكلم معاكى

ليلى

بس كده عنيه (تجلس بجوار ليلي) عايزه تتكلم
فى ايه

شفيقة

حد يقتل حبيبته

ليلى

بخونك لما بخدمك لما نزلت من على
عرشك ويرميكى فى سابع ارض لما يقعد واحدة
مطرحك لما بخليكى "طاطى راسك وتعيش القهر
وقلت الحيلة لما اكسر قلبك فى أعز ما عندك

شفيقة

أعز ما عندك

ليلى

على جسدها وتهز صدرها (جسمى
جمالى شبابى لما ناخذك لحم ويرميكى عضم
لما يصبغ شعره ويسبب حواجه وتخشى عليه
تلاقيه اسم الله على مقامك بيتمرغ فى حضن بنت
من سن عياله بنت رقاصة من اللى انا علمتهم
هزة الوسط وشغلتهما فى الفرقة بتاعتى وجوزتهما
!بنى.. ضبطه فى حضنها بلبوس زى امه ما ولدته.

شفيقة

بعيد عنك فط الدم في دماغى ما شفتش حاجة
قدامى وساعتها اتهمالى ان لو ابنى شاف المنظر
ده حاقتلهم الاثنين يبقى انا اولى بقتل الخاين
ودب وبأيدالهون دشدشب له دماغه ومن ساعتها
وانا بأقول حبيب اتخيمت قتلت ارتاحت

ارتحتى ؟

لىلى

شفيفة

طبعا ما انا لما قتلت اتغسلاب من العذاب وارتحت
وخرجت من السجن

خرجتى ازاي دا انتى دخلتى السجن أهو واخذتى
مؤبد كمان

لىلى

شفيفة

لا نا نظرى لا مش ده السجن نا ضنايا لا السجن
هو الضلمة يا حبيبتى اللى تبقى فيها الست منا
السجن كسرة القلب وغدر الزمان السجن هو
الحيرة والقهرة لكن اول ما بتكشف المستور
قدامك وتشوفى كل حاجة عينى عينك بجبلك
الافراج انا من ساعة شبابى ما دبل وجسمى
اترهل وأنا حاسمة بعين الزانغة وعشت جوه سجن
الغيره من ساعة ما تتلته عاشة فى
السعادة وراحة البال

السعادة هنا فى السجن

لىلى

شفيفة

ما انتى نا حبيبتى لما تزيحى الهم من على القلب
وتغسلابى عارك باندك وتأخدى بتارك تبقى سعادتك
بعد كده فى اى مكان جوه السجن أو براه ومش
مهم بعد كده كله يهون وتمشى وتمخطرى زى

وتقولى (تحجل راقصة وهى تردد) حيث اتخيمت
 قتلت (نسمع صراخا وضجة آتية من الخارج
 عدد من السجنانات يحملن عدلات حتى الساحة
 عدلات مغمى عليها المسجونات قادمات من كل
 جانب صرصارا وسنية وهند وانصاف وايضا
 سلوى بنى وخوخة قادمة ومن حولها بناتها)

بسم الله الرحمن الرحيم فيه ايه نا بخيتة ؟ هو
 اتحكم عليها ؟

اخذت اعدام همسات من المسجونات (

نا مصيقتى اعدام

طبعنا اعدام مش قطعت جوزها حتت حتت

من ايه ما هو من قهرة قلبها وقسوته عليها
 ده كان بيضربها لحد جسمها ما شلب دم

برضه ماتقتلش (المسجونات يحطن بعدلات
 (عدلات تنهض تقف فى وسط الساحة اظلام
 تدريجى ثم اضاء وجهة نظرها على بقع
 ضوء فى أماكن متفرقة من الساحة
 الاضاء تتركز على عدد من القضاة فى أماكن
 مختلفة من الساحة وكأن السجن كله قد تحول
 الى ساحة قضاة ثم الاضاءات تتركز على قاضى
 واحد عدلات تقرب منه وتوجه كلامها له وكأنها
 لا ترى احدا بالساحة غيره)

اعدام يا سعادة القاضى طيب اعدام ليه ده انا
 قتلته مرة واحدة لكن هو قتلنى ميت مرة

خوخة

بخيتة

سنية

هند

انصاف

هند

عدلات

ذة أنا من يوم ما تجوزته وهو مطفحنى الدردى
 وبقيت أقول استحملى يا بت أهو بيساكل
 ولادك اليتامة اللى أبوهم سابهم لى ددع
 واتحملت ضربه واهانته وزفارة لسانه اتحملت معاه
 أيام أسود من قرن الخروب ودقت المر ومر المر
 وكنت مستحمله لكن لكن لما سمعت ابنى
 ضنايا بيصرح وهو قافل عليه الدكان اللى مشغله
 فيه ودخلت أجرى وكسرت الباب وشفته وهو بارك
 على ابنى زى الوحى الكاسر ويعمل فيه الشئ
 الفلانى جتتى كلها ولعب نار ومادرتش غير
 وأنا بانشرله جتته اللى كان بارك بيها على
 ابنى نشرتها بالمنشار اللى ينشر بيه الخشب
 نشرت جتته اللى كان بيبرك على بيها ويضربنى لحد
 ما جسمى يشلب دم يضربنى أنا آه لكن يعمل
 فى ابنى كده لا كان لازم أقتله وانشر جتته
 أنا ما فرطش فى شرف ابنى وكان لازم أخد
 بتاره وبتار سنين الشقا اللى عشتها فى
 سجن عذابه قفلت عليه ثلاث أيام لحد ريحته
 ما فاحب وجم قبضوا عليه واعترفت
 ودلوقت أنا رايحة على جبل المشنقة وأنا
 متشوقة الدنيا غير الدنيا متشوقة لجنة
 ما عشتهاش ونفى اعيشها وعشان كده
 يالله يا سمات زفونى وعلى جبل المشنقة
 وودونى.. طبلوا لى زغردوا لى تقف كالعروسة
 تمشى فى وسط الجميع على عمق المسرح
 تشد طرحتها وتضعها على راسها كما طرحة

الزفالف تفنى) اتمخطرى يا حلوة يا زينة يا وردة
من جوه جنينة (الجميع يدققن على عمدان الساحة
وهم يزفونها فى زفة جنازىة)

الجميع

اتمخطرى يا حلوة يا زينة يا وردة من جوه جنينة
(المسجونات يمشين فى الزفة حتى عمق الساحة
ليلى تتكور على نفسها فى حزن شديد خوخة
جالسة حزينة من حولها بناتها نسمع زغرودة
آتية من الخارج سرعان ما نتبين ان التى تزغرد
هى السجانة وداد)

السجانة

يا ست الهام يا ست الهام الهام قادمة ومن
حولها بناتها)

الهام

فيه ايه يا وداد ؟

السجانة

ايدك الأول على الذى منه ورقة صحيحة

الهام

فيه ايه

السجانة

افراج يا حبيبتي

الهام

افراج

(الجميع ينتبهن لهذا الخبر)

خوخة

كوسه

السجانة

بيقولوا القضية تحفظت واننى طلعتى براءة وگل
بناتك كمان

لىلى

براءة

الهام

تنظر الى لىلى فى تعال) طبعا امال التى متصورة
ايه ؟ اكيد قبضسوا على البنات الى ضحكك عليها
واديتنى الشنطة .

السجانة

ايوه ايوه قبضوا عليها وهى بره بتفتش

الهام

تقترب من ليلى (مش عايزة حاجة من سليم
جوزك نا ليلى ما انا ضرورى حا اقباله واى حاجة ؟
انا تحب امرك ليلى تنظر لها ولا تجيب بلاش
انا عملت بأصلى معاكى

السجانة

بالله يا سب الهام روحى البسى وحضرى شنتنك
والحقينى بالمعالم (الهام تمضى الى الداخل وبناتها
من حولها)

خوخة

حقه بطلوا ده واسمعو ده عيشنا وشفنا بتوع
الأبيض بيخرجوا براءة وبتوع الأسود بياخدوا
مؤبد

مهلبية

اكيد وسايطها كثير يا معلمة

بخيتة

قادمة ومعها سعدية فتاة ريفية يبدو عليها انها
خادمة يبدو عليها الخوف بخيتة تجلسها
على حافة السجن (اقملى هنا يا بت لما اشوف
حا أسكنك فى انهى عنبر (سعدية تتكور على نفسها
فى خوف ليلى تنظر ناحيتها. يبدو عليها انها
تعرفها تتجه اليها وتساألها فى دهشة

ليلى

ايه ده ؟ مش انتى سعدية اللى كانت زمان بتشتغل
عند الهام ؟

سعدية

تنظر الى ليلى فى دهشة (ست ليلى يا مصيبتى
هو انتى كما مسموكة مع الست الهام

ليلى

: (فى استنكار) لا طبعا .

سعدية	أمال أيه ألى جابك كفالله الشر ؟
ليسلى	قوللى الأول انتى أيه ألى جابك ؟
سعدية	(فى تردد وخوف هه قسمتى ؟
	(خوخة تقترب منها ومعها سنية وصرصارة
سنية	دعارة يا شابة ؟
سعدية	لا
خوخة	ولا مخدرات
سعدية	بعد الشر ده انا كنت فى المطار بودع واحدة من قرايب أبويا ورايحة تحجج بصيب لقيت مزميل بتناولنى شنطة وشاورت لى على واحدة سب واقفة فى الطابور وقالت روحى ادى الشنطة دى للسب ألى واقفة هناك دى رحت للسب دى اديلها الشنطة لقيتها السب الهام
ليسلى	انتى ألى اديتى الشنطة ألى فيها الهيروين لالهام .
سعدية	ما انا ما اعرفش فيها أيه انا يدوب اخذتها من الشابة واديتها لها وبس
خوخة	ده مين يا بت ألى حفظك الكلمتين الهبل دول ؟
سعدية	هه ماحدش حفظنى حاجة ده ألى حصل
سنية	يبقى فيها مؤبد يا فالحة .

مؤبد ؟

سعدية

مش اعترفتى يا هيلة طبعاً يبقى مؤبد

خوخة

مؤبد

سعدية

وجاز تاخدى اعدام كمان

خوخة

يا مصيبتى

سعدية

وهى قادمة ومن حولها بناتها مجرد أن ترى
سعدية تنظر إليها فى احتقار (انمسكتى يا سفلة
يا حقيرة حضرتك كنتى عايزه تودبنى فى داهية
جايه تدينى شنطة وتقوللى واحدة بعتهالك
سعدية تنظر لها فى ذهول السجانة قادمة)

الهام

ياالله يا سب الهام العربية مستنية والظابط معاه
أوراق الافراج

السجانة

افراج لا لا (سعدية تجرى على الهام تمسكها
من ملابسها أنا لايمكن حاسيبك تخرجى
لا هاتولى النيابة هاتولى البوليس ما دام الحكاية
فيها مؤبد واعدام يبقى لازم اتكلم لازم اصرخ
بعلو صوتى لحد ما تيجى النيابة وأقول اللى حصل
وانتى بقى نا ست ليلى أول واحدة لازم تعرفى
آه ما هو سليم بيه جوزك هو اللى رمانى الرمية دى .

سعدية

(فى ذهول) سليم جوزى

ليلى

آه ما هو جه لأمى وادها عشرة آلاف جنيه (ليلى
فى عدم تصديق)

سعدية

امى شافتهم من هنا جالها لطف من هنا وقالتله
طلباتك امر نا سليم بيه عايز ايه ؟

قالها انا بس هاحفظ سعدية كلمتين تروح تقولهم
فى النيابة عشان الست الهام تخرج من القضية
الى واقعة فيها قضية ايه يا بيه ونياية ايه ؟
قال انتى كلتى عيش وملح عند الست الهام
وهى عايزة منك خدمة بسيطة حاتروحي النيابة
تقولى ان الشنطة الى اتمسكت معاها فى المطار
انتى الى كنتى ادتيها لها وانا حاوقف لك محامى
يخرجك زى ما حيخرجها ونزل من هنا والبوليس
جه من هنا قبض عليا وانا خارجة ورجليه بتلف
على بعضها من الخوف امى طبطبت عليا وقالت
لى اوعى تنسى ولا كلمة من اللى حفظها لك
سيدك سليم دول عشر تلاف جنيه يا ضنايا
لو اشتقلت انا وانتى وأخواتك وأبوكى لو كان
لسة عايش العمر كله مش حانقدر نجيب ربعهم
سمعت كلامها ورحت زى الهبله واعترفت فى
النيابة وماكنتش أعرف ان فيها مؤبد ولا اعدام
تلطم خديها)

خوخة

نا ضنايا يا بنتى لبسوكى القضية بعشر تلاف
جنيه ده اخذ ما بندفعش فى قضية زى دى أقل
من ميت الف جنيه يا خايبة

سعدية

لا ما انا مش حاسكت يا بوليس يا نياية
يا حكومة

كاميليسا

(تاخذ سعدية فى حضنها) يا مجنونة اللى بتعمله

ده مش حايئفع واسمعبنى اسمعبنى أنا قلبى عليكى
تعالى بس نتفاهم أنا وانتى (تاخذ سعدية
لبعيد ، لتهمس لها ليلى تشد الهام وتسألها
فى هلع)

الكلام بتقوله سعدية ده صحيح ؟

ليلى

الهام

تهمس لها ثم تشدها لبعيد (وطى صوتك
يا ليلى عثمان العقربة اللى اسمها سلوى
ما تسمعكيش

(فى ذهول ما تسمعش ايه وتسمع ايه ؟ سليم
يروح لسعدية ؟

ليلى

الهام

عثمان الشنطة اللى اتمسكت معانا بالهروين بتاعته
ولو ما عملش كده أنا حاعترف عليه واودنه فى ستين
داهية عرفتى بقى عمل كده ليه

ليه هو سليم بيتاجر فى الهروين

ليلى

الهام

وفى السلاح كمان يا حبيبتي سليم جوزك بيتاجر
فى كله وبكله

مستحيل مستحيل

ليلى

الهام

نعم جرى انه يا لولا انتى حاتسبغطى تكونيش
كنتى نائمة على ودانك ولا عامية ما بتشوفيش
الخواجات اللى كل يوم والتانى عندكو لعقد
الاتفاقيات والصفقات واللى مسمين ، نفسهم
رجال أعمال وحضرتك كنتى بتقفى بنفسك بتعملى
لهم العزايم بايدك اظن كل ده كان بيحصل
وانتى ماتعرفيش يانغة .

ليلى

لا ماعرفش ولا عمرى حتى كنت أتصور ان ده
بيحصل

الهيام

يبقى من خيبتك يا لولا سعدية تحاول تتخلص
من بين بدى كاميليا)

كاميليا

يا ب اسمعى كلامى اللى جرى جرى وامك
معاه العشر تلاف جنيه وصدقيني كده القضية
حائفسد وانتى كمان حاتطلعى براءة وتعالى بس لما
أقولك كاميليا تشد سعدية لبعيد تهمس لها
بكلام غير مسموع منى تقترب من سلوى)

منى

مستحيل اللى بيحصل ده مستحيل

سلوى

فى حزن وشجن بس بيحصل

منى

ليه ؟

سلوى

ليه دى شرحها بطول ليه دى عايزه مننا
واقفة طويلة مخبيش عليكى يا منى وأنا بره كان
بيتهيالى اننا عارفين كل حاجة وشافين كل
حاجة لكن من ساعة ما جيت وأنا حاسه
اننا لازم نعيد حسابتنا فى حاجات كثيرة
لازم نحط ايدنا على العفن اللى بيتسرب حوالينا
واحنا مش شافين والخوف احسن بعد شوية
نتعود على ريحته لحد ما تسمنا من ساعة
ما دخلت السجن وأنا حاسة ان المركب بتغرق
واحنا كده كل مادا فى النازل كل مادا فى النازل.

خوخة

خوخة تزعق فى سعدية) ما تصدقيهاش يا بت

نت لاسكن تاخدى براءة دى بتكذب عليكى

سمنية

والاعتراف سيد الأداة زى ما بيقولوا يا أخه
وضرورى حاتأخذ مؤبد ويمكن اعدام كمان

سعدية

تصرخ (تجرى من كاميليا) لا لا مش حاسيها
تخرج لا (ليلي تتحرك كالمذهولة من هول
ما سمعت كاميليا تقترب من الهام)

كاميليا

الهام

شوفي طريقة وسكتي البنت دى يا مدام
سببها تهو هو ما خلاص القضية بالنسبة لى
اتحفظت (الهام تقترب من ليلي وتهمس لها) ليلي
يا حبيبتي نصيحة منى لك لما تخرجى اتشجعى
مرة فى عمرك واسألى سليم جوزك هو معيشك فى
العز اللى انتى بتتمرغى فيه ده منين تتجسه
لتخرج السجانة تخرج معها غير ان سعدية
تنقض عليها فى جنون وتشدها من ملابسها)

سعدية

لا لا لا يمكن حاسيبك تمشى لا يمكن (سعدية
احكمت الامساك بالهم الهام تنظر الى السجانة
وداد ثم لها وكأنها تقول بسك عليه
تنقض السجانة على سعدية وتمسكها من شعرها
تلفه على ردها فى قسوة ليلي تندفع وتشد سعدية
من بد السجانة ان السجانة تضرب ليلي
ليلي لا تستسلم بل تتمكن منها وتظل تضرب فيها
بنات الهام يشدون الهام كى تخرج من المكان غير
ان بنات خوخة بمنعونها من الخروج السجانة
تخرج صفارتهما وتصفر على اثر صفارتهما بحضر
عدد من العساكر يشدون ليلي من على السجانة
فى عنف تتدخل سلوى ومنى يشدون ليلي من
أندى العساكر سلوى ومنى لا يستسلمان
تدافعان عن ليلي بنات خوخة يضربن بنات
الهام خوخة تمسك الهام من يدها كى لا تتحرك

ليلى تتمكن من الخروج من تحت أيدي العساكر
وتشد الهام من شعرها تقوم مشاجرة بين الجميع
تنتهى بأن تتمكن العساكر من الإمساك بليلى بعنف
يلويان ذراعها - سلوى ومنى يتصدیان للعساكر
بشجاعة

استنى عندك اسمع اللى حصل

سلوى

الى حصل وصل وأنا شفتها بعينى وهى بتضرب
الموظفة وده اثناء تأدية عملها

عسكرى ١

يبقى بالله على التأديب

عسكرى ٢

ومن الصبح النيابة تيجى تحقق يشد ليلى
ودلوقت على الحبس الانفرادى بالمسجونة

عسكرى ١

تقف فى طريقه لو سمحنا شاويش مفيش
داعى تكبر الموضوع

سلوى

مش ليلى اللى ابتدت بالضرب ده الـ

منى

الكلام ده قولوه فى التحقيق

العسكرى

تنظر الى العساكر فى هدوء وشجاعة حامش
معاكوا وفى هدوء كمان بس مفيش داعى تشد أيدي
(عسكرى ١ بحكم القبض على يد ليلى من جانب
عسكرى ٢ بحكم القبض عليها من جانب آخر
ليلى وهى بين أيدي العساكر تتكلم فى هدوء وارتياح
وهى ناظرة الى سلوى فى ثقة وحب)

ليلى

ما تخافيش عليا نا سلوى انا خلاص ما يهمنيش
الحبس الانفرادى ولا يهمنى السجن كمان تنظر
الى الهام) وانسى يا ست الهام اخرجى قولى

ليلى

لسليم بيه ليلى مش عايزة تخرج من السجن عن
طريقك (سلوى تنتبه وتساألها)

عن طريقه طريقه ازاي يعنى ؟

ما هي لعبته الحفيرة خلاص انكشفت ومش انتوا
أعداء الوطن يا سلوى

أعداء الوطن ؟

ما هو لما جاني طلب منى انى اتجسس عليكوا واعرف
كمال جوزك هريان فين وأول ما أعرف طبعا ابلغه
عن طريق ضابط المباحث اول ما بلغه
حايزرجنى وقال ايه لو انا عملت كده
أبقى باخدم البلد تفهقه أمى زمان دايما
كانت تقول ربنا يخليكى يا شدة ياللى بتبينى العدو
من الحبيب والعدو الحقيقي هما دول (تشير
على الهام) اللى بيتاجروا فى السموم اللى بيتاجروا
فى السلاح والللى بيتاجروا فى كله وبكله بس العيب
مش عليهم لا العيب على اللى بيسبوهم يعملوا كده
ما هو العيب مش على الظالم لا العيب على اللى
بيسكت على ظلمه وعشان كده يا سلوى من دلوقت
انسا مش حاقول يا قهرة قلبى على عمرى اللى
اتسرب من بين صوابى زى الميه لا انا اللى
استاهل انا اللى رضيع وعشت عامية وأنا باشوف
طرشة وأنا باسمع خرسة وأنا باتكلم
ومن دلوقت باقولها بعلو الصوت اهو على الطلاق
من حياتك يا سليم واى حياة زى حياتك ولو كنت
دخلت السجن المرة دى عن طريق الصدفة
المرة اللى جايه حادخله لاني مش حاسكت على اى

منى

ليلى

سلوى

ليلى

شكّل من أشكال الظلم ولا الزيف ولا الكذب الكذب
الى خلانى لبست باروكة صفرة عشان ابقى جوة
الفرمة لا الباروكة اهي تخلع الباروكة الصفراء
واذا بشعرها أسود ناعم تفرده وتهزه فى زهو)
وشعرى الأسود اهو وعمرى ما فرطت فيه

سلوى

تشير على ليلى فى سعادة) ليلى الشقية الذكية
قلبي حمامة بيضة وطائرة فى سما صافية طائرة
فى دنيا واسعة كانت تايهة منى وانا تايهة منها

ليلى

ليلى ليلى الشقية الذكية الى كنت باحبها
زمان

سلوى

حائرجمى تحبينى يا سلوى - لأن انا كمان
حا احبنى تانى يا منى
(سلوى تحضن ليلى)

ليلى

وحشتينى يا ليلى وحشتينى

سلوى

وانا كمان وحشتنى وحشتنى قوى قوى
(العساكر يشدون ليلى سلوى وخوخة وسنية
وانصاف يلتفون حول ليلى منى تندفع اليها
وتقبلها فى حب)

ليلى

ليلى تقف فى مواجهة الهام ثم تبصق عليها فى حدة
العساكر يشدون ليلى ويهبطون بها الى الصالة .
ترتفع أغنية النهاية

ستار

للمؤلفة

مشرحة - المرجحة - سنة ١٩٦٧

مشرحة - البامبور - سنة ١٩٧٢

مشرحة - بلا اقنعة - سنة ١٩٨٢

مشرحة - البين بين - سنة ١٩٨٥

رقم الايداع ١٩٩٣/٢٤٧٣

الترقيم الدولي 5 — 3278 — 01 — 977 I.S.B.N.

مطابع الهيئة المصرية العامة للكتاب



فتحية العسال من الكاتبات العربيات القليلات ، بل
النادرات ، اللائى تجران على اقتحام عالم المسرح .
فالمسرح بطبيعته المقتصدة التى تكرة التزيد والثثرة ،
ليس فنا نسائياً ، وعدد الكاتبات اللائى نبغن فيه قليل
جدا على مستوى العالم كله ..

ومسرحية « سجن النساء » تقدم لنا نماذج عديدة من
النساء المسحوقات المنتهكات إلى جوار عدد قليل من
المناضلات الصامدات ، ومن خلال التصوير الفنى
الناضج ، والمواقف الحية المتدفقة ، والحوار الحى
الساخر ، والتصادمات الساخنة المتنامية ، تتكشف لنا
حقيقة الأوضاع المسيطرة على مجتمعنا والصراع
الرئيسى الغالب عليه بين قوى الخير والتقدم والتحرر
وقوى الشر التى تتاجر بكل شىء ..

ومن الطبيعى أن تنحاز الكاتبة إلى جانب قوى الخير
والتقدم .. مع اقترابها من مزيد من النضج الفنى ورحابة
الفطره الانسانية ، شأن كل عشاق الحياة وبنائها .

فؤاد دواره

يناير ١٩٩٣